

Bizkaiko Foru Aldundiaren 205/2008 FORU DEKRETUA, abenduaren 22koa, Bizkaiko Lurralde Historikoko zerga betebehar formalak araupetu dituen (BAO Urtarrilaren 7koa)

Bizkaiko Lurralde Historikoko Zergei buruzko martxoaren 10eko 2/2005 Foru Arau Orokorrak Bizkaiko Lurralde Historikoko zerga sistemaren printzipioak eta arau juridikoak ezarri ditu, eta Bizkaiko Foru Aldundiari ahalmena eman dio hura garatzeko behar diren xedapen guztiak emateko. Ahalmen horretaz baliatuta, Foru Aldundiak ondokoak onetsi ditu: ekainaren 21eko 99/2005 Foru Dekretua, Bizkaiko Lurralde Historikoko Zerga Ikuskapenaren Araudia onetsi duena; ekainaren 21eko 100/2005 Foru Dekretua, Bizkaiko Lurralde Historikoko zergen arloko zehapen araubidea onetsi duena; ekainaren 21eko 101/2005 Foru Dekretua, zergei buruzko kontsulta idatzien eta zerga-ordainketako aurretiazko proposamenen prozedurak eta itzurpenaren aurkako klausula garatu dituen; abenduaren 27ko 215/2005 Foru Dekretua, Bizkaiko Lurralde Historikoko Zerga-bilketari buruzko Araudia onetsi duena; abenduaren 27ko 228/2005 Foru Dekretua, Bizkaiko Lurralde Historikoko

Zergei buruzko martxoaren 10eko 2/2005 Foru Arau Orokorra administrazio bidezko berrikuspenaren arloan garatzeko Araudia onetsi duena. Zergei buruzko Foru Arau Orokorra osorik garatu ahal izateko ezinbestekoa da zerga prozedurei buruzko arau orokorrak onestea eta kudeaketako jarduketak eta prozedurak araupetzea. Gainera, testu arauemaile bakar batean bildu behar dira Bizkaiko Lurralde Historikoko Zergei buruzko martxoaren 26ko 3/1986 Foru Arau Orokorra garatzeko emandako arau-xedapen guztiak.

Izan ere, zergak kudeatzeko egiten diren jarduketei eta prozedurei buruzko araudi orokorrik ez dagoenez, arlo horretako araudi batzuk onetsi dira hainbat gairi buruz: identifikazio fiskaleko zenbakia, zerga zentsuei buruzko informazioa, eta aldiakako aitortzen bitartez eman beharreko informazio orokorra (hirugarrenekin egindako eragiketei buruzkoa, esaterako).

Foru erakundeak sistematizatu nahiz, araudi honek arlo honetan orain arte indarrean egon diren hainbat arau antolatzen eta biltzen ditu, betebehar batzuez zerga batzuen arautegietan ezarritako arauak (erdiespen orokorra eduki behar dutenak) orokortzen ditu eta orain arte araupetu gabe egon diren betebehar formalak, batzuk sortu berriak, araupetzen ditu.

Horrela, lehenbizi zerga zentsuak araupetu dira, batez ere zerga zentsu batzuk araupetu dituen uztailaren 20ko 130/2004 Foru Dekretuan ezarritakoa oinarritzat hartuta. Oinarri horri, hala ere, berrikuntza garrantzitsuak txertatu zaizkio: hileko itzulketen erregistroa sortzea eta zergapekoen zentsuan agertu beharreko gutxieneko datuak gehitzea (pertsona fisikoenak zein pertsona juridikoenak eta erakundeenak).

Horrez gainera, Jarduera Ekonomikoen gaineko Zergaren subjektu pasiboak haren kargatik salbuetsita badaude, berriazko aitortzenak barik zentsu aitortzenak aurkeztu ahal izango dira. Aldaketa honek urtebete barru sortuko ditu ondoreak.

Halaber, identifikazio fiskaleko zenbakiari buruzko arauak ezarri dira; honetaz egin da gauzarik garrantzitsuen indarreko arautegia (identifikazio fiskaleko zenbakiaren osaera eta hura erabiltzeko modua araupetu dituen urriaren 8ko 113/1996 Foru Dekretua eta pertsona juridikoei eta nortasun juridikorik gabeko erakundeei identifikazio fiskaleko kodea emateko prozedura ezarri duen maiatzaren 19ko 64/1998 Foru Dekretua) sistematizatzea izan da.

Informazio betebehar orokorrei dagokienez, Araudiko VI. tituluan orain arte hainbat xedapenetan araupetuta egon diren aitortzen informatibo batzuen aurkezpenari buruzko arauak ezarri dira. Ildo honetatik, ondokoei buruzko informazioa eman beharra araupetu da: hirugarrenekin egindako eragiketak; finantza kontuak, eragiketak eta aktiboak; erakundeen eraketa, ezarpena eta azkentzea; nekazaritza, abeltzaintza eta basogintzako jardueren

ondoriozko diru-laguntzak eta kalte-ordainak; gizarte aurreikuspeneko sistemetara egiten diren ekarpenak. Ostera, ez da ezarri zerga batzuk berariaz ukitzen dituzten informazio betebeharrak, esaterako atxikipenen ingurukorik.

Honetan berrikuntza bat sartu da: oraindik aurrera erregistro liburuetakoa eragiketei buruzko informazioa eman beharko da, bai eta maileguei eta kredituei eta balore, aseguru eta errentei buruz ere, eta bazeuden informazio betebeharrak batzuk zabaldu dira, esaterako higiezin eskuraketaren inguruko finantza eragiketei buruzko informazioa eman beharra (orain arte hipoteka bermedun maileguen berri baizik ez zen eman behar, eta Pertsona Fisikoen gaineko Errentaren ordainketan soilik).

Azkenik, aipatu behar da araudi honetan ahalegin handiak egin direla zentsu egiaztapeneko jarduketak guztiak araupetzeko. Hain zuzen ere, arautegiaren ardatza identifikazio fiskaleko zenbakia ezeztatzea edo zerga erregistroetan baxa ematea eragin dezaketen jarduketak zehaztea izan da, helburu nagusia iruzurraren kontra egiteko tresna eraginkorra edukitzea dela.

Hori dela bide, Ogasun eta Finantza Saileko foru diputatuak proposaturik eta Bizkaiko Foru Aldundiak 2008ko abenduaren 22ko bileran eztabaidatu eta onetsi ondoren, hauxe,

XEDATU DUT:

Artikulu bakarra. Bizkaiko Lurralde Historikoko zerga betebeharrak formalei buruzko Araudiaren onespina.

Bizkaiko Lurralde Historikoko zerga betebeharrak formalak araupetu dituen Araudia onetsi da. Foru dekretu honen eranskinean dago.

XEDAPEN IRAGANKORRA

Bakarra. Informazio betebeharrak orokorrak.

2008ko informazio betebeharrak orokorrak, 2009. urtean bete behar direnak, 2008ko abenduaren 31n indarrean dagoen arautegian ezarritakoari lotuta eskatuko dira.

XEDAPEN INDARGABETZAILEA

Bakarra. Arau-indargabeketa.

1. Foru dekretu hau indarrean jarritakoan ondokoak indargabetuko dira:
 - a) 130/2004 Foru Dekretua, uztailaren 20koa, zerga zentsu batzuk araupetu dituen.
 - b) 113/1996 Foru Dekretua, urriaren 8koa, identifikazio fiskaleko zenbakiaren osaera eta hura erabiltzeko modua araupetu dituen.
 - c) 64/1998 Foru Dekretua, maiatzaren 19koa, pertsona juridiko eta nortasun juridikorik gabeko erakundeei identifikazio fiskaleko kodea esleitzeko prozedura ezarri duena.
 - d) 108/1996 Foru Dekretua, 1996ko irailaren 24koa, Bizkaiko Lurralde Historikoa, hirugarrenekin egindako eragiketen urteko aitortzea araupetu duena.
 - e) 5/1995 Foru Dekretua, urtarrilaren 31koa, Pertsona Fisikoen Errentaren gaineko Zerga aldarazi duena nekazaritza eta abeltzaintza jardueretarako atxikipen gabeko errenta nahiz konturako sarrera eta ordainketa zatikatuen zenbatekoari buruzko gaietan.
 - f) 96/1989 Foru Dekretua, uztailaren 5koa, pentsio plan eta funtsei, haien formula alternatiboei eta borondatezko gizarte aurreikuspeneko erakundeei buruzko informazio betebeharrak batzuk ezarri dituen.

- g) 15/2006 Foru Dekretua, otsailaren 14koa, Europar Batasuneko beste estatu batzuetan egoiliartutako pertsona fisikoek errenta batzuez informazioa eman beharra ezarri duena.
 - h) Sozietateen gaineko Zergaren Araudia onetsi duen ekainaren 10eko 81/1997 Foru Dekretuko 53. artikulua.
 - i) Azaroaren 20ko 207/2007 Foru Dekretuaren bidez onetsi zen Pertsona Fisikoen Errentaren gaineko Zergari buruzko Araudiaren 97. artikuluko 1, 3, 5 eta 6. paragrafoak.
2. Halaber, foru dekretu honetan xedatu denaren aurka dauden lerrun bereko edo beheragoko xedapen guztiak indargabetu dira.

AZKEN XEDAPENAK

Lehenengoa. Araudiaren gaikuntza.

Ogasun eta Finantza Saileko foru diputatuari ahalmena eman zaio foru dekretu honetan eta beraren bidez onetsi den araudian xedatutakoa garatzeko eta aplikatzeko behar diren arau guztiak emateko.

Bigarrena. Indarrean jartzea.

Foru dekretu hau «Bizkaiko Aldizkari Ofizialean» argitaratu eta hurrengo egunean jarriko da indarrean, eta 2009ko urtarrilaren 1etik aurrera sortuko ditu ondoreak.

ERANSKINA

I. TITULUA XEDAPEN OROKORRAK

1. artikulua. Aplikazio-eremu objektiboa.

1. Araudi honek Bizkaiko Lurralde Historikoko Zergei buruzko Foru Arau Orokorrean ondoko zerga betebeharrak hauei buruz ezarritakoa osatu eta garatu du:
- Zentsu betebeharrak.
 - Zerga egoitzari buruzko betebeharrak.
 - Identifikazio fiskaleko zenbakiaren inguruko betebeharrak.
 - Zergen arloko erregistro liburuei buruzko betebeharrak.
 - Informazio betebeharrak.

Gainera, araudi honek zerga betebeharrak formalak betetzen direnez egiaztatzeko jarduketak eta prozedurak araupepetu ditu.

2. Araudi hau Bizkaiko Lurralde Historikoko Zergei buruzko Foru Arau Orokorreko 1. artikuluan ezarritakoarekin bat etorritik aplikatuko da.

II.TITULUA

ZENTSU BETEBEHARRAK

I. KAPITULUA

APLIKAZIO EREMU SUBJEKTIBOA ZENTSU AITORPENETAN

2. artikulua. Nortzuek aurkeztu behar dituzten zentsu aitorpenak Bizkaian.

1. Enpresa-jarduerak edo lanbide-jarduerak Bizkaian egiten edo egingo dituzten pertsonak eta entitateek, bai eta atxikipena aplikatu behar zaien etekinak lortzen dituztenek ere, zentsu-aitorpenak aurkeztu behar dizkiote Bizkaiko Foru Aldundiari, baldin eta zerga-egoitza Bizkaiko Lurralde Historikoan badute edo, ez eduki arren, honako aitorpen edo autolikidazio hauetako bat aurkeztu behar badiote:
 - Atxikipenen eta konturako sarreraren aitorpena.
 - Sozietateen gaineko zergaren autolikidazioa.
 - Balio Erantsiaren gaineko zergaren autolikidazioa.
 - Jarduera ekonomikoen gaineko zergaren aitorpena. Dena dela, nahiz eta aitorpen hori aurkeztu beharrik ez izan, zerga horretatik salbuetsita daudelako, aitorpen hori aurkeztu beharko dute, jarduera egiteko lokalen bat badute Bizkaian.
 - Zerbitzu digital batzuen gaineko zergaren aitorpena.
2. Betebehar bera izango dute zerga egoitza Bizkaia Lurralde Historikoan duten errenta-eratzikipenaren araubideko erakundeetako (nortasun juridikoa izan zein ez izan) kideek, baldin eta jarduera zerga egoitza Bizkaitik kanpo duen erakunde baten bidez egiten badute.

II. KAPITULUA

ZERGA ZENTSUAK: MOTAK

3. artikulua. Zentsu motak.

1. Bizkaiko Lurralde Historikoko Foru Ogasunak zerga-zentsu hauek edukiko ditu:
 - a) Zergapekoen zentsua.
 - b) Enpresaburuen, profesionalen eta atxikitzailen zentsua:

Zergapekoen zentsua osatuko du.
 - c) Batasunaren barruko eragileen erregistroa.
 - d) Balio Erantsiaren gaineko Zergaren hileko izulketen erregistroa.
 - e) Enpresa handien erregistroa.
 - f) Zerga Berezien lurralde erregistroa.
 - g) "TicketBAI" software bermatzailearen erregistroa.
 - h) Alkoholaren eta edari deribatuen gaineko zergaren edo hidrokarburoen gaineko zergaren eremu objektiboetan sartutako produktuen gordailu fiskaletako produktu-ateratzaileen erregistroa.
 - i) Berotegi-efektuko gas fluordunen gaineko zergaren lurralde-erregistroa.

- j) Berrerabili ezin diren plastikozko ontzien gaineko zerga bereziaren lurralde-erregistroa.
- k) Zabortegietan hondakinak uztearen, hondakinak erraustearen eta batera erraustearen gaineko zergaren erregistroa.
- l) Informazioa eman behar duten plataforma beste eragileen Erregistroa.

Aurreko c), d), e),f) eta h) letretako erregistroak enpresaburu, profesional eta atxikitzaileen zentsuaren parte izango dira.

Enpresaburu, profesional eta atxikitzaileen zentsuko datuen bidez, Ogasun eta Finantza Sailak Sozietateen gaineko Zergari buruzko abenduaren 5eko 11/2013 Foru Arauko 119., 120. eta 121. artikuluetan aipatutako erakundeek indizea sortuko du.

2. Bizkaiko Lurralde Historikoko Foru Ogasunak lankidetzat hitzarmenak sinatu ahal izango ditu toki erakundeekin zentsu informazioa trukatzeko.
3. Zerga zentsuetan agertzen diren pertsonak eta erakundeak araudi honetan aipatzen diren datuak jakiteko eskubidea dute, alegia, zentsuetan euren buruz ageri diren datuen berri eduki dezakete. Horretarako, datuen ziurtagiria eskatu ahal dute. Aurrekoa eragotzi gabe, Zergei buruzko Foru Arau Orokorrean datuen lagapenerako eta haien berri emateko ezarritako mugak aplikatuko zaizkie datu horiei.

Zergapekoek euren datu pertsonalak zuzentzeko edo ezabatzeko eskubidea dute, baldin eta oker badaude edo zerbait falta bazaie, datu pertsonalen babesari buruzko legerian ezarritakoaren arabera.

III. KAPITULUA **ZERGA ZENTSUAK: SUBJEKTUAK**

4. artikulua. Zergapekoen zentsua.

Zergapekoen zentsuan araudi honetako 26. artikuluan ezarritakoaren arabera zergen arloko harremanetarako edo zerga ondoreak dituzten harremanetarako identifikazio fiskaleko zenbakia eduki behar duten pertsonak eta erakundeak agertuko dira.

5. artikulua. Enpresaburu, profesional eta atxikitzaileen zentsua.

1. Enpresaburu, profesional eta atxikitzaileen zentsuan Bizkaiko Lurralde Historikoan ondoren azalduko diren jardura edo eragiketetako bat egiten edo egingo duten pertsonak edo erakundeak sartuko dira:

- a) Enpresa edo lanbide jarduerak.

Enpresaburu edo profesional izatea dakarten jarduerak dira, nekazaritzakoak, basogintzakoak, abeltzaintzakoak eta arrantzakoak barne.

Araudi honetan xedatutakoaren ondoretarako, enpresaburu edo profesionaltzat hartuko dira Balio Erantsiaren Zergari buruzko berariazko xedapenekin bat etorritik enpresaburu edo profesional direnak, nahiz eta zerga honen aplikazio lurraldetik kanpo jardun.

Ez dira sartuko enpresaburu, profesional eta atxikitzaileen zentsuan Balio Erantsiaren gaineko Zergari buruzko azaroaren 9ko 7/1994 Foru Arauko 20. artikuluko lehengo idatz-zatiko 23. zenbakian ezarritakoaren arabera Balio Erantsiaren gaineko Zergatik salbuetsita dauden higiezin-errentamenduak soilik egiten dituztenak, baldin eta errentamendua enpresa jardura bati loturik ez badago Pertsona Fisikoen Errentaren gaineko Zergari buruzko arautegian xedatutakoaren arabera. Halaber, ez dira sartuko zentsu horretan Balio Erantsiaren gaineko Zergari buruzko Foru Arauko 25. artikuluko lehengo bi idatz-zatietan xedatutakoaren arabera zerga hartatik salbuetsitako noizean behingo garraiobide berrien emateak egiten dituztenak eta foru arau bereko 26.

artikuluko hirugarren idatz-zatian xedatutakoa dela bide salbuetsitako Batasunaren barruko ondasun-eskuraketak egiten dituztenak.

- b) Atxikipena edo konturako sarrera aplikatu beharreko errentak ordaintzea.
 - c) Balio Erantsiaren gaineko Zergaren kargapeko Batasunaren barruko ondasun-eskuraketak, ez enpresabu ez profesional gisa ez dihardutenek eginak.
2. Aurrekoez gainera hauek ere sartuko dira zentsu honetan:

a) Ez-egoiliarren Errentaren gaineko Zergari buruzko abenduaren 5eko 12/2013 Foru Arauko 6. artikuluan xedatutakoaren arabera egoiliar ez diren pertsonak eta erakundeak, baldin eta zergaegoitza Bizkaian daukan establezimendu iraunkorraren bidez badihardute edo Bizkaian aurkeztu behar badute araudi honetako 2. artikuluan aipatutako aitorpenetako bat, eta foru arau horretako 5. artikuluko c) paragrafoan adierazitako erakundeak.

b) Egoitza balio erantsiaren gaineko zerga aplikatzen den lurraldean ez duten pertsonak edo entitateak, baldin eta, zerga horren subjektu pasiboak izanik, beraren aitorpena aurkeztu behar badiote Bizkaiko Lurralde Historikoko Foru Ogasunari.

Halaber, egoitza zerbitzu digital batzuen gaineko zerga aplikatzen den lurraldean ez duten pertsonak edo entitateak, baldin eta, zerga horren subjektu pasiboak izanik, beraren aitorpena aurkeztu behar badiote Bizkaiko Lurralde Historikoko Foru Ogasunari.

c) Ohiko egoitza edo zerga-egoitza Bizkaian izanik Bizkaitik kanpo enpresa- edo lanbide-jarduerak egiten dituzten pertsonak eta erakundeak, baldin eta zerga-betebeharrak badituzte Bizkaian jardun hori dela eta.

d) Nahiz eta artikulua honetan ezarritako betekizunetako bat bera ere bete ez, ohiko egoitza edo zerga-egoitza Bizkaian duten pertsonak edo erakundeak, baldin eta zergaegoitza Bizkaian duen eta errentak esleitzeko araubidean dagoen erakunde bateko bazkide, jaraunsle, erkide edo partaide badira eta enpresa- edo lanbide-jardueraren bat egiten badute.

6. artikulua. Batasunaren barruko eragileen erregistroa.

Batasunaren barruko eragileen erregistroan sartuko dira, hain zuzen ere, Balio Erantsiaren gaineko Zerga delaeta araudi honen 35. artikuluan zehazten den identifikazio fiskaleko zenbakia esleituta duten pertsonak edo erakundeak, baldin eta honako egoera hauetakoren batean badaude:

- a) Batasunaren barruan zerga horren peko ondasunemateak edo ondasun-eskuraketak egingo dituzten pertsonak edo erakundeak.
- b) Balio Erantsiaren gaineko Zergari buruzko Foru Arauaren 14. artikuluan aipatutako pertsonak eta erakundeak, baldin eta zerga horren peko ondasun-eskuraketak egingo badituzte Batasunaren barruan. Hala gertatzen denean, erregistro honetan sartzearekin batera, araudi honetako 35. artikuluan araututako identifikazio fiskaleko zenbakia esleitu zaien pertsona edo erakunde eskatzaileari.

Balio Erantsiaren gaineko Zergari buruzko Foru Arauaren 14. artikuluan aipatutako pertsonak eta erakundeak Batasunaren barruan egiten dituzten ondasun-eskuraketak, foru arau horretan ezarritakoaren arabera, ez badaude zergapean, pertsona eta erakunde horiek Batasunaren barruko eragileen erregistrotik aterako dira, eta automatikoki ezeztatuko zaie araudi honen 35. artikuluan araututako identifikazio fiskaleko zenbakia.

- c) Balio Erantsiaren gaineko Zergaren aplikazio-lurraldean establezimendurik ez duten enpresaburuak edo profesionalek emandako zerbitzuen hartzaile diren enpresaburuak edo

profesionalak, baldin eta zerbitzu-hartzaile direnak emailen diren subjektu pasiboak badira.

- d) Kokapen arauen arabera beste estatu kide batean emandakotzat jotzen diren zerbitzuak ematen dituzten enpresaburuak edo profesionalak, subjektu pasiboa denean zerbitzuon hartzailea.

7. artikulua. Balio Erantsiaren gaineko Zergaren hileko izulketen erregistroa.

Balio Erantsiaren gaineko Zergaren hileko izulketen erregistroan Balio Erantsiaren gaineko Zergari buruzko arautegian ezarritakoaren arabera hileko izulketaren prozedurarako eskubidea duten enpresaburuak eta profesionalak sartuko dira.

8. artikulua. Enpresa handien erregistroa.

Enpresa handien erregistroan aurreko egutegiko urteko eragiketen bolumena 6.010.121,04 eurotik gorakoa izan duten zergapekoak sartuko dira, baita Zergaren aplikazio-eremutik kanpo dihardutenak ere (zenbatekoa Balio Erantsiaren gaineko Zergari buruzko Foru Arauko 121. artikuluan xedatutakoarekin bat etorritik kalkulatu behar da).

9. artikulua. Zerga berezien lurralde-erregistroa.

Zerga berezien lurralde-erregistroa uztailaren 7ko 1165/1995 Errege Dekretuaren bidez onetsitako Zerga Berezien Erregelamenduko 40., 138. eta 146. artikuluetan aipatzen diren pertsonak eta establezimenduek osatuko dute, eta zerga berezien erregelamendu horretan ezarritakoaren arabera arautuko da. Bertan aurreikusita ez dagoen guztian, ordea, aplikatzekoak izango dira foru-dekretu honetan zentsu-betebeharrei buruz jasotzen diren xedapenak.

10. artikulua. TicketBAI software bermatzailearen erregistroa.

1. Sozietateen gaineko Zergari eta Pertsona Fisikoen Errentaren gaineko Zergari buruzko foru-arauen 122 bis eta 113 bis artikuluetan (hurrenez hurren) aipatzen diren ondasun-erateak eta zerbitzu-prestazioak dokumentatzen dituzten erregistroen trazabilitatea eta bortxaezintasuna bermatzen duen sistema informatikoari «software bermatzailea» deituko zaio, laburki, Bizkaiko Lurralde Historikoko zerga-araudian.
2. Software bermatzailearen erregistroa softwarea garatzen duten pertsonak eta entitateek eta haiek garatutako softwareek osatuko dute, baldin eta Sozietateen gaineko Zergari eta Pertsona Fisikoen Errentaren gaineko Zergari buruzko foru- arautetako 122 bis eta 113 bis artikuluetako 1. apartatuan (hurrenez hurren) xedatutakoa betetzen badute, eta artikuluko horiek garatzeko Ogasun eta Finantza Saileko foru-diputatuaren foru-agindu bidez onartzen diren zehaztapen teknikoak eta funtzionalak betetzen badituzte.
3. Aurreko apartatuan aipatutako softwareak software bermatzailearen erregistroan inskribatu nahi dituzten pertsona eta entitate garatzaileek alta-adierazpena aurkeztu beharko dute.

Alta-adierazpena Bizkaiko Foru Aldundiaren egoitza elektronikoaren bidez aurkeztu beharko da, horretarako eskuragarri jartzen den inprimakia betez. Inprimaki horrek erantzukizunpeko adierazpen bat izango du, softwarea garatzen duen pertsonak edo entitateak sinatu beharko duena. Bertan, honako baldintza hauek betetzen dituela adierazi beharko du:

- a) Inskribatzeko eskatzen den softwareak Sozietateen gaineko Zergari eta Pertsona Fisikoen Errentaren gaineko Zergari buruzko foru-arautetako 122 bis eta 113 bis artikuluetako 1. apartatuan (hurrenez hurren) xedatutakoa betetzen duela, eta artikuluko horiek garatzeko Ogasun eta Finantza Saileko foru-diputatuaren foru-agindu bidez onartzen diren zehaztapen teknikoak eta funtzionalak betetzen dituela. Letra honetan aipatzen diren betekizunei dagokienez, alta-adierazpenarekin batera betekizunok

betetzeko erabilitako prozedura teknikoak deskribatzen dituen memoria bat aurkeztu beharko da.

- b) Aurreko letran aipatutako deskripzio-memoria aurkeztutako alta-adierazpenarekin batera aurkeztu dela.
- c) Betebeharra duela aurreko a) letran aipatutako betekizunak eta baldintzak betetzen jarraitzeko, softwarea erregistroan inskribatuta dagoen bitartean, eta konpromisoa hartzen duela softwarea eskakizun eta baldintza horietan gerta daitezkeen aldatetara egokitzeko. Nolanahi ere, softwarea garatzen duen pertsonak edo entitateak zerga-administrazioaren esku jarri beharko du letra honetan xedatutakoa betetzen duela egiaztatzen duen dokumentazioa, hark hala eskatzen dionean.

Salbu eta pertsona edo entitate eskatzaileak horri buruzko desadostasun espresurik adierazi badu, erregistratutako softwarea Bizkaiko Foru Aldundiaren webgunean argitaratuko den zerrenda batean sartuko da.

Inskripzioak berekin ekarriko du inskribatutako softwareari lizentzia bat esleitzea. Lizentzia hori softwarea erabiliz sortzen diren Sozietateen gaineko Zergari eta Pertsona Fisikoen Errentaren gaineko Zergari buruzko foru-arauen 122 bis artikulua 1. apartatuko a) letran eta 113 bis artikuluko 1. apartatuan aipatzen diren fitxategi informatikoetan sartu beharko da.

- 4. Erregistroan alta emateak ez du esan nahi zerga-administrazioak homologatuko duenik inskribatutako softwareak Sozietateen gaineko Zergari eta Pertsona Fisikoen Errentaren gaineko Zergari buruzko foru-arauetako 122 bis eta 113 bis artikuluetako 1. apartatuan (hurrenez hurren) xedatutakoa eta artikulua horiek garatzeko Ogasun eta Finantzen diputatuaren foru-agindu bidez onartzen diren zehaztapen tekniko eta funtzionalak betetzea.
- 5. Zerga-administrazioak egiaztatzen duenean software bermatzailearen erregistroan inskribatutako software batek ez duela betetzen, batetik, Sozietateen gaineko Zergari eta Pertsona Fisikoen Errentaren gaineko Zergari buruzko foru- arauetako 122 bis eta 113 bis artikuluetako 1. paragrafoan xedatutakoa, edota Ogasun eta Finantzetako diputatuaren foru-agindu bidez onartzen diren zehaztapen tekniko eta funtzionalak, erregistro horretatik kanpo utzi ahal izango du.

Kanpoan uzteko prozedura ofizioz hasiko da; horretarako, txosten bat egingo da, eta bertan jasoko dira aurreko paragrafoan aipatzen den ez-betetzea eragin dezaketen egitateak, inguruabarrak eta gainerako elementuak. Kanpoan uzteko prozedura hasteak ez du eragotziko zergadunek softwarea erabiltzea.

Txosten hori zergapekoari jakinaraziko zaio, eta adieraziko zaio hurrengo hamabost eguneko epean egokitzen jotzen dituen alegazioak aurkezteko eskubidea duela.

Zergapekoak aurkeztutako dokumentuak eta alegazioak aztertu ondoren amaitu ahal izango da kanpoan uzteko prozedura, arrazoi hauetakoren batengatik:

- a) Softwarea software bermatzailearen erregistrotik kanpo uztea agintzen duen ebazpena dela eta, ez-betetzea prozedura horretan zehar zuzendu ez denean.

Kanpoan uztea softwarea garatzen duen pertsonari edo entitateari jakinaraziko zaio, eta hura erabiltzen duten zergadunei jakinaraziko zaie. Zergadun horiek ezin izango dute softwarea erabili kanpoan uztea jakinarazten zaienetik 3 hilabete igaro arte.

- b) Jarduketak artxibatzeagatik, prozedura izapidetzean agerian jartzen bada inguruabar hauetakoren bat ematen dela:
 - Prozedura hastea eragin duten egitateak, inguruabarrak eta gainerako elementuak ez egotea.

- Prozeduran zehar, prozedura hastea eragin duten egitateak, inguruabarrak eta gainerako elementuak zuzendu izana. Kasu horretan, softwarea garatzen duen pertsonak edo entitateak aldeztu aurretik egiaztatu beharko dio zerga-administrazioari zuzendutako softwarea bere bezeroen artean banatu dela, eta zerga-administrazioak hori egiaztatzeko jarduerak egin ahal izango ditu.
6. Elkarrekikotasunari dagokionez, betetzat joko da Sozietateen gaineko Zergari eta Pertsona Fisikoen Errentaren gaineko Zergari buruzko foru-arauen 122 bis eta 113 bis artikuluen 1. apartatua (hurrenez hurren) xedatutakoa eta Ogasun eta Finantzarako diputatuaren foru-agindu bidez onartzen diren zehaztapen tekniko eta funtzionalak betetzen dituen software bat erabiltzeko betebeharra, zergadunek Arabako Foru Aldundiak edo Gipuzkoako Foru Aldundiak gaitutako erregistro batean inskribatutako software bat erabiltzen dutenean, baldin eta artikulua honetan aipatzen den software bermatzailearen erregistroaren baliokidea bada.

10 bis artikulua. Alkoholen eta edari deribatuen gaineko zergaren edo hidrokarburoen gaineko zergaren eremu objektiboetan sartutako produktuen gordailu fiskaltako produktu-ateratzaileen erregistroa.

Alkoholaren eta edari deribatuen gaineko zergaren edo hidrokarburoen gaineko zergaren eremu objektiboetan sartutako produktuak gordailu fiskaltatik ateratzen dituzten pertsonak edo entitateek osatuko dute, izaera edozein dutela ere, zerga horien eremu objektiboetan sartutako produktuak gordailu fiskaltatik ateratzen dituzten pertsona edo entitateen erregistroa.

Ulertuko da produktuak gordailu fiskaltatik ateratzen direla Balio Erantsiaren gaineko Zergari buruzko azaroaren 9ko 7/1994 Foru Arauen eranskineko bosgarren apartatua jasotakoarekin bat, aduanaz bestelako gordailu araubidea uzten denean eta ateratzailearentzat horrek balio erantsiaren gaineko zergaren ondasunen inportazioarekin parekatutako eragiketa bat egitea dakarrenean. Era berean, ondorio horietarako, ulertuko da produktuak ateratzen direla eta hori egiten duen pertsona edo entitatea erregistro horretan inskribatu beharko dela, produktu bat etendura araubidean ateratzen denean beste gordailu fiskal batera eramateko. Erregistroa ez da exijituko, baldin eta aduanaz bestelako gordailu araubidea amaitzea ekarri duen irteeraren ondoren ateratzaileak egiten duen entrega balio erantsiaren gaineko zergatik salbuetsita badago.

Aurreko paragrafoan xedatutakoa aplikatuko da gordailu fiskalak zein pertsona edo entitatearentzat ematen duen zerbitzua aintzat hartu gabe. Pertsona edo entitate horrek produktuak ateratzeko baimena ematen badio beste bati, baimenduna ere aurreko paragrafoan aipatutako erregistroan inskribatu beharko da.

Erregistro horretan inskribatua izateko eta erregistroan baja emateko, interesdunak eskaera egin beharko du aurretiaz Bizkaiko Foru Aldundiaren egoitza elektronikoaren bidez, horretarako eskura jartzen zaion inprimakia betez, eta kasuan-kasuan zer produktu-mota dagokion zehaztu beharko da.

Inskripzio-betebeharra ezartzen duten eragiketak egin aurretik aurkeztu beharko da Alkoholaren eta edari deribatuen gaineko zergaren edo hidrokarburoen gaineko zergaren eremu objektiboetan sartutako produktuen gordailu fiskaltako produktu-ateratzaileen erregistroan sartua izateko eskaera.

10 ter artikulua. Berotegi-efektuko gas fluordunen gaineko zergaren lurralde-erregistroa.

Berotegi-efektuko gas fluordunen gaineko zergaren lurralde-erregistroa abuztuaren 30eko 712/2022 Errege Dekretuaren bidez onetsitako Berotegi efektuko gas fluordunen gaineko zergaren Araudiak 4. artikuluan aipatzen dituen pertsonak edo entitateek osatuko dute.

10 quater artikulua. Berrerabili ezin diren plastikozko ontzien gaineko zerga bereziaren lurralde-erregistroa.

Berrerabili ezin diren plastikozko ontzien gaineko zerga bereziaren lurralde-erregistroa Ekonomia zirkular baterako hondakinei eta lurzoru kutsatuei buruzko apirilaren 8ko 7/2022 Legearen 82. artikuluko 3. eta 7. apartatuetan eta horiek garatzeko araudian aipatzen diren pertsonak edo entitateak osatuko dute.

10 quinquies artikulua. Zabortegetan hondakinak uztearen, hondakinak erraustearen eta batera erraustearen gaineko zergaren erregistroa.

Zabortegetan hondakinak uztearen, hondakinak erraustearen eta batera erraustearen gaineko zergaren erregistroa Ekonomia zirkular baterako hondakinei eta lurzoru kutsatuei buruzko apirilaren 8ko 7/2022 Legearen 95.4 artikuluan eta hura garatzen duen araudian aipatzen diren pertsonak edo entitateak osatuko dute.

10 sexies artikulua. Informazioa eman behar duten plataforma beste eragilean Erregistroa.

Bat. Informazioa eman behar duten plataforma beste eragilean Erregistroa 65 sexies. 3 artikuluan aipatzen diren "informazioa eman behar duten plataforma eragileak" osatuko dute, zeinek erregistro horretan alta hartzeko deklarazio bat aurkeztu beharko baitute.

Bi. Alta-deklarazioak informazio hau jaso beharko du:

- a) Sozietatearen izena
- b) Identifikazio fiskaleko zenbakia.
- c) Espainiako lurraldeko egoitza fiskala.
- d) Helbide elektronikoak, webguneak barne.
- e) Espainiako lurraldean dituen legezko ordezkarien izen-deiturak edo sozietate- izena edo izen osoa, eta identifikazio fiskaleko zenbakia.
- f) Egoitza fiskala espainiako lurraldean ez badu, haren estatua edo egoitza duen lurraldea, identifikazio fiskaleko zenbakia, helbidea eta egoitza duen estatu edo lurralde horretan dituen ordezkarien identifikazio osoa.

"Plataforma eragilea" espainiako lurraldean egoiliarra ez bada, baina establezimendu iraunkor baten edo batzuen bidez jarduten badu Espainiako lurraldean, establezimendu iraunkor bakoitza banaka inskribatu beharko da Informazioa eman behar duten plataforma beste eragilean Erregistroan, eragile egoiliarren datu berak emanez eta baldintza berberetan, eta, gainera, establezimendu haietako bakoitzak identifikatu beharko du bera zer pertsona edo erakunde ez-egoiliarren menpe dagoen, eta aurreko apartatuan zerrendatutako datuak, pertsona-erakunde ez-egoiliarren buruzkoak, jakinarazi beharko ditu.

Deklarazio hori plataforma eragile gisa jarduera hasten denean aurkeztu beharko da, Bizkaiko Foru Aldundiaren honako foru dekretu honen I. eranskineko I apartatuan zehaztutako moduan: Bizkaiko Foru Aldundiaren foru-dekretua, zeinaren bidez, batetik, plataforma-operadoreek jakinarazitako informazioaren nahitaezko truke automatikoaren esparruan arreta egokirako arauak eta prozedurak garatzen baitira, eta, bestetik, Bizkaiko Foru Aldundiaren abenduaren 22ko 205/2008 Foru Dekretuaren bidez onartu zen Bizkaiko Lurralde Historikoko zerga-betebehar formalak arautzen dituen Erregelamendua aldatzen baita Fiskalitatearen arloko administrazio-lankidetzari buruzko 2011/16 (EB) zuzentaraua aldatzen duen Kontseiluaren 2021eko martxoaren 22ko 2021/514 (EB) zuzentzarauaren eta beste zerga-arau batzuen transposizioa egiteko.

Hiru. Aurreko apartatuan aipatzen den alta-deklarazioan edo ondorengo beste edozein aldaketa-deklaraziotan jasotako daturen bat aldatzen bada, erregelamendu honen 65 sexies.3 artikuluan aipatzen den "informazioa eman behar duen plataforma eragileak" Zerga Administrazioari jakinarazi beharko dio aldaketa hori, dagokion deklarazioaren bidez.

Deklarazioa aurkeztea eragin duten egitateak gertatu eta hilabeteko epean aurkeztu beharko da.

Lau. Erregelamendu honen 65 sexies.3 artikuluan aipatzen den "informazioa eman behar duen plataforma eragileak" plataforma eragile gisako edozein jarduera-mota egiteari uzten badio edo manu horretan jasotzen diren baldintzak betetzen ez baditu, deklarazio bat aurkeztu beharko du Zerga Administrazioari horren berri emateko, Informazioa eman behar duen plataforma beste eragileen Erregistroan baja eman diezaioten.

Baja hartzeko deklarazioa aurreko paragrafoan ezarritako inguruabarrak geratu eta hilabeteko epean aurkeztu beharko da.

Bost. Artikulu honen Bi, Hiru eta Lau apartatueta aipatzen diren alta-, aldaketa- eta baja-deklarazioak Bizkaiko Foru Aldundiaren egoitza elektronikoaren bidez aurkeztu beharko dira, eta ondorio horietarako zergapekoen esku jarriko den inprimakia bete.

IV. KAPITULUA ZERGA ZENTSUEN EDUKIA

11. artikulua. Xedapen orokorrak.

Zerga zentsuek datu hauek eduki behar dituzte nahitaez:

- a) Deiturak eta izena edo sozietatearen izen osoa, eta anagrama, edukiz gero.
- b) Identifikazio fiskaleko zenbakia.
- c) Zerga egoitza.
- d) Behar denean, atzerriko egoitza.

12. artikulua. Zergapekoen zentsuaren edukia.

- 1. Zergapekoen zentsuan pertsona fisikoei buruzko datu hauek jaso behar dira:
 - a) Izen-deiturak, sexua, jaioteguna, egoera zibila eta egoera zibilaren data.
 - b) Identifikazio fiskaleko zenbakia.
 - c) Beste herrialde batean dauden egoiliarren kasuan, bertako identifikazio fiskaleko zenbakia.
 - d) Ez-egoiliarren kasuan, egoitza duten estatuko identifikazio fiskaleko zenbakia.
 - e) Pasaportearen zenbakia, edukiz gero.
 - f) Espainiako lurraldeko egoiliar den ala ez.
 - g) Zerga egoitza eta higiezinaren zenbaki finkoa edo katastro erreferentzia, aplikatu beharreko arautegiaren arabera datu hauek eman beharrik ez dagoenean izan ezik.
 - h) Behar denean, atzerriko egoitza.

- i) Zergen arloan jarduteko gaitasunik ez duten pertsonen kasuan, legezko ordezkariaren izen-deiturak edo sozietatearen izen osoa.
2. Zergapekoen zentsuan pertsona juridiko eta erakundeei buruzko datu hauek jaso behar dira:
- a) Sozietatearen izen osoa, eta anagrama, edukiz gero.
 - b) Identifikazio fiskaleko zenbakia.
 - c) Beste herrialde batean dauden egoiliarren kasuan, bertako identifikazio fiskaleko zenbakia.
 - d) Ez-egoiliarren kasuan, egoitza duten estatuko identifikazio fiskaleko zenbakia.
 - e) Egoitza Espainiako lurraldean duen ala ez.
 - f) Espainian edo atzerrian eratuta dagoen. Atzerrian eratuta badago, zein herrialdetan zehaztu behar da.
 - g) Eraketa data eta, beharrezkoa bada, borondate akordioaren data eta erregistro publiko egokian inskribatu deneko data.
 - h) Eraketako sozietatearen kapitala.
 - i) Zerga egoitza eta zenbaki finkoa edo katastro erreferentzia, aplikatu beharreko arautegiaren arabera datu hauek eman beharrik ez dagoenean izan ezik.
 - j) Behar denean, atzerriko egoitza.
 - k) Legezko ordezkaria edukiz gero, haren izen-deiturak edo sozietatearen izen osoa.
 - l) Erakundearen berariazko xedea bere funtsen adierazgarri diren partaidetzak, akzioak eta gainerako tituluak beste batzuei eskualdatzea dela eta ordura arte jarduera ekonomikorik egingo ez duela dioen adierazpena.

Hori egin arte erakunde hauek ez dira sartuko 6, 7, 8 eta 9. artikuluetan aipatutako erregistroetan.

- m) Egoiliarren kasuan, izen-abizenak eta identifikazio fiskaleko zenbakia (eta behar denean, beste herrialde bateko identifikazio fiskaleko zenbakia); egoiliarrak ez direnen kasuan, beste herrialde bateko identifikazio fiskaleko zenbakia; Kapital zuriketa eta terrorismoaren finantzaketa prebenitzeko apirilaren 28ko 10/2010 Legearen 4. artikulua 2. apartatua ezartzen denaren arabera entitatearen egiazko titularrak direnen kasuan, BEZaren ondorioetarako identifikazio fiskaleko zenbakia edo egoitza duten herrialdeko beste identifikazio zenbaki bat.

13. artikulua. Enpresaburu, profesional eta atxikitzaileen zentsuaren edukia.

Enpresaburu, profesional eta atxikitzaileen zentsuan, aurreko artikuluan aipatutako datuez gainera, pertsona edo erakunde bakoitzaren datu hauek agertu behar dira:

- a) Egiten dituen enpresa edo lanbide jardueren zioz edo atxikipena edo konturako sarrera aplikatzen zaien errentak ordaintzeagatik aldian-aldian aurkeztu behar dituen aitorpenak edo autolikidazioak, araudi honetako 21. artikuluan ezarritakoarekin bat etorriz.
- b) Zerga-egoera; ondokoak azaldu behar dira:

1. Sozietateen gaineko Zergari buruzko abenduaren 5eko 11/2013 Foru Arauko 12. artikuluko idatz-zatiaren arabera Sozietateen gaineko Zergatik guztiz salbuetsitako erakundea denez.
 2. Sozietateen gaineko Zergari buruzko abenduaren 5eko 11/2013 Foru Arauko 12. artikuluko 2. idatz-zatiaren arabera Sozietateen gaineko Zergatik partzialki salbuetsitako erakundea denez.
 3. Irabazi-asmorik gabeko erakundeen zerga-araubideari eta mezenasgoari emandako zerga-pizgarriei buruzko Foru Arauaren II. tituluan araututako zerga-araubide berezia aplikatzeko edo haren aplikazioari uko egiteko eskaera.
 4. Pertsona Fisikoen Errentaren gaineko Zergaren aitopenean Egiten jarduera ekonomikoen etekin garbia kalkulatzeko aplikatzen duen metodoa.
 5. Pertsona Fisikoen Errentaren gaineko Zergaren zuzeneko zenbatespenaren metodoaren modalitate erraztua hautatu duen, uko egin dion, ukoa ezeztatu duen edo hartatik salbuetsita dagoen.
 6. Zergapekoa Balio Erantsiaren gaineko Zergaren araubide orokorrean edo araubide bereziren batean dagoen.
 7. Balio Erantsiaren gaineko Zergaren araubide erraztuan, nekazaritza, abeltzaintza eta arrantzaren araubide berezian edo kutxa irizpidearen araubide berezian dagoen, uko egin dion, ukoa ezeztatu duen edo hartatik salbuetsita dagoen.
 8. Batasunaren barruko eragileen erregistroan dagoen edo baxa eman zaion.
 9. Balio Erantsiaren gaineko Zergaren hileko itzulketen erregistroan dagoen edo baxa eman zaion.
 10. Enpresa handien erregistroan dagoen edo baxa eman zaion.
 11. Zerga berezien lurralde erregistroan dagoen edo baxa eman zaion.
 12. Alkoholaren eta edari deribatuen gaineko zergaren edo hidrokarburoen gaineko zergaren eremu objektiboetan sartutako produktuen gordailu fiskaletako produktu-ateratzaileen erregistroan sartzea edo baja ematea.
 13. Egindako jarduera ekonomikoen sailkapena, Jarduera Ekonomikoen gaineko Zergaren ondoretarako erabiltzen den kodetze- sistemaren arabera; jarduera nagusia bereiz adierazi behar da.
 14. Jarduera ekonomikoak egiten dituen establezimendu edo lokalen zerrenda, bakoitzaren datu hauek agertzen direla: autonomia erkidegoa, lurralde historikoa, probintzia, udalerrria, helbide osoa eta katastro erreferentzia edo zenbaki finkoa (kasuan kasukoa).
 15. Sozietateen gaineko Zergari buruzko abenduaren 5eko 11/2013 Foru Arauko 119. artikuluan aipatutako erakundeen zerrendan dagoen edo baxa eman zaion.
- c) Jardueretan, batzuetan zein guztietan, erabiltzen duen telefono zenbakia; edukiz gero, helbide elektronikoa eta webgunearen izena edo helbidea ere bai.

14. artikulua. Zentsu informazio osagarria enpresaburu, profesional eta atxikitzaileen zentsuan dauden pertsona fisikoetatik.

Bizkaiko Lurralde Historikoko egoiliar direnei buruz Bizkaiko Lurralde Historikoko egoiliar diren pertsona fisikoei dagokienez, enpresaburu, profesional eta atxikitzaileen zentsuan zerga egoitza ez ezik administrazio kudeaketa eta negozioen zuzendaritza zentralizatuta dituzten tokia ere azaldu behar da, zerga egoitza bera ez bada.

15. artikulua. Zentsu informazio osagarria enpresaburu, profesional eta atxikitzaileen zentsuan ageri diren erakundeetatik Bizkaian egoiliartuta ez daudenei eta Espainian eratu ez direnei buruz.

Espainian egoiliartutako edo eratutako erakundeei dagokienez, enpresaburu, profesional eta atxikitzaileen zentsuan datu osagarri hauek agertu behar dira:

- a) Sozietateak egoitza badauka eta zerga egoitza bera ez bada, higiezinaren zenbaki finkoa edo katastro erreferentzia.
- b) Ekitaldi ekonomikoa itxi den eguna.
- c) Erakundearen forma juridikoa edo mota.
- d) Erakundea sortu edo sustatu duen bazkide, kide edo partaide guztien izen-deiturak (edo sozietatearen izen osoa), identifikazio fiskaleko zenbakia eta zerga egoitza. Jabetza horizontalaren araubideko jabeen erkidegoak salbu daudela, aurreko datu berak adierazi behar dira Zergei buruzko Foru Arau Orokorreko 33.4. artikuluan aipatutako gainerako erakundeetako unean uneko kideez edo partaideez. Partaidetza kuota eratxikipen kuotarekin bat ez badator, biak zehaztu behar dira. Erakundeko kide edo partaideak ez badira egoiliarak, haien zerga egoitza adierazi behar da, eta Bizkaian zerga ordezkaria badute, haren identifikazioa ere bai.

16. artikulua. Zentsu informazio osagarria enpresaburu, profesional eta atxikitzaileen zentsuan dauden pertsona edo erakundeetatik Bizkaian egoiliartuta ez daudenei edo Espainian eratu ez direnei buruz.

1. Bizkaian egoiliartuta ez dauden edo Espainian eratu ez diren pertsona eta erakundeak enpresaburu, profesional eta atxikitzaileen zentsuan egon behar badira, beraiei buruzko datu osagarri hauek agertu behar dira:
 - a) Egoitza dagoen estatua edo lurraldea.
 - b) Nortasun juridikorik gabeko erakundearen naziotasuna eta forma juridikoa edo mota, beraren nazio zuzenbidearen arabera.
 - c) Ordezkaria edukiz gero, haren izen-deiturak edo sozietatearen izen osoa, anagrama eta guzti, egonez gero, identifikazio fiskaleko zenbakia, zerga egoitza eta naziotasuna.
2. Egoiliar ez den pertsona edo erakunde batek establezimendu baten bidez badihardu, edo jarduera nabarmen desberdinak egiten diren eta bereiz kudeatzen dituen establezimendu batzuen bidez, Ez-egoiliarren Errentaren gaineko Zergari buruzko abenduaren 5eko 12/2013 Foru Arauko 17. artikuluan xedatutakoaren arabera, establezimendu horiek bereiz inskribatu behar dira enpresaburu, profesional eta atxikitzaileen zentsuan (beraiei buruz egoiliartutako pertsona edo erakundeez agertu beharreko datu eurak adierazi behar dira, eta haien baldintza eurekin, eta zein pertsona edo erakunderen menpean ari diren zehaztu behar da), eta aurreko idatz-zatian aipaturiko datuak eman behar dira.

Establezimendu iraunkor bakoitzak bere identifikazioa eduki behar du; identifikazio horretan nahitaez agertu behar da establezimendua atxikita dagoen pertsona edo erakunde ez-egoiliarra eta establezimenduaren beraren identifikazio fiskaleko zenbakia, eta establezimendu iraunkorra dagoen higiezinaren zenbaki finkoa edo katastro erreferentzia. Halaber, establezimendu iraunkorraren zerga oinarria zehazteko modua finkatu behar da, Ez-egoiliarren Errentaren gaineko Zergari buruzko abenduaren 5eko 12/2013 Foru Arauko 18. artikuluan xedatutakoaren arabera.

3. Baldin eta egoiliar ez den pertsona edo erakunde batek bere kabuz eta establezimendu iraunkor baten edo batzuen bidez badihardu, bera ez ezik beraren establezimendu iraunkor guztiak ere inskribatu behar dira enpresaburu, profesional eta atxikitzaileen zentsuan.

Inskripzio horietan, araudi honetan eskatzen diren datu orokorrak ez ezik artikuluko honetako 1. idatz-zatian aipatutakoak ere adierazi behar dira, hain zuzen ere egoiliar ez den pertsona edo erakundeari dagozkionak.

Gainera, establezimendu iraunkor bakoitzak bere identifikazioa behar du eta zein motatakoa den adierazi behar da, artikuluko honetako aurreko idatz-zatian xedatutakoaren arabera, bai eta higiezinaren zenbaki finkoa edo katastro erreferentzia ere.

4. Bizkaiko Lurralde Historikoan ari diren errenta-eratzikipenaren araubideko erakundeei dagokienez, Ez-egoiliarren Errentaren gaineko Zergari buruzko abenduaren 5eko 12/2013 Foru Arauko 38. artikuluan xedatutakoaren arabera, enpresaburu, profesional eta atxikitzaileen zentsuan erakundeko kide edo partaide guztien izendeiturak edo sozietatearen izen osoa, identifikazio fiskaleko zenbakia, zerga-egoitza eta naziotasuna agertu behar dira, eta bakoitzaren partaidetza-kuota eta eratzikipen-kuota zehaztu behar dira.

V. KAPITULUA ZENTSU AITORPENAK

17. artikulua. Enpresaburu, profesional eta atxikitzaileen zentsua: alta aitortpena.

1. Enpresaburu, profesional eta atxikitzaileen zentsuan egon behar dutenek alta aitortpena aurkeztu behar dute.
2. Alta aitortpenean araudi honetako 12 - 16 bitarteko artikuluetan (biak barne) adierazitako datuak agertu behar dira.
3. Gainera, aitortpen honen bidez ondoko hauek egingo dira:
 - a) Behin-behineko edo behin betiko identifikazio fiskaleko zenbakia eskatu, pertsona juridiko edo erakunde eskatzaileak aurreko artikuluko 1. idatz-zatian xedatutakoa aplikatuta enpresaburu, profesional eta atxikitzaileen zentsuko alta aitortpena aurkeztu beharra eduki zein ez. Interesdunak eskatuta edo ofizioz identifikazio fiskaleko zenbakia emateak berekin ekarriko du pertsona edo erakundea zergapekoen zentsuan sartzea.
 - b) Balio Erantsiaren gaineko Zergaren araubide orokorrean edo araubide berezi batean dagoen adierazi.
 - c) Balio erantsiaren gaineko zergaren kutxa irizpidearen araubide berezia hautatu edo uko egin balio erantsiaren gaineko zergaren araubide berezi erraztuari eta nekazaritza, abeltzaintza eta arrantzaren araubide bereziari.
 - d) Jarduerari ekin zaiola adierazi, ondasunak eta zerbitzuak eskuratu direlako jarduera egiteko asmoarekin, Balio Erantsiaren gaineko Zergari buruzko Foru Arauko 111. artikuluan ezarritakoaren ondoretarako.
 - e) Enpresa eta lanbide jarduerari ekin zaiela adierazi.
 - f) Zerga-oinarria etekin osoaren marjinaren bidez zehazteko metodoa hautatzea, Balioa Erantsiaren Gaineko Zergari buruzko foru arauaren 137.2 artikuluan aipatzen diren ondasun erabili, arte objektu, antzinateko objektu eta bilduma-objektuen araubide bereziaren kasuan.
 - g) Batasunaren barruko eragileen erregistroan sartzeko eskatu.
 - h) Balio Erantsiaren gaineko Zergari buruzko Foru Arauko 68. artikuluko laugarren idatz-zatian aipatutako ondasun emateak zerga horren kargapean ez egotea hautatu, foru-arau horren 73. artikuluan xedatutakoari dagokionez.

- i) Aitortzailea zentsuan ez badago, Balio Erantsiaren gaineko Zergari buruzko Foru Arauko 68. artikuluko hirugarren a) eta bosgarren idatz-zatietan aipaturiko ondasun ematea Balio Erantsiaren gaineko Zergaren kargapean daudela adierazi.
- j) Balio Erantsiaren gaineko Zergan zerga horri buruzko foru arauko 103. artikuluko bigarren idatz-zatiko 1. zenbakian ezarritako lainketa bereziaren erregela aplikatzea hautatu.
- k) Balio Erantsiaren gaineko Zergaren hileko itzulketen erregistroan sartzeko eskatu.
- l) Enpresa handien erregistroan sartzeko eskatu.
- m) Enpresen elkartzeen eta aldi baterako batasunen erregistro berezian sartuta dagoela adierazi.
- n) Sozietateen gaineko Zergaren zatikako ordainketa martxoaren 5eko 4/2004 Legegintzako Errege Dekretuak onetsitako Sozietateen gaineko Zergari buruzko Legearen Testu Bategineko 45. artikuluko 3. idatz-zatian ezarritako modalitatearen arabera zehaztea hautatu dela adierazi.
- ñ) Pertsona Fisikoen Errentaren gaineko Zergaren, Ez-egoiliarren Errentaren gaineko Zergaren eta Sozietateen gaineko Zergaren ziozko atxikipenen eta konturako sarreraren autolikidazioen likidazioaldia jakinarazi, onetsitako azken aurrekontuaren zenbatekoa aintzat hartuta, atxikipenak edo konturako sarrerak egin behar dituen herri administrazioa bada, Gizarte Segurantza barne.
- o) Espainiako lurraldean seitik gora hilabete irauten duten eraikuntza, instalazio edo muntaketa obrak, aldiko edo denboraldiko jardura ekonomikoak edo ustiapenak edo natur baliabideen ustiaketa jarduketak egiten dituzten establezimendu iraunkorretarako Ez-egoiliarren Errentaren gaineko Zergari buruzko abenduaren 5eko 12/2013 Foru Arauko 18. artikuluko 5. idatz-zatiko b) letran ezarritako araubide orokorra hautatu.
- p) Irabazi-asmorik gabeko erakundeen zerga-araubideari eta mezenasgoari emandako zerga-pizgarriei buruzko Foru Arauaren II. tituluan araututako zerga-araubide berezia aplikatzeko eskatzea.
- q) Zergen arloko arautegian ezarritako gainerako gertaerak eta inguruabarrak edo Ogasun eta Finantza Saileko foru diputatuak zehazten dituenak jakinarazi.
- r) Ondasunak birsaltzen dituen enpresari edo profesionalaren izaera jakinarazi. Figura hori Balioa Erantsiaren Gaineko Zergari buruzko arautegiko 84. artikuluko Bat puntuko 2. zenbakiko g) letran aipatzen da.
- s) Balio Erantsiaren gaineko Zergaren erregistro-liburuak Bizkaiko Foru Aldundiaren egoitza elektronikoaren bidez egitea hautatu, Balio Erantsiaren gaineko Zergari buruzko Araudiaren 62.6. zenbakian ezarritakoaren arabera.
- t) Balio Erantsiaren gaineko Zergari buruzko Araudiaren 62.6. zenbakian aipatutako pertsonen eta entitateen kasuan, eragiketen hartzaileek edo hirugarrenek faktura egiteko betebeharra betetzea hautatu dutela komunikatu, Fakturazio-betebeharrei buruzko Araudia onesten duen Bizkaiko Foru Aldundiaren 2013ko urtarrilaren 22ko 4/2013 Foru Dekretuaren 5. artikuluko 1. apartatuan zehaztutako baldintzetan.
- u) Balio Erantsiaren gaineko Zergari buruzko Foru Arauaren 70.Bat.8 artikuluan aipatzen diren zerbitzu-prestazioak zerga horren kargapean ez egotea hautatu, foru-arau horren 73. artikuluan xedatutakoari dagokionez.
- v) Aitortzailea zentsuan erregistratuta ez badago, Balio Erantsiaren gaineko Zergari buruzko Foru Arauaren 70.Bat.4.a) artikuluan aipatzen diren zerbitzu-emateak zerga horren kargapean daudela adierazi.

- w) Zerbitzu digital batzuen gaineko zergaren zergaduna dela jakinaraztea, Zerbitzu digital batzuen gaineko zergari buruzko ekainaren 22ko 5/2022 Foru Arauaren 8. artikuluan ezartzen denaren arabera.
4. Aurkezteko berariazko eperik ezartzen ez denean, alta aitortpena jarduerari ekin zaienetik edo eragiketarako egin diren etekinei hilabete igaro baino lehen aurkeztu behar da, hurrengo paragrafoetan ezarritako kasuetan izan ezik.

Ordaintzen edo zor diren etekinei edo errentei atxikipena aplikatu behar bazaie, alta aitortpena ordaintzen edo zor diren etekinei edo errentei atxikipena edo konturako sarrera aplikatu beharra sortzen denetik hilabete igaro baino lehen aurkeztu behar da.

Aurreko idatz-zatiko d) letran ezarritakoaren arabera alta aitortpenak jardueraren hasieraren adierazpena badakar, ondasunak eta zerbitzuak eskuratu direlako jardura egiteko asmoarekin, jarduerari ekin baino lehen aurkeztu behar da.

Batasunaren barruko eragileen erregistroan sartzeko eskabidea, aurreko idatz-zatiko g) letran ezarritakoa, araudi honetako 6. artikuluan ezarritakoa gertatu baino lehen aurkeztu behar da.

Araudi honetan ezarritakoaren ondoreetarako, enpresa edo lanbide jarduerak ondasunak emateko edo zerbitzuak egiteko asmoarekin ondasunak edo zerbitzuak eman, egin edo eskuratzen, kobrantzak edo ordainketak egiten edo lan-itunpeko langileak kontratatzen direnean hasi direla pentsatuko da.

18. artikulua. Enpresaburu, profesional eta atxikitzailen zentsua: aldaketa aitortpena.

1. Alta aitortpen batean edo hura aldatzeko aurkeztutako aitortpenen batean ageri den daturen bat aldatzen bada, zergapekoak Zerga Administrazioari jakinarazi behar dio aitortpen bidez.
2. Aitortpen honen bidez ondokoak egingo dira:
 - a) Pertsona juridikoek eta gainerako erakundeek egoitza fiskalaren aldaketa jakinaraztea, Bizkaiko Lurralde Historikoko Zergei buruzko martxoaren 10eko 2/2005 Foru Arau Orokorraren 47.3 artikuluan aurreikusitakoaren arabera.
 - b) Araudi honetako 11 - 17 bitarteko artikuluetan aipatutako zergen arloko datu eta inguruabarretan gertatzen diren aldaketak jakinarazi.
 - c) Zerga-oinarria etekin osoaren marjinen bidez zehazteko metodoa hautatu, Balioa Erantsiaren Gaineko Zergari buruzko foru arauaren 137.2 artikuluan aipatzen diren ondasun erabili, arte objektu, antzinateko objektu eta bilduma-objektuen araubide bereziaren kasuan.
 - d) Batasunaren barruko eragileen erregistroan sartzeko eskatu, alta aitortpena aurkeztutakoan erregistroa horretan egon beharra dakarten inguruabarretako bat gertatuko bada (araudi honetako 6. artikuluan ezarri dira).

Gainera, beste pertsona eta erakunde batzuek zentsuaitortpena ere aurkeztu behar dute, Batasunaren barruko eragileen erregistroan baja ematea eskatzeko; hain zuzen ere, honako hauek: batetik, Balio Erantsiaren gaineko Zergaren subjektu pasiboek, zerga horren peko jarduerak egiteari uzten badiete, baina horrek ez badakar enpresaburu, profesional eta atxikitzailen zentsuan baja eman beharra; bestetik, aurreko 12 hileetan Balio Erantsiaren Zergaren peko Batasunaren barruko ondasun-ematerik edo -eskuraketarik egin ez duten pertsonak edo erakundeak, eta, azkenik, araudi honen 6. artikuluko c) eta d) idatz-zatietako zerbitzuak eman ez dituzten edo zerbitzuon hartzaile izan ez diren pertsonak edo erakundeak.

- e) Balio Erantsiaren gaineko Zergari buruzko Foru Arauko 68.Lau artikuluan aipatzen diren ondasun-emateak zerga horren kargapean ez egotea hautatu, foru-arau horren 73. artikuluan xedatutakoari dagokionez.
- f) Balio Erantsiaren gaineko Zergari buruzko Foru Arauko 68. artikuluko hirugarren a) eta bosgarren idatz-zatietan aipatutako ondasun emateak zerga horren kargapean egongo direla jakinarazi.
- g) Ezeztatu apartatu honetako c), d), e), r), s) eta t) letretan eta araudi honen 17. artikuluko 3. apartatuaren f), h), s), t) eta u) letretan aipatutako aukerak edo eskaerak, eta komunikatu apartatu honetako f) eta t) letretan eta 17. artikuluko 3. apartatuaren i), r) eta v) letretan aipatutako egoeretan gertatzen diren aldaketak.
- h) Enpresa handien erregistroko alta jakinarazi.
- i) Enpresa edo profesional jarduera bat egiteagatik enpresaburu edo profesional direnek Balio Erantsiaren gaineko Zergari buruzko Foru Arauko 103.bi.1 artikuluan ezarritako lainketa bereziaren erregela hautatu dutela adierazi halako beste jarduera bati ekiten diotenean, jarduera Balio Erantsiaren gaineko Zergaren ondoreetarako beste sektore bat izan zein ez.
- j) Balio Erantsiaren gaineko Zergaren hileko itzulketaren erregistroan inskribatzeko eskatu, bai eta erregistro horretan baja eman ere, betiere aurretik enpresaburu, profesional eta atxikitzaileen zentsuan alta emanda egon bada.
- k) Ogasun eta Finantza Sailari Balio Erantsiaren gaineko Zergaren likidazioaldiaren aldaketa jakinarazi, Pertsona Fisikoen Errentaren gaineko Zergaren, Ez-egoiliarren Errentaren gaineko Zergaren eta Sozietateen gaineko Zergaren ziozko atxikipenen eta konturako sarreraren aitortzen ondoreetarako, kasuan kasukoa eragiketa bolumenaren (Balio Erantsiaren gaineko Zergari buruzko Foru Arauko 121. artikuluan xedatutakoaren arabera kalkulatuta) edo onetsitako azken aurrekontuaren zenbatekoaren arabera, atxikipenak edo konturako sarrerak egin behar dituen herri administrazioa bada, Gizarte Segurantzaren barne.
- l) Sozietateen gaineko Zergaren zatikako ordainketa Sozietateen gaineko Zergari buruzko Legearen Testu Bategina onetsi duen martxoaren 5eko 4/2004 Legegintzako Errege Dekretuko 45. artikuluko 3. idatz-zatian ezarritako modalitatearen arabera zehaztea hautatu dela edo aukera horri uko egin zaiola jakinarazi.
- m) Irabazi-asmorik gabeko erakundeek zerga-araubideari eta mezenasgoari emandako zerga-pizgarriei buruzko Foru Arauaren II. tituluan araututako zerga-araubide berezia aplikatzeko eskatzea edo haren aplikazioari uko egitea.
- ñ) Araudi honetako 3.3. artikuluko datu pertsonalak zuzentzeko eskatu.
- o) Zergen arautegian ezarritako gainerako gertaerak eta inguruabarrak edo Ogasun eta Finantza Saileko foru diputatuak zehazten dituenak jakinarazi.
- p) Jarduera garatzeko diren ondasunak edo zerbitzuak eskuratuz jarduera bera hasi dela jakinarazi, Balio Erantsiaren gaineko Zergaren 111. artikuluan zehazten dena betetzeko, baldin eta eskuraketa hori zentsuko altaren ondoren gertatzen bada (aldez aurreko aitortpena).

Halaber, aldez aurreko hasierari buruzko jakinarazpen hori aurkeztu beharko dute horrelako jarduerak egiten dituztela- eta dagoeneko enpresaburu edo profesional izaera dutenak, baldin eta beste enpresa- edo lanbide-jarduera bat hasten badute, eta jarduera horrek aurretik egiten zituzten jardueren bestelako sektore bat osatzen badu, Balio Erantsiaren gaineko Zergaren zehazten denetarako.

Kasu horietan, kenkaria aplikatzeko proposatzen den behin-behineko portzentajea jaso behar da jakinarazpen horretan; portzentaje hori Balio Erantsiaren gaineko Zergaren 111. artikuluko 2. paragrafoan aipatzen da.

- q) Enpresa- eta lanbide-jardueren benetako hasiera jakinarazi, hasiera hori zentsuko alta egiten den egunaren osteko beste une batean gertatzen bada.
 - r) Balio Erantsiaren gaineko Zergaren erregistro-liburuak Bizkaiko Foru Aldundiaren egoitza elektronikoaren bidez egitea hautatu, araudi honen 39 bis artikuluko 7. apartatuan ezarritakoaren arabera.
 - s) Araudi honen 39 bis artikuluko 7. apartatuan aipatutako pertsonen eta entitateen kasuan, eragiketen hartzaileek edo hirugarren batzuek faktura egiteko betebeharra betetzea hautatu dutela komunikatu, Fakturazio-betebeharrei buruzko Araudia onesten duen Bizkaiko Foru Aldundiaren 2013ko urtarrilaren 22ko 4/2013 Foru Dekretuaren 5. artikuluko 1. apartatuan zehaztutako baldintzetan.
 - t) Balio Erantsiaren gaineko Zergari buruzko Foru Arauaren 70.Bat.8 artikuluan aipatzen diren zerbitzu-prestazioak zerga horren kargapean ez egotea hautatu, foru-arau horren 73. artikuluan xedatutakoari dagokionez.
 - u) Aitortzailea zentsuan ez badago, Balio Erantsiaren gaineko Zergari buruzko Foru Arauko 70.Bat.4.a) artikuluan aipatzen diren zerbitzu-erateak zerga horren kargapean daudela adierazi.
 - v) Zerbitzu digital batzuen gaineko zergaren zergadun bihurtu dela edo dagoeneko ez dela jakinaraztea, Zerbitzu digital batzuen gaineko zergari buruzko ekainaren 22ko 5/2022 Foru Arauaren 8. artikuluan ezartzen denaren arabera.
3. Zentsuko datuak Bizkaiko Foru Aldundiko Ogasun eta Finantza Saileko organo batek sustatuta aldatzen badira, ez dago aldaketa aitorpena aurkeztu beharrik.
4. Aitorpena aurkeztu beharra sortzen duen gertaera gertatu eta hurrengo egunetik hilabete pasatu baino lehen aurkeztu behar da, ondoko kasuetan izan ezik:
- a) Zerga bakoitzari buruzko arautegian edo aplikatu beharreko zerga araubidean berariazko epealdiak ezartzen diren kasuetan; horrelakoetan aitorpena berariaz ezarritako epealdian aurkeztu behar da.
 - b) Artikulu honen 2. paragrafoko k) idatz-zatian ezarritako jakinarazpena horrelakoak egiteko epealdi orokorrean egin behar da, eta beti egin behar da Ogasun eta Finantza Sailari jakinarazitako aldaketak eragindako lehenengo aitorpena, edo aldaketa hori gertatu ezean aurkeztu beharko zen lehenengo aitorpena, aurkezteko epea amaitu baino lehen.
 - c) Balio erantsiaren gaineko zergaren araubide berezi erraztuari eta nekazaritza, abeltzaintza eta arrantzaren araubide bereziari uko egiteko, hautapena ezeztatze edo hartatik salbuetsita geratzeko eskaerak ondoreak sortu behar dituen urte naturaleko apirilaren 25era arte aurkez daiteke.

Ondoreak sortu behar diren urte naturala hasi aurreko abenduan hautatu, uko egin, errebokatu eta baztertu ahal izango da balio erantsiaren gaineko zergaren kutxa-irizpidearen araubide berezia.

Errenta-eratzikipenaren araubidean dauden erakundeek kasuan, balio erantsiaren gaineko zergaren araubide berezi erraztuari, nekazaritza, abeltzaintza eta arrantzako araubide bereziari edo kutxa irizpidearen araubide bereziari uko egin nahi izanez gero, uko egiteko eskaera erakundeak aurkeztu behar du eta, harekin batera, bazkide, erkide, jaraunsle edo partaide guztien identifikazio-datuak eta sinadurak agertu behar dira.

Balio erantsiaren gaineko zergaren araubide erraztuari, nekazaritza, abeltzaintza eta arrantzako araubide bereziari edo kutxa irizpidearen araubide bereziari uko egin izanaren ezeztapenerako eskaera erakundeak berak edo bertako bazkide, erkide, jaraunse edo partaide batek edo gehiagok aurkez dezakete. Azken kasu horretan aitortzaile gisa erakundea agertuko da, eta ezeztapena formalizatzen duten bazkideen sinadura eta identifikazio-datuak baizik ez dira agertuko.

- d) Zergadunek uko egin ezean, berez aplikatuko da ondasun erabili, arte objektu, antzinako objektu eta bilduma-objektuen araubide berezia; operazio bakoitzeko egin dakioke uko, eta Administrazioari berariaz jakinarazi gabe.

Ondasun erabili, arte objektu, antzinako objektu eta bildumaobjektuen araubide berezian, zerga oinarria etekin osoaren marjinaren modalitatearen bidez zehaztu nahi izanez gero, horren aldeko hautapena ondoreak izan behar dituen egutegiko urtearen aurreko abenduan aurkeztu behar da. Hurrengo urteetan, luzatutzat joko da aipatutako epean berariaz uko egin ezean. Luzapena araubidea aplikatzen hasten den urtearen hurrengo bukatu artekoa izango da gutxienez.

Ondasunak birsaltzen dituen enpresari edo profesional izaera (Balioa Erantsiaren Gaineko Zergari buruzko arautegiko 84.Bat.2.g) artikuluan aipatzen da izaera hori) jarduera hasten denerako jakinarazi behar da, edo ondorioak sortu behar dituen urtearen aurreko urteko abenduan zehar, eta hurrengo urteetan luzatutzat joko da, baldin eta izaera hori galdu ez bada. Izaera galtzen denean, orobat jakinarazi beharko da.

- e) Enpresa edo profesional jarduera batean ari denak halako beste jarduera bati ekin badio, jarduera beste sektore bat izan zein ez, Balio Erantsiaren gaineko Zergaren lainketa berezia aplikatzea hautatzeko eskaera jarduera berriko ondasunak edo zerbitzuak eman edo egin ohi diren aldiko aitopen-likidazioa aurkezteko epealdia amaitu arte aurkeztu ahal izango da.
- f) Balio Erantsiaren gaineko Zergaren hileko itzulketen erregistroan alta edo baxa emateko eskabideak berariazko arautegian ezarritako epealdian aurkeztu behar dira.
- g) Batasunaren barruko eragileen erregistroan sartzeko eskabidea, artikuluko honetako 2.d) idatz-zatiko lehenengo paragrafoan aipatua, araudi honetako 6. artikuluan ezarritakoa gertatu baino lehen aurkeztu behar da.
- h) Enpresa handien erregistroko alta aitopena araudi honetako 8. artikuluan ezarritako eragiketa bolumena gainditu eta hurrengo ekitaldiko urtarrian aurkeztu behar da.
- i) Ogasun eta Finantza Saileko foru diputatuak, kasu jakin bateko inguruabarrak kontuan izanik, epealdi berezia ezartzen duenean.

19. artikulua. Enpresaburu, profesional eta atxikitzaileen zentsua: baxa aitopena.

1. Enpresa edo lanbide jarduerari uzten dietenek edo ez enpresari ez profesional izan ez eta atxikipenak edo konturako sarrerak aplikatu behar zaizkien etekinak ordaintzeari uzten dietenek aitopena aurkeztu behar diote Ogasun eta Finantza Sailari horren berri emateko, enpresaburu, profesional eta atxikitzaileen zentsuan baxa eman diezaien.

Halaber, enpresa edo lanbide jardueraren bat egiten ez duten pertsona juridikoek ere aitopen hau aurkeztu behar dute Batasunaren barruko eragileen erregistroan baxa emateko, Batasunaren barruan egiten dituzten ondasun eskuraketak, Balio Erantsiaren gaineko Zergari buruzko Foru Arauko 14. artikuluan ezarritakoaren arabera, kargapean ez daudenean.

2. Baxa aitopena artikuluko honetako 1. idatz-zatian ezarritako baldintzak betetzen direnetik hilabete pasatu baino lehen aurkeztu behar da; hori gorabehera, hura aurkeztu duen

pertsonak edo erakundeak behar diren zerga aitorten guztiak aurkeztu behar ditu eta bere zerga betebeharrak bete behar ditu.

3. Sozietate edo erakunde bat desegiten bada, baxa aitortena Merkataritzako Erregistroko idazpena behin betiko kitatzen denetik hilabete pasatu baino lehen aurkeztu behar da.

Idazpenik ez badu, Ogasun eta Finantza Sailak Merkataritzako Erregistroari jakinaraziko dio baxa eskaera, erakundearen erregistroorrian bazterreko oharra egin dezan. Hori egin ondoren Erregistroak erakunde horren inguruan inskribatzeko aurkezten den egintza guztien berri eman behar dio Ogasun eta Finantza Sailari.

Orobat, Ogasun eta Finantza Sailak erakunde batek bere jarduerari utzi diola ziur jakiteko beste datu baditu, Merkataritzako Erregistroari jakinarazi behar dio, bazterreko oharra egin dezan ofizioz aurreko paragrafoan ezarritako ondore eurretarako.

4. Zergapeko bat hilez gero, haren jaraunsleek baxa aitortena aurkeztu behar dute heriotza egunetik hilabete pasatu baino lehen. Halaber, heriotzaren ondoren indarrean irauten duten hirugarrenetik eskubide eta betebeharren titulatasunean zergetarako ondoreak dituen aldaketaren bat gertatzen bada, haren berri eman behar dute eta, beharrezkoa bada, behar diren alta aitortena aurkeztu behar dituzte, eta hori guztia heriotzatik urtebete pasatu baino lehen.

20. artikulua. Identifikazio fiskaleko zenbakia ematen zaien erakundeei zergapekoen zentsuan alta ematea (espezialitateak) eta aldaketak.

1. Erakunde bati 34. artikuluan ezarritako behin-behineko identifikazio fiskaleko zenbakia emateak berekin ekarriko du zergapekoen zentsuan alta ematea eta, 5. artikuluan ezarritako inguruabarrak gertatuz gero, enpresaburu, profesional eta atxikitzaileen zentsuan alta ematea.
2. Gero zentsuko altan aldaketarik gertatzen bada (jarduera bati ekin, egoitza, erakundeko kide diren pertsona edo erakundeen izen- deiturak edo sozietate izena eta identifikazio fiskaleko zenbakia), 18. artikuluan araututako aldaketa aitortenean bidez jakinarazi behar da. Hala ere, behar den erregistroan inskribatu eta behin betiko identifikazio fiskaleko zenbakia lortutakoan, bazkide, kide edo partaideen aldaketak ez dira jakinarazi behar.

Aurreko paragrafoan ezarritakoa eragotzi gabe, nortasun juridiko rik gabeko erakundeei, nahiz eta behin betiko identifikazio fiskaleko zenbakia eduki, euren bazkide, erkide edo partaideen aldaketen berri eman behar dute. Jabetza horizontalaren araubideko jabeen erkidegoak betebeharrak horretatik salbu daude, are enpresaburu, profesional eta atxikitzaileen zentsuan daudenak ere.

Halaber, 12.2.l) artikuluan aipatutako erakundeei aurreko aitortenean adierazitako datuetan (bazkide, kide eta partaideei buruzkoak barne) gertatutako aldaketen berri eman beharko dute eskualdaketa formalizatzen denetik hilabete pasatu baino lehen.

3. Pertsona juridikoek eta nortasun juridikorik gabeko erakundeei indarrean daudenak aldatzen dituzten eskritura edo agirien kopia aurkeztu behar dituzte eta horretarako hilabeteko epea izango dute behar den erregistroan inskribatzen direnetik edo, inskribatu beharrik ez badute, egilesten direnetik, aldaketek aldaketa aitortena aurkeztu beharra dakartenean.

21. artikulua. Aitortenean eredu eta nola eta non aurkeztu.

Ogasun eta Finantza Saileko foru diputatuak zehaztuko du zentsuetako alta, aldaketa eta baxa aitortena (araudi honetako 17, 18, eta 19. artikuluetan ezarritakoak) non, nola, zein epealditan eta zein eredutan aurkeztu behar diren, epealdia araudi honetan ezarrita dagoen kasuetan izan ezik.

22. artikulua. Beste zentsu aitorten batzuen bazterketa.

1. Erregelamendu honetan aipatzen diren aitortenak aurkezteak balio erantsiaren gaineko zergari eta zenbait zerbitzu digitalen gaineko zergari lotutako jarduera ekonomikoen hasiera, aldaketa edo amaierari buruzko aitortenak aurkezteak dituen ondorio berdinak izango ditu.
2. Halaber, zentsu aitorten hauek erakundeen zerrendako alta gaztiguaren ordezkioak dira Sozietateen gaineko Zergaren ondoreetarako.
3. Jarduera Ekonomikoen gaineko Zergatik salbuetsita ez dauden subjektu pasiboek araudi honetan araupeututako zentsu aitortena ez ezik zerga horren alta ere aurkeztu behar dute.

Jarduera Ekonomikoen gaineko Zergatik salbuetsita dauden subjektu pasiboek aurkezten dituzten alta aitortenak zerga horren berriazko aitortenen ordezkioak izango dira.

4. Uztailaren 7ko 1.165/1995 Errege Dekretuaren bitartez onetsitako Zerga Berezien Araudiko 40. artikuluan aipatzen den Zerga berezien lurralde erregistroan dauden zergapekoek enpresaburu, profesional eta atxikitzaileen zentsuan baxa emateko eskabidea aurkezteak baxa ondoreak sortuko ditu aipatu erregistroan, hau da, zentsuko baxaren eskabideak zergapekoak erregistroan dituen establezimenduei baxa ematea ekarriko du.

23. artikulua. Alta aitortena barik agiri elektroniko bakarria erabiltzea.

Eratzeko bidean diren pertsona fisiko edo juridikoek agiri elektroniko bakarria aurkezten badute eraketaren izapideak telematikoki egiteko ez dute aurkeztu beharko zentsuko alta aitortena berriazko arautegian ezarritakoaren arabera. Hala ere, geroztik, agiri elektroniko bakarreko informazioa eta inguruabarrak aldatzen badira edo zerbait gehitu behar bada, bidezko alta eta baxa aitortenak aurkeztu beharko dituzte.

24. artikulua. Zentsu aitortenen kudeaketa.

1. Foru Ogasunak sortu eta artatuko ditu 3. artikuluan zehaztutako zentsuak eta erregistroak. Horretarako, beharrezko alta, baxa eta aldaketa guztiak egin ahal izango ditu, 66 - 68 bitarteko artikuluetan xedatutakoari lotuta (biak barne).
2. Atal honetan araupeututako zentsuen kudeaketa errazteko, identifikazio fiskaleko zenbakia emateko eskumena daukan administrazio publikoak hiru hilean behin, gutxienez, zenbaki hori eta pasaporte zenbakia ematen dien pertsonen berri emango dio Zerga Administrazioari: izen-deiturak, sexua, jaioteguna eta jaioterria, identifikazio fiskaleko zenbakia eta, beharrezkoa izanez gero, Espainiako egoitza.

III. TITULUA

ZERGA EGOITZAREN INGURUKO BETEBEHARRAK

25. artikulua. Zerga-egoitzaren aldaketaren berri eman beharra.

1. Pertsona juridikoek eta gainerako erakundeek zerga-egoitzaren aldaketaren berri eman behar dute aldaketa gertatzen denetik hilabete pasatu baino lehen, Zergei buruzko 2/2005 Foru Arau Orokorreko 47.3. artikuluan ezarrita dagoen bezala.

Jakinarazpen hori egiteko, araudi honen 18. artikuluan araututako aldaketaren zentsu-aitortena aurkeztu beharko da.

2. Enpresaburu, profesional eta atxikitzaileen zentsuan egon behar duten edo egon behar ez duten pertsona fisikoek aldaketa gertatu eta hiru hilabete pasatu baino lehen eman behar duten zerga-egoitzaren aldaketaren berri, Bizkaiko Foru Aldundiaren egoitza elektronikoaren bidez, eta horretarako jartzen den inprimakia bete beharko dute. Nolanahi ere, kontuan eduki behar da hurrengo paragrafoko salbuespena eta Bizkaiko Foru

Aldundiaren uztailaren 21eko 112/2009 Foru Dekretuaren bidez onartutako Bizkaiko Lurralde Historikoko Zergen Kudeaketari buruzko Araudiaren 26. artikuluan aurreikusitako zerga-laguntzako jarduerari kalterik egin gabe.

Hala ere, epe hori bete baino lehen amaituz gero zergapekoak egoitza aldatu ondoren aurkeztu behar duen ezarpen pertsonalari dagokion aitortpena aurkezteko epea, dagokion aitortpenean egin beharko da jakinarazpena, aurretik egin ez bada.

3. Aurkezten denetik aurrera izango ditu ondorio guztiak egoitza berriaren jakinarazpenak. Nolanahi ere, hori baino lehen ere sor ditzake ondorioak, baldin eta zergapekoak modu sinesgarrian frogatzen badu edo Zerga Administrazioak egiaztapen prozedura baten bitartez berresten badu.

IV. TITULUA

IDENTIFIKAZIO FISKALEKO ZENBAKIAREN INGURUKO BETEBEHARRAK

I. KAPITULUA

ARAU OROKORRAK

26. artikulua. Identifikazio fiskaleko zenbakia eduki beharra eta hura egiaztatzeko modua.

1. Pertsona fisiko eta juridikoek eta Zergei buruzko Foru Arau Orokorreko 34. artikuluko 3. idatz zatian aipatzen diren zergapekoek identifikazio fiskaleko zenbakia eduki behar dute zergen arloko harremanetarako edo zerga ondoreak sortzen dituztenetarako.

Ondokoak dira, besteak beste:

- a) Jabetza horizontalaren araubideko jabeen erkidegoak.
 - b) Pentsio funtsak, inbertsio funtsak eta kapital-arriskuko funtsak.
 - c) Interes ekonomikoko elkarteak eta enpresen aldi baterako batasunak.
 - d) Testamentu-ahalordea baliatu zain dauden jaraunspenak, zergen arloko harremanak edo zerga ondoreak sortzen dituzten harremanak dituztenak.
2. Identifikazio fiskaleko zenbakia eduki behar dutenek ondokoak erabil ditzakete badaukatela egiaztatzeko: Zerga Administrazioak emandako agiria, nortasun agiri nazionala eta atzerriarraren identifikazio zenbakiaren agiri ofiziala.
 3. Aurreko idatz zatietan xedatutakoa betetzeak ez du salbutzen zerga jakin batzuei buruzko araudietan ezarritako identifikazio kodeak edo gakoak eduki beharretik.

II. KAPITULUA

PERTSONA FISIKOEI IDENTIFIKAZIO FISKALEKO ZENBAKIA ESLEITZEA.

27. artikulua. Espainiar nazionalitatea duten pertsona fisikoen identifikazio fiskaleko zenbakia.

1. Espainiar nazionalitatea duten pertsona fisikoen identifikazio fiskaleko zenbakia nortasun agiri nazionalaren zenbakia da, atzean egiaztapen-kodea edo -karakterea duela: letra larri bat. Letra hori nortasun agiri nazionallean bertan agertu behar da, agiri horri buruzko xedapenekin bat etorritik.
2. Zergen arloko eragiketak edo zerga-ondorioak sortzen dituzten eragiketak egiten dituzten edo halakoetan parte hartzen duten espainiarrek nortasun agiri nazionala eskuratu behar ez badute, atzerrian bizi direlako edo 14 urtetik beherakoak direlako, identifikazio fiskaleko zenbakia lortu behar dute.

Horretarako, pertsona horiek nortasun agiri nazionala eska dezakete, beren borondatez, edo identifikazio fiskaleko zenbakia esleitzeko eska diezaioke Zerga Administrazioari.

Identifikazio fiskaleko zenbakiak bederatzi karaktere dauzka; hona zenbakiaren osaera:

- Hasieran, letra bat, zenbakia nolakoa den adierazteko. 14 urtetik beherako Espainiako egoiliarrena K izango da; atzerrian bizi diren espainiarrena, berriz, L izango da.
- Zazpi karaktere alfanumeriko.
- Egiztapen-karaktere alfabetiko bat.

Eskatzen ez badute, Zerga Administrazioak bere kabuz alta eman ahalko die zergapekoen zentsuan, eta identifikazio fiskaleko zenbakia esleitu.

3. Zergen arloko harremanak edo zerga-ondorioak sortzen dituzten harremanak dituzten 14 urtetik beherako pertsonak identifikatzeko, haien datuak (identifikazio fiskaleko zenbakia barne) eta legezko ordezkariarenak agertu behar dira.

28. artikulua. Atzerriko nazionalitatea daukaten pertsona fisikoen identifikazio fiskaleko zenbakia.

1. Espainiako nazionalitatea ez daukaten pertsona fisikoen identifikazio fiskaleko zenbakia atzerriarraren identifikazio zenbakia da, Espainian dauden atzerriarren eskubideei eta betebeharrei buruzko eta horiek gizarteratzeari buruzko urtarilaren 11ko 4/2000 Lege Organikoarekin eta hura garatu duten arauekin bat etorritik esleitzen zaiena.
2. Espainiako nazionalitatea ez daukaten pertsona fisikoek atzerriarraren identifikazio zenbakia ez badaukate eta zergen arloko eragiketak edo zerga ondoreak sortuko dituztenak egingo badituzte, identifikazio fiskaleko zenbakia eskatu behar diote Zerga Administrazioari, bai atzerriarraren identifikazio zenbakia eduki behar dutenek, bai eduki behar ez dutenek.

Identifikazio fiskaleko zenbakiak bederatzi karaktere dauzka; hona osaera:

- Hasieran M letra, zenbakia nolakoa den adierazteko.
- ondoren zazpi karaktere alfanumeriko.
- Amaieran begiztapen karaktere bat: letra.

Eskatzen ez badute, Zerga Administrazioak ofizioz jardun dezake zergapekoen zentsuan alta emateko eta identifikazio fiskaleko zenbakia esleitzeko.

3. Identifikazio fiskaleko zenbakiaren eskabidean aurkeztutako agiriak Euskadin ofiziala ez den hizkuntza batean badaude, Zerga Administrazioak hizkuntza ofizialeko batera itzultzeko eska dezake.

29. artikulua. Zerga Administrazioak Espainiako eta atzerriko pertsona fisikoei identifikazio fiskaleko zenbakia esleitzeko arauak.

1. Zerga Administrazioak aurreko artikuluetan ezarritakoaren arabera zuzenean esleitzen dituen identifikazio fiskaleko zenbakiak titularrak nortasun agiri ofiziala edo atzerriarraren identifikazio zenbakia eskuratu arte izango dira baliozko.

Identifikazio fiskaleko zenbakia edukita nortasun agiri nazionala edo atzerriarraren identifikazio zenbakia lortzen dutenek bi hileko epealdiaren barruan horren berri eman behar diote Zerga Administrazioari eta identifikazio fiskaleko zenbaki berriaren jakinaren

gainean egon behar diren pertsona eta erakunde guztiei. Berria jakinarazi arte lehengo zenbakiak sortuko ditu ondoreak.

2. Detektatzen bada pertsona fisiko batek aldi berean dituela Zerga Administrazioak esleitutako identifikazio fiskaleko zenbakia eta nortasun agiri nazionala edo atzerriarraren identifikaziozenbakia, azken bi horien artean dagokiona lehenetsiko da.

Hala, Zerga Administrazioak bi gauza jakinarazi behar dizkie interesdunei: alde batetik, balioa galdu duela artikuluko 1. zenbakiaren arabera aurretiaz eman dien identifikazio fiskaleko zenbakiak, eta, beste alde batetik, interesdunek berek eman behar dietela balioa duen zenbakiaren berri beren eragiketarako direla-eta zenbaki horren berri eduki behar duten pertsona eta erakunde guztiei.

III. KAPITULUA

PERTSONA JURIDIKOEI ETA NORTASUN JURIDIKORIK GABEKO ERAKUNDEEI IDENTIFIKAZIO FISKALEKO ZENBAKIA ESLEITZEA.

30. artikulua. Eremu objektiboa.

1. Aurrerantzean zerga egoitza Bizkaian dutela ezartzen edo eratzen diren nortasun juridikorik gabeko pertsona juridikoek eta erakundeek identifikazio fiskaleko zenbakia esleitzeko eskatu behar diote Bizkaiko Foru Aldundiko Ogasun eta Finantza Sailari.
2. Establezimendu iraunkorra daukaten erakunde ez-egoiliarrek identifikazio fiskaleko zenbakia esleitzeko eskatu behar diote Bizkaiko Foru Aldundiko Ogasun eta Finantza Sailari zerga-egoitza, Ez-egoiliarren Errentaren gaineko Zergari buruzko abenduaren 5eko 12/2013 Foru Arauko 11. artikuluan ezarritakoaren arabera, Bizkaian egonez gero.

Establezimendu iraunkorrik ez duten erakunde ez-egoiliarrek identifikazio fiskaleko zenbakia esleitzeko eskatu behar diote Bizkaiko Foru Aldundiko Ogasun eta Finantza Sailari ordezkariaren egoitza Bizkaiko Lurralde Historikoan badago edo bertan egingo badituzte zergen arloko eragiketarako edo zerga-ondoreak izango dituzten ekintzak edo eragiketarako. Salbuespena: beste zerga administrazio batek identifikazio fiskaleko zenbakia esleitu badie, ez dute zertan beste bat eskatu.

31. artikulua. Pertsona juridikoen eta nortasun juridikorik gabeko erakundeen identifikazio fiskaleko zenbakia.

1. Zerga Administrazioak identifikazio fiskaleko zenbakia esleituko die pertsona juridikoei eta nortasun juridikorik gabeko erakundeei. Zenbaki aldaezina izango da, hau da, ez da aldatuko pertsona edo erakundea aldatu arren, forma juridikoa edo nazionalitatea aldatu ezean.

Pertsona juridikoen eta nortasun juridikorik gabeko erakundeen identifikazio fiskaleko zenbakiaren osaera:

- a) Erakundea Espainiakoa bada, forma juridikoari buruzko informazioa, eta bestela atzerrikoa erakundea edo Espainiako egoiliar ez den erakunde batek Espainian daukan establezimendu iraunkorra den; horretarako hurrengo artikuluan ezarritakoari lotu behar zaio.
 - b) Ausazko zenbaki bat.
 - c) Kontrol karaktere bat.
2. Egoiliarra ez den pertsona juridiko edo erakunde batek Espainiako lurraldean establezimendu iraunkorren bitartez jarduten badu, jarduerak modu argian bereizten direla eta banaka kudeatzen, establezimendu iraunkor bakoitzak identifikazio fiskaleko beste zenbaki bat eskatu behar du, hau da, egoiliarra ez den pertsona edo erakundearena ez beste bat.

3. Administrazio publikoek eta haien menpeko berezko nortasun juridikodun erakundeek identifikazio fiskaleko zenbaki bat eduki dezakete enpresa edo lanbide jardueraren arlo bakoitzeko eta bere kabuz jarduteko gaitasuna duen sail, bulego eta goi organo bakoitzeko.
4. Halaber, ondokoek ere eduki dezakete identifikazio fiskaleko zenbakia, eskatzen badute:
 - a) Ikastetxe publikoek.
 - b) Osakidetzaren menpeko osasun edo laguntza zentro publikoek.
 - c) Espainiako Gurutze Gorriaren gobernu organoek eta osasun edo laguntza zentroek.
 - d) Erregistro publikoek.
 - e) Epaitegiek, auzitegiek eta auzitegietako salek.
 - f) Aldizkari ofizialek, berezko nortasun juridikorik ez badaukate.
5. Berezko nortasun juridikoa daukaten eliz erakundeek identifikazio fiskaleko zenbakia edukiko dute, nahiz eta Sozietateen gaineko Zergaren ondorioetarako elizbarruti edo erlijio probintzia bat hartzen duen subjektu pasibo batean integratuta egon.

32. artikulua. Erakundeen forma juridikoaren gakoak.

1. Espainiako erakundeen identifikazio fiskaleko zenbakiak letra bat edukiko du hasieran, haien forma juridikoa adieraziko duena, gako hauen arabera:
 - A. Sozietate anonimoak.
 - B. Erantzukizun mugatuko sozietateak.
 - C. Sozietate kolektiboak.
 - D. Sozietate komanditarioak.
 - E. Ondasun-erkidegoak, jaraunspen jasogabeak eta bestelako gakoetan berariaz jasota ez dauden nortasun juridikorik gabeko gainerako erakundeak.
 - F. Sozietate kooperatiboak.
 - G. Elkartek.
 - H. Jabetza horizontalaren araubideko jabeen erkidegoak.
 - J. Sozietate zibilak.
 - P. Toki korporazioak.
 - Q. Erakunde publikoak.
 - R. Kongregazio eta erakunde erlijiosoa.
 - S. Estatuaren Administrazioko eta autonomia-erkidegoetako organoak.
 - U. Aldi baterako enpresa-elkartek.
 - V. Beste gakoetan definitu ez diren motak.

2. Espainiako nazionalitatea ez duten pertsona juridikoen eta nortasun juridikorik gabeko erakundeen identifikazio fiskaleko zenbakiak N letra edukiko du hasieran, erakundea atzerrikoa dela adierazteko.
3. Espainiako lurraldeko egoiliar ez diren erakundeen establezimendu iraunkorren identifikazio fiskaleko zenbakiaren hasierako letra W izango da; letra honek erakundea egoiliar ez den erakunde baten establezimendu iraunkorra dela adieraziko du.

33. artikulua. Pertsona juridikoek eta nortasun juridikorik gabeko erakundeek identifikazio fiskaleko zenbakia eskatzea.

1. Zergen arloko harremanen edo arlo horretan ondoreak izango dituzten harremanen titular izango diren pertsona juridikoek eta nortasun juridikorik gabeko erakundeek identifikazio fiskaleko zenbakia eskatu behar dute.

Eskatzen ez badute, Zerga Administrazioak ofizios jardun dezake zergapekoen zentsuan alta emateko eta identifikazio fiskaleko zenbakia esleitzeko.

2. Enpresa edo lanbide jardueraren bat egingo duten pertsona juridikoek eta nortasunik gabeko erakundeek beren jardueran ondasunak edo zerbitzuak eman, egin edo eskuratu, dirua kobratu edo ordaindu eta langileak kontratatu baino lehen eskatu behar dute identifikazio fiskaleko zenbakia. Eskabidea, beti ere, eratu edo egoitza ezarri eta hilabete pasatu baino lehen aurkeztu behar dute.
3. Eskabidea egiteko 17. artikuluan araupetutako zentsu aitorpena aurkeztu behar da, eta bertan artikulua horretako 2. eta 3. idatzzatietan ezarritako inguruabarrak jaso behar dira, gertatzen diren neurrian edo aitorpena aurkezteko unean haien berri jakiten den neurrian.

34. artikulua. Pertsona juridikoei eta nortasun juridikorik gabeko erakundeei identifikazio fiskaleko zenbakia esleitzea.

1. Zerga Administrazioak 10 eguneko epealdiaren barruan esleituko du identifikazio fiskaleko zenbakia.

Zerga Administrazioak interesatuek identifikazio fiskaleko zenbakia, behin-behinekoa zein behin betikoa, eskuratzeko aurkeztu dituzten eskabidean adierazitako datuak egiazkoak direnez egiaztatu ahal izango du, 66. artikuluan ezarritakoarekin bat etorritik.

Aurkeztutako datuak ez direla zuzenak egiaztatzen bada, Zerga Administrazioak identifikazio fiskaleko zenbakia esleitzea ukatu ahal izango du eta ebazpen proposamena jakinaraziko dio interesatuari, 15 eguneko epealdian, jakinarazpenaren biharamunetik zenbatzen hasita, eskubidez komeni zaiona alega dezan.

2. Pertsona juridikoen eta nortasun juridikorik gabeko erakundeen identifikazio fiskaleko zenbakia behin-behinekoa edo behin betikoa izan daiteke.

Pertsona juridikoen eta nortasun juridikorik gabeko erakundeen identifikazio fiskaleko zenbakia behin-behinekoa izango da interesatuak eskritura publikoaren, sozietatearen estatutuen edo titulartasunkidetzari buruzko bestelako agiriren bat kopia aurkeztu duenean.

Pertsona juridikoen eta nortasun juridikorik gabeko erakundeen identifikazio fiskaleko zenbakia behin betikoa izango da interesatuak erregistro publiko batean inskribatuta dagoela frogatzen duen ziurtagiria edo behin betiko eraketa frogatzen duen beste agiriren bat aurkeztu duenean.

Batera zein bestera, zentsuko alta aitorpenaren sinatzaileak eratuko den pertsona juridikoaren, nortasun juridikorik gabeko erakundearen edo taldearen ordezkari gisa ari dela frogatu behar du.

3. Behin-behineko identifikazio fiskaleko zenbakia esleitzen denean, erakundeak behin betiko identifikazio fiskaleko zenbakia lortzeko behar diren agiriak aurkeztu beharko ditu behin-behinekoa esleitu zaionetik hiru hilabete pasatu baino lehen. Salbuespena: gerta liteke epealdi horretan Ogasun eta Finantza Sailak erakundeari jakinaraztea behin betiko identifikazio fiskaleko zenbakia.

Aurreko paragrafoan ezarritako epealdian eskatutako dokumentazioa aurkezten ez bada, Zerga Administrazioak aurkezteko agindeia egin ahal izango du eta 15 eguneko epealdia emango dio interesdunari (agindeiaren jakinarazpenaren biharamunetik zenbatu beharrekoa) agiriok aurkezteko edo ezin aurkez ditzakeela frogatzeko. Ezin aurkeztu baditu, interesatuak aurkezteko zenbat denbora behar duen azaldu behar du.

Falta diren agiriak aurkezteko agindeiari kasu egiten ez bazaio behar den aldia eta behar den moduan, esleitutako identifikazio fiskaleko zenbakia ezeztatu ahal izango da, 69. artikuluan ezarri den bezala.

4. Identifikazio fiskaleko zenbakiaren eskabidean aurkeztutako agiriak Euskadin ofiziala ez den hizkuntza batean badaude, Zerga Administrazioak hizkuntza ofizialetako batera itzultzeko eska dezake.
5. Ogasun eta Finantza Sailak hitzarmenak sina ditzake erakundeek soreran parte hartzen duten erakundeekin identifikazio fiskaleko zenbakiak (behin-behinekoak zein behin betikoak) ahalik errazen jakinarazteko. Hitzarmen batean xedatutakoa dela bide Ogasun eta Finantza Sailak beste erakunde batzuen bitartez erakunde bati identifikazio fiskaleko zenbakia esleitzeko behar den informazioa jasotzen badu, zentsu aitortpena aurkeztu beharra kendu ahal izango dio erakundeari. Hala ere, erakundeak aurreko zentsu aitortpenetan emandako datuetan gertatu diren aldaketa guztien berri eman behar dio.

IV. KAPITULUA

ENPRESABURUEK ETA PROFESIONALEK BALIO ERANTSIAREN GAINEKO ZERGAREN ONDOREETARAKO ERABILI BEHARREKO IDENTIFIKAZIO FISKALEKO ZENBAKIA

35. artikulua. Enpresaburuek eta profesionalek Balio Erantsiaren gaineko Zergaren ondoreetarako erabili beharreko identifikazio fiskaleko zenbakia.

1. Balio Erantsiaren gaineko Zergaren ondoreetarako, 2. idatz zatian aipatutako Batasunaren barruko eragiketak egiten dituzten pertsonen eta erakundeek identifikazio fiskaleko zenbakia araudi honetan ezarritakoaren arabera zehaztutakoa izango da, aurretik ES aurrizkia jarrita, ISO-3166 alfa 2 nazioarteko kode estandararekin bat etorritik.

Zenbaki hori interesatuak Batasunaren Barruko Eragileen Erregistroan sartzeko eskatuz gero esleitu da, zentsuetako datuen alta edo aldaketa aitortpenari buruz ezarritakoari lotuta. Araudi honetako 69. eta 70. artikuluetan ezarritako kasuetan, Zerga Administrazioak zenbakiaren esleipena ukatu ahal izango du 3 hileko epealdian. Epealdiaren barruan ebazpenik eman ezean, zenbakiaren esleipena ukatutzat jo ahal izango da.

2. Aurreko idatz zatian azaldutako identifikazio fiskaleko zenbakia pertsona eta erakunde hauei esleitu zaie:
 - a) Balio Erantsiaren gaineko Zergaren kargapean dauden ondasun emateak, zerbitzuak edo Batasunaren barruko ondasun eskuraketak egiten dituzten enpresaburuei eta profesionalei, are Batasunaren barruan eskuratzen diren ondasunak atzerrian enpresa edo lanbide jarduerak egiteko erabiltzen badira ere.
 - b) Balio Erantsiaren gaineko Zergaren aplikazio-lurraldean establezimendurik ez duten enpresaburuek edo profesionalek emandako zerbitzuen hartzaile diren enpresaburuak edo profesionalak, baldin eta zerbitzu-hartzaile direnak emaile direnen subjektu pasiboak badira.

- c) Kokapen arauen arabera beste estatu kide batean emandakotzat jotzen diren zerbitzuak ematen dituzten enpresaburuak edo profesionalak, subjektu pasiboa denean zerbitzuon hartzailea.
 - d) Enpresaburu edo profesional gisa aritzen ez diren pertsona juridikoak, Batasunaren barruan egiten dituzten ondasun-eskuraketak Balio Erantsiaren gaineko Zergaren pean badaude, hari buruzko foru arauko 13.1 eta 14. artikuluetan xedatutakoarekin bat etorritik.
3. Aurreko 2. idatz zatian xedatutakoa gorabehera, ondoko pertsona eta erakundeei ez zaie esleitu identifikazio fiskaleko berariazko zenbakirik Balio Erantsiaren gaineko Zergaren ondoretarako:
- a) Zergaren ordainketan zor guztia edo haren zati bat kentzeko eskubidea ematen ez duten eragiketak baizik egiten ez dituzten subjektu pasiboei edo nekazaritza, abeltzaintza eta arrantzaren araubide berezia aplikatu ahal zaien jarduerak baizik egiten ez dituztenei eta ez enpresaburu ez profesional gisa aritzen ez diren pertsona juridikoei, baldin eta Batasunaren barruan egiten dituzten ondasun eskuraketak ez badaude Balio Erantsiaren gaineko Zergaren kargapean hari buruzko foru arauko 14. artikuluan xedatutakoaren arabera.
 - b) Aurreko letran adierazitakoei eta ez enpresaburu ez profesional gisa ez dihardutenei, Batasunaren barruan garraibide berriak eskuratzen dituztenean.
 - c) Balio Erantsiaren gaineko Zergari buruzko Foru Arauko 5.Bat.e) artikuluan ezarritakoei.
 - d) Balio Erantsiaren gaineko Zergaren aplikazio eremuan egoiliartuta ez dauden enpresaburu eta profesionalei, baldin eta lurralde horretan aipatu Zergari buruzko Foru Arauko 84. artikuluko 1. idatz zatiko 2, 3 eta 4. zenbakietan xedatutakoaren arabera zerga horren kargapean ez dauden eragiketak baizik egiten ez badituzte.
 - e) Balio Erantsiaren gaineko Zergaren aplikazio eremuan egoiliartuta ez dauden enpresaburuei eta profesionalei, baldin eta lurralde horretan BEZari buruzko Foru Arauko 26. artikuluko 3. idatz-zatian aipatutako Batasunaren barruko ondasun eskuraketak eta haien emateak baizik egiten ez badituzte.
4. Batasuneko beste estatu batzuetan ondasun emateak edo zerbitzuak egiten dituzten pertsonak eta erakundeek Zerga Administrazioari eska diezaiokete berrets ditzala Europar Batasuneko estatuek eragiketen jasotzaileei esleitutako identifikazio fiskaleko zenbakiak.
5. Batasuneko beste estatu batzuetara doazen ondasun emateak egiten dituzten enpresaburuek eta profesionalek eta estatu horietan zerbitzuak egiten dituztenek Zerga Administrazioari eska diezaiokete berrets ditzala Europar Batasuneko estatuek eragiketen jasotzaileei esleitutako identifikazio fiskaleko zenbakiak.

V. KAPITULUA

IDENTIFIKAZIO FISKALEKO ZENBAKIAREN ERABILERA

36. artikulua. Nola erabili identifikazio fiskaleko zenbakia Zerga Administrazioarekiko harremanetan.

1. Zergapekoek euren identifikazio fiskaleko zenbakia jarri behar dute Zerga Administrazioari aurkezten dizkieten autolikidazio, aitorpen, berriemate eta idazki guztietan. Zenbaki hori ez badaukate, esleitzeko eskatu behar dute araudi honetako 27, 28 eta 33. artikuluetan ezarritakoari jarraituz.
2. Zergapekoek zergen arloko eragiketak edo zerga ondoreak dituzten eragiketak egiten dituzten pertsona eta erakundeen identifikazio fiskaleko zenbakiak jarri behar dituzte Zerga Administrazioari aurkezten dizkieten autolikidazio, aitorpen, berriemate eta idazki guztietan, araudi honetan edo beste xedapen batzuetan ezarritakoarekin bat etorritik.

Idatz zati honetan xedatutakoaren ondoretarako, zergapekoek identifikazio fiskaleko zenbakia jakinarazteko eska diezaiekete zergen arloko eragiketak edo zerga ondoreak dituzten eragiketak egiten dituzten pertsona eta erakundeei. Pertsona eta erakunde horiek zenbakia jakinarazi behar diete, bai eta egiaztatu ere, beharrezkoa bada, araudi honetako 26. artikuluan xedatutakoarekin bat etorritik.

37. artikulua. Nola erabili identifikazio fiskaleko zenbakia zerga ondoreak sortzen dituzten eragiketetan.

1. Zergapekoek identifikazio fiskaleko zenbakia jarri behar dute euren jardueran egiten dituzten zergen arloko eta zerga ondoredun agiri guztietan, eta beste zergapekoek jakinarazi behar diete, araudi honetan edo beste xedapen batzuetan ezarritakoarekin bat etorritik.

Halaber, zergapekoek zergen arloko eragiketak edo zerga ondoreak dituzten eragiketak egiten dituzten pertsona eta erakundeen identifikazio fiskaleko zenbakiak jarri behar dituzte agiri horietan, araudi honetan edo beste xedapen batzuetan ezarritakoarekin bat etorritik.

2. Hain zuzen ere, zerga ondoreak sortzen dituzten eragiketa hauetan jarri edo adierazi behar da identifikazio fiskaleko zenbakia:

- a) Espainian kokatutako establezimenduek lanaren etekinak ordaintzen dituztenean edo Espainiako lurraldean ordaintzen direnean higigarrien kapitalaren etekinak, lurralde horretan kokatutako edo idatzohartutako ondasun edo baloreek sortuak. Honelako eragiketetan, identifikazio fiskaleko zenbakia jakinarazi behar zaio etekinen ordaintzaileari edo hartzaileari.

Espainiako lurraldean kokatu edo idatzohartutzat joko dira Espainian kokatutako pertsona eta erakundek edo hauen establezimenduek gordailatzen, kudeatzen, administratzen edo erregistratzen dituzten balore eta finantza aktiboak.

- b) Espainian kokatutako tituluen edo kontuko idazpenen bitartez adierazitako baloreak eskuratu eta eskualdatu nahi direnean. Halako kasuetan, eskuraketa edo eskualdaketa egin nahi duten pertsonak eta erakundek euren identifikazio fiskaleko zenbakia jakinarazi behar diote, agindua ematearekin batera, erakunde jaulkitzaileari edo finantza-bitartekariari. Erakunde eta bitartekari horiek, berriz, ez dute aintzat hartuko agindua harik eta betebeharrak hori betetzen den arte, Baloreen Merkatuari buruzko uztailaren 28ko 24/1988 Legean ezarritakoarekin bat etorritik.

Gainera, eskuratzailaren identifikazio fiskaleko zenbakia agertu behar da etekin inplizituak duten finantza aktiboen eskuraketan ziurtagirietan.

Letra honetan xedatzen dena, hala ere, ez zaie aplikatuko araudi honen 38. artikuluko 10. zenbakian aipatzen diren kontuen bitartez egiten diren balore-eskuraketei edo -eskualdaketei.

- c) Notario baten aurrean formalizatzen direnean ondasun higiezinak gaineko eskubide errealak eratzeko, eskuratzeko, eskualdatzeko, aldatzeko edo azkentzeko egintzak eta kontratuak, edo zerga ondoreak sortzen dituzten bestelako egintza eta kontratuak. Halako kasuetan egintzara bertaratutako pertsona eta erakundeen identifikazio fiskaleko zenbakiak adierazi behar dira, bai eta haiek ordezkatzeko dituzten pertsonenak ere.

Hori betetzen ez bada, notarioak 62. artikuluan araupetutako aitoren informatiboa aurkeztu behar dio Zerga Administrazioari.

- d) Espainian kokatutako establezimenduen bitartez edo Espainian establezimenduen araubidean ari diren establezimenduen bitartez edo sukurtsalen bitartez edo zerbitzugintza askearen araubidean ari diren aseguru edo finantza eragiketak egiten direnean. Halako kasuetan aseguratu gisa agertzen diren pertsonak eta erakundek

edo kalte-ordainak edo prestazioak jasotzen dituztenek euren identifikazio fiskaleko zenbakia jakinarazi behar diote aseguru erakundeari; zenbakia eragiketak jasotzen dituzten poliza eta agirietan agertu behar dira.

Honetatik salbu daude istripu aseguruaren kontratuak, hiru hilabetetik gorako indarraldia ez dutenak.

Zerga Administrazioak aseguru erakundeekin egiten diren beste eragiketa batzuk salbutu ditzake identifikazio zenbakia jarri beharretik, hain zuzen ere bizi aseguru bezelako aseguruaren kontratuak.

- e) Pentsio-planen edo borondatezko gizarte-aurreikuspeneko erakundeei kontribuzioak edo ekarpenak egiten zaizkienean eta haien ondoriozko prestazioak jasotzen direnean. Kasu horietan, identifikazio fiskaleko zenbakia jakinarazi behar zaie planak atxikita dauden gizarte-aurreikuspeneko erakundearen edo pentsio-funtsen erakunde kudeatzaileei edo Europar Batasuneko beste estatu batean helbideratuta egonik Espainiako legeriaren mende dauden enpleguko pentsio-planak garatzen dituzten pentsio-funtsei edo, hala badagokio, funtsen erakunde kudeatzaileei, eta zenbaki hori jarri behar da ekarpenak egiteko betebeharra eta prestazioak onartzea formalizatzen diren agirietan.
- f) Espainiako talde-inbertsioko erakundearen partaidetzak edo akzioak edo, Talde Inbertsioko Erakundeei buruzko 2003ko azaroaren 4ko 35/2003 Legearekin bat etorritik, Espainian merkaturatzen diren partaidetzak edo akzioak harpidetzeko, eskuratzeko, itzultzeko edo eskualdatzeko eragiketak egiten direnean. Halako kasuetan, eragiketak egiten dituzten pertsonak eta erakundeek euren identifikazio fiskaleko zenbakia jakinarazi behar diete Espainiako erakunde kudeatzaileei edo Espainian sukurtsal bidez edo zerbitzuak aske emateko araubidean ari diren erakundeei edo, bestela, inbertsio-sozietateei edo erakunde merkaturatzaileei. Eragiketa horri buruzko agirietan, nahitaez agertu behar da identifikazio fiskaleko zenbakia.

Letra honetan xedatzen dena, hala ere, ez zaie aplikatuko araudi honen 38. artikuluko 10. zenbakian aipatzen diren eta kontuen bitartez egiten diren eragiketei.

- 3. Artikulu honetan xedatutakoaren ondoretarako, zergapekoek identifikazio fiskaleko zenbakia jakinarazteko eska diezaiekete zergen arloko eragiketak edo zerga ondoreak dituzten eragiketak egiten dituzten pertsona eta erakundeei. Pertsona eta erakunde horiek zenbakia jakinarazi behar diete, bai eta egiaztatu ere, beharrezkoa bada, 26. artikuluan xedatutakoarekin bat etorritik.

38. artikulua. Nola erabili identifikazio fiskaleko zenbakia kreditu erakundeekin egiten diren eragiketetan.

- 1. Espainiako kreditu-erakundeekin edo Espainian sukurtsal bidez zein zerbitzuen prestazio libreko araubidean diharduten kreditu-erakundeekin eragiketak egiten dituzten pertsona eta erakundeek identifikazio fiskaleko zenbakia adierazi behar izango dute, Zergei buruzko Foru Arau Orokorreko hirugarren xedapen gehigarrian eta artikulu honetan ezarritakoaren arabera.
- 2. Eragiketa egiten denean ez-egoiliarra dela egiaztatzen duenak ez die identifikazio fiskaleko zenbakia jakinarazi behar izango kreditu-erakundeei, 3.000 mila eurotik beherako diru-trukerako eta bidaia-txekeak erosteko eragiketetan.
- 3. Kreditu-erakunde batean, gordailu bat eratu edo kontu bat ireki ahal izango da eraketa egiten denean identifikazio fiskaleko zenbakia egiaztatu gabe. Handik 15 eguneko epean jakinarazi behar da identifikazio fiskaleko zenbakia, jakinarazi arte ezin izango da inolako mugimendurik egin.

Kontu edo gordailuen titularrek identifikazio fiskaleko zenbakia jakinarazten dutenetik hasi ahal izango da kreditu-erakundea karguak edo ordainketak egiten edo ezeztatzen.

4. Baldin eta titularrak identifikazio fiskaleko zenbakia eman ez badu edo aurreko paragrafoko lehen lerrokadan ezarritako epean jakinarazi ez badu, kreditu-erakundeek kontuak eta eragiketak adierazi beharko dizkiote zerga-administrazioari hiruhileko natural bakoitzeko lehen hilean, nahiz eta kontu edo eragiketa horiek ezeztatu diren.

Kreditu-eragiketen aitorpen horretan, aurreko hiruhilekoan eginiko kontu eta eragiketen honako datu hauek behintzat jaso beharko dira:

- a) Izena eta abizenak edo sozietatearen izena edo izen osoa eta helbidea eta, hala badagokio, aitorpenean zerrendatutako pertsona edo erakunde guztien identifikazio fiskaleko zenbakia.
 - b) Kontuaren edo eragiketaren izaera edo mota eta zenbakia, baita saldoa edo kopurua ere.
5. Kreditu-erakundeek ezin izango dute txekerik jaulki eskudiruaren, ondasunen, baloreen edo bestelako txeeen truke baldin eta hartzailearen identifikazio fiskaleko zenbakia jakinarazten ez bada. Beraz, jaulkipena eta hartzailearen identifikazioa jaso behar dira. Bankuko kontu baten kargura jaulkitako txeeak salbuetsita daude ezintasun horretatik.

Era berean, kreditu-erakundeek identifikazio fiskaleko zenbakia eskatuko diete pertsona eta erakundeei baldin eta kreditu-erakunde batek jaulkitako txeeak kobratu nahi badituzte, ordainketa bankuko kontu batean egiten ez denean. Bestelako pertsonen jaulkitako 3.000 eurotik gorako txeeen kasuan ere eskatuko diete. Kasu bietan, txeeak ordaindu dela jasota geratuko da, bai eta kobratzeko txeeak aurkezten duen edukizalearen identifikazioa ere.

Aurreko lerrokadan adierazitako txeeak atzerriko monetan izendatuta daudenean, txeeen zenbatekoa 3.000 eurotik gorakoa den jakiteko, kreditu-erakundeek txee horiek eurotan duten balioa kalkulatu dute, dibisa-eragiketetan erabiltzen diren kanbio-tasak erabiliz.

6. Aurreko paragrafoan adierazitako datuak jaso behar dituzte kreditu-erakundeek, jaulkitako txeeen ondoan edo kopietan eta ordaindutako txeeen atzealdean. Halakorik egin ezean, eragiketa horiek kontrolatzeko eta, ondoren, egiaztatu ahal izateko erregistro laguntzaileetan, kontabilitateko erregistroetan edo beste edozein erregistro motatan, jaso behar izango dira.
7. Kreditu-erakundeek urtero jakinarazi behar diote zerga-administrazioari eskudiruaren, ondasunen, baloreen edo bestelako txeeen truke jaulkitzen diren txeeei buruzko informazioa, bankuko kontu baten kargura jaulkitakoei buruzko informazioa izan ezik. Era berean, eskudirutan, eta ez bankuko kontuan, ordaintzen diren txeeei buruzko informazioa ere jakinarazi behar diote, baldin eta kreditu-erakunde batek edo beste pertsona batzuek jaulki badituzte eta 3.000 euro baino ageriko balio handiagoa badute.

Erakunde horiek dagokion aitorpena aurkeztu behar izango dute, Ogasun eta Finantza Saileko diputatuaren foru agindu bidez onetsitako ereduaren arabera edo baldintzen zein euskarri magnetikoen diseinuaren arabera. Aurreko urteko txeeen kasuan, urtarila izango da aurkezteko epea. Aurkezpena ordenagailuz zuzenean irakur daitekeen euskarri magnetikoan egiten bada, epea urtarilaren 1etik otsailaren 20ra izango da.

Horretarako, kreditu-erakundeek aitorpen bat aurkeztu behar izango dute; bertan, informazio hau behintzat jaso beharko da:

- a) Hartzaileen izen eta abizenak edo sozietatearen izena edo izen osoa eta identifikazio fiskaleko zenbakia edo, hala badagokio, aitorpen honen xede diren txeeak kobratzeko aurkezten dituzten pertsonenak.
- b) Txeeen serie-zenbakia eta zenbatekoa; erakundeak jaulkitakoak eta erakundeak ordaindutakoak bereizi behar dira. Era berean, kreditu-erakundeak eta beste pertsona batzuek jaulkitako 3.000 eurotik gorakoak ere bereiziko dira.

Beharrezkoa izango da aitorpen hau euskarri magnetikoan aurkeztea baldin eta eragiketen urteko aitorpena era horretan aurkeztea derrigorrezko izateko inguruabarrak gertatzen badira.

8. Adingabeen eta ezinduen izenean dauden kontu eta gordailuetan, eta hartzaile edo edukitzaileak adingabeak edo ezinduak diren txeeetan, pertsona horien identifikazio fiskaleko zenbakia adieraziko da, baita pertsona horien legezko ordezkariena ere.
9. Baimenduta dauden edo onuradun diren titular batzuen izenean dauden kontu edo gordailuetan, guztien identifikazio fiskaleko zenbakia egon beharko da adierazita.
10. Artikulu honetan ezarritako identifikazio-araubidetik salbuetsita geratzen dira Espainiako egoiliarak ez direla egiaztatu duten pertsona fisikoen edo erakundeen izenean eurotan zein dibisatan dauden kontuak, direna direla: aktibokoak, pasibokoak nahiz baloreenak. Hala ere, salbuespen hori ez da aplikatuko, baldin eta kontu horien etekinak Espainian kokatutako establezimendu bati ordaintzen bazaizkio.
11. Txeeen hartzaile edo edukitzaileek, 5. paragrafoan ezarritako kasuetan, Espainiako egoiliarak ez direla adierazten dutenean, identifikazio fiskaleko zenbakiaren ordezkari pasaporteko zenbakia edo beren herrialdean balioa duen nortasun-zenbakia erabili ahal izango dute.
12. Aurreko 2., 10. eta 11. zenbakietan aipatzen dena betetzeko, dagokion erakundearen aurrean egiaztatu ahal izango da ezegoiliarren izaera. Horretarako, bi aukera egongo dira: edo interesdunak egoitza duen herrialdeko zerga-agintariek emaniko zerga-egoitzaren egiaztapen bat erabiltzea, edo zerga-egoitzari buruzko aitorpen bat erabiltzea, Zerga Administrazioak onartzen duen ereduaren eta baldintzen arabera.

V. TITULUA.

ZERGEN ARLOKO ERREGISTRO LIBURUEI BURUZKO. BETEBEHARRAK.

39. artikulua. Zergen arloko erregistro liburuak eduki eta artatu beharra.

1. Tributu bakoitzaren berezko araudian hala xedatuz gero, zergapekoek zuzen egin eta gorde beharko dituzte araudiotan ezartzen diren erregistro-liburuak. Era berean, araudi horretan zehaztuko da erregistro-liburuak zer kasutan aurkeztu edo egin behar diren aldira eta baliabide telematikoen bitartez.

Erregistro-liburuak zerga-egoitzan eduki behar dituzte zergapekoek, tributu bakoitzaren berezko araudian bestetik xedatu ezean.
2. Erregistroan idaztohartu beharreko eragiketen idazpenak eragiketa egiten denetik edo frogagiria jasotzen denetik hiru hilabete pasatu baino lehen egin behar da, eta nahitaez aitorpena edo autolikidazioa aurkezteko ezarritako epealdian amaitu baino lehen, zerga bakoitzari buruzko arautegian xedatutako salbuespenekin.
3. Zergapekoek kontabilitateko betebeharrak betetzeko eduki behar dituzten kontabilitateko liburuak edo erregistroak, are informatikoak eta elektronikoak ere, zergen arloko erregistro liburu gisa erabili ahal izango dira, araudi honetan eta zergen berariazko arautegietan ezartzen denari lotuz gero.
4. Ogasun eta Finantza Saileko foru diputatuak arlo jakinetako enpresaburu eta profesionalen erregistro betebeharrak egokitzeko edo aldatzeko agindu dezake.
5. ...

39 bis artikulua. Pertsona fisikoen eragiketa ekonomikoen erregistro-liburua.

1. Pertsona Fisikoen Errentaren gaineko Zergaren Araudiaren 114. artikulua 1. atalaren lehen paragrafoan aipatzen diren pertsona fisikoek eragiketa ekonomikoen erregistro-liburua izan beharko dute nahitaez.

Eragiketa ekonomikoen erregistro-liburua Bizkaiko Foru Aldundiaren egoitza elektronikoen bidez egin beharko da, osatzen duten erregistroak elektronikoki emanda.

Eragiketa ekonomikoen erregistro-liburua web-zerbitzuen bidez edo, hala badagokio, inprimaki elektronikoen bidez egingo da, Ogasun eta Finantzetako diputatuaren foru-agindu bidez onartzen diren zehaztapen tekniko eta funtzionalak betez.

2. Betebehar bera edukiko dute Pertsona Fisikoen Errentaren gaineko Zergaren Araudiko 114. artikuluko 1. apartatuan aipatzen diren jarduerak egiten dituzten errentak eratzitzeko araubideko erakundeek ere, euren bazkideei, jaraunsleei, erkideei edo partaideei egin beharreko etekin-eratzikipena eragotzi gabe.
3. Artikulu honetako aurreko apartatuko erregela bera aplikatuko zaie testamentu- ahalordea erabiltzearen zain egonik jarduera ekonomikoren bat egiten duten jarauntsiei ere, Pertsona Fisikoen Errentaren gaineko Zergaren Araudiko 60. artikuluan etekinak eratzitzeko ezarritako erregelak gorabehera.
4. Aurreko apartatueta aipatutako zergapekoren batek hainbat jarduera egiten baditu, liburu bat bakarrik arteztu beharko du eta jarduera bakoitzeko eragiketak ondo identifikatuta ezarri beharko ditu bertan.
5. Eragiketa ekonomikoen erregistro-liburua araudi honetan ezarritakoarekin bat egin behar da; egiten diren eragiketa ekonomiko guztiak erregistratu behar dira, kapitulu hauetan sailkatuta:
 - Sarreraren eta emandako fakturen kapitulua.
 - Gastuen eta jasotako fakturen kapitulua.
 - Jarduerari lotutako ondasunen eta inbertsio-ondasunen kapitulua.
 - Batasunaren barruko eragiketa jakin batzuen kapitulua.
 - Horniduren eta aurrerakinen kapitulua.
 - Tributuen arloan eragina duen bestelako informazioari buruzko kapitulua.
6. Eragiketa ekonomikoen erregistro-liburua eramanez gero, betetzat joko da Balio Erantsiaren gaineko Zergari buruzko Araudiaren 62. artikuluan ezarritako erregistro-liburuak eraman beharra, enpresaburuek, profesionalak eta BEZaren beste subjektu pasibo batzuek daukatena.
7. Balio Erantsiaren gaineko Zergaren Araudiko 62. artikuluan ezarritako erregistro- liburuak fakturazio-erregistroak elektronikoki hornituz eramatea, artikuluko 6. apartatuaren lehen bi paragrafoetan aipatzen diren zergapekoentzat ezarritako baldintzetan, artikuluko honetan aipatzen den eragiketa ekonomikoen erregistro-liburua eramanez beteko da.
8. Balio Erantsiaren gaineko Zergaren Araudiko 66.3 artikuluan aipatzen den betebeharra betetzat joko da, era berean, artikuluko honetan aipatzen den eragiketa ekonomikoen erregistro-liburua eramanez.
9. Balio Erantsiaren gaineko Zergari buruzko Araudiaren 62. artikuluan ezarritako erregistro-liburuak egin beharra dela eta, aurreko apartatueta aipatu ez diren zergapekoek bete ahal

izango dute betebeharrak hori artikuluko honetan aipatzen den eragiketa ekonomikoen erregistro-liburua eginez, baldin eta zergadun horiek pertsona fisikoaren errentaren gaineko zergaren ondorioetarako jardura ekonomikorik egiten ez badute baina enpresaburutzat edo profesionaltzat jotzen badira balio erantsiaren gaineko zergaren ondorioetarako, zerga hori buruzko foru-arauearen 5. artikuluko arabera.

10. Erregistroko idatzoharrak balioa eurotan adierazita egin beharko dira. Faktura bat euroa ez den kontu-unitate edo dibisa batean eman bada, dagokion bihurtza egin beharko da erregistro-liburuan jasotzeko.

39.ter artikulua. Sarreraren eta emandako fakturen kapituluak.

1. Aurreko artikuluan aipatutako zergapekoek eragiketa ekonomikoen erregistro-liburuko sarreraren eta emandako fakturen kapituluaren erregistratu behar dituzte beren jardueraren garapenean faktura edo beste frogagiriaren bat eragiten duten sarrera eta eragiketa guztiak.

2. Sarreraren eta emandako fakturen kapituluaren hiru azpikapitulu egongo dira:

- a) Software bermatzailearekin emandako fakturen sarrerari buruzko azpikapituluak.

Azpikapitulu honetan, Pertsona Fisikoaren Errentaren gaineko Zergari buruzko Foru Arauaren 113 bis artikuluko 1. apartatuko a) letran aipatutako sinadura elektronikoa duten fitxategi informatikoak erregistratuko dira bereziki.

- b) Software bermatzailearik gabe emandako fakturen sarrerari buruzko azpikapituluak.

Azpikapitulu honetan erregistratuko dira emandako fakturari dagokien eragiketak, Pertsona Fisikoaren Errentaren gaineko Zergari buruzko Foru Arauan eta hura garatzen duen erregelamenduan aurreikusitakoaren arabera foru- arau horren 113 bis artikuluko 1. apartatuko a) letran jasotako betebeharrak betetzetik salbuesten diren kasuetan.

- c) Fakturarik gabeko diru-sarreraren eta periodifikazioaren azpikapituluak.

Azpikapitulu honetan erregistratuko dira, bereziki, aldi baterako ezintasunagatik hartukizunak, dirulaguntzak, finantza-sarrerak, aparteko diru-sarrerak eta fakturarik edo bestelako egiaztagiririk behar ez duten bestelako diru- sarrerak.

3. Oro har, kapitulu honetan erregistratu behar diren diru-sarrerak eta gainerako eragiketak bereizita erregistratu behar dira, eta elementu hauek eduki behar dituzte, gutxienez:

- Eragiketaren data (egin den eguna).
- Eragiketaren deskripzioa.
- Eragiketari dagokion jardura eta diru-sarreraren zenbatekoa, etekina zehazteko. Sarrera jardura bati baino gehiagori badagokie, bakoitzari zenbat egozten zaion argitu behar da.
- Jasandako atxikipearen zenbatekoa.

4. Software bermatzailearik gabe emandako fakturen azpikapituluaren, era berean, Balio Erantsiaren gaineko Zergari buruzko Araudiaren 63. artikuluan emandako fakturen erregistro-liburua egiteko eskatzen diren datu guztiak jaso behar dira. Ondorio horietarako, erregelamendu honen 39 bis artikuluan aipatzen diren zergapeko guztiek Balio Erantsiaren gaineko Zergari buruzko Erregelamenduari 63.3 artikuluko bigarren paragrafoan aipatzen den informazioa jaso beharko dute.

Zehazki, datu hauek jaso beharko dira: eragiketa dokumentatzen duen fakturaren edo frogagiriaren zenbakia (behar denean, seriea ere bai); agiria eman den eguna; eragiketak

egin diren eguna, baldin eta ez bada aurrekoaren berdina; hartzailearen izen-abizenak, sozietate-izena edo deitura osoa, eta identifikazio fiskaleko zenbakia; eragiketen zerga-oinarria (Balio Erantsiaren gaineko Zergari buruzko Foru Arauko 78. eta 79. artikuluetan ezarritakoaren arabera kalkulatuta); eta, beharrezkoa denean, zerga-tasa eta zerga-kuota, eta jarduerak kutxa-irizpidearen araubide bereziaren arabera egin diren ala ez. Kutxa-irizpidearen araubide bereziaren menpeko eragiketen kasuan, eragiketaren kobrantza-egunak (eragiketa partez edo osorik kobratu bada) adieraziko dira, eta kasuan-kasuan dagokion zenbatekoa bereiz jasoko da; horrez gainera, banku-korrontearen zenbakia edo kobratzeko erabilitako bidea adieraziko da (eragiketa partez edo osorik kobratu den egiaztatzeko), bai eta faktura zalantza barik identifikatzeko behar diren datuak ere.

Azpikapitulu honetan, Fakturazio-betebeharrei buruzko Araudian xedatutakoaren arabera hartzailea identifikatzea nahitaezkoa ez den kasuetan, eta, Balio Erantsiaren gaineko Zergaren ondorioetarako, dokumentatutako eragiketen sortzapena hila bete natural berean gertatu bada, aurreko 3. apartatuan adierazten den fakturen banakako idatzoharrenden orde, idazpen laburtuak egin ahal izango dira. Data, seriea, idatzitako dokumentuen hasierako eta amaierako zenbakiak, zerga-tasa bakoitzari dagokion zerga-oinarri globala, zerga-tasak eta fakturen kuota globala, modu korrelatiboan zenbakituta eta data berean emanda, eta eragiketak kutxa-irizpidearen araubide bereziaren arabera egin diren ala ez. Eragiketak kutxa-irizpidearen araubide bereziaren arabera egin badira, eragiketaren kobrantza-egunak (eragiketa partez edo osorik kobratu bada) adieraziko dira, eta kasuan-kasuan dagokion zenbatekoa bereiz jasoko da; horrez gainera, banku-korrontearen zenbakia edo kobratzeko erabilitako bidea adieraziko da (eragiketa partez edo osorik kobratu den egiaztatzeko), bai eta kobrantzari dagokion idazpen laburtua zalantza barik identifikatzeko behar diren datuak ere.

Gainera, Fakturazio-betebeharrei buruzko Araudian aipatzen diren faktura zuzentzaileak ere erregistratu behar dira: aurreko 3. zenbakian aipatutako datuak ez ezik zuzendutako fakturen identifikazio-datuak ere zehaztu behar dira.

5. Jarduera ekonomiko bat egiten duen zergapeko batek Pertsona Fisikoen Errentaren gaineko Zergaren zuzeneko zenbatespenaren metodoaren modalitate erraztua aplikatzen badu jardueraren etekin garbia zehazteko eta, jarduera horretarako, kobrantzen eta ordainketen irizpidea hautatu badu, kobrantza bakoitzaren datu hauek erregistratu behar ditu hura gertatzen den ekitaldian: zenbatekoa, data, eragiketaren erreferentzia, eta — behar denean— fakturaren zenbakia.

39 quater artikulua. Gastuen eta jasotako fakturen kapitulua.

1. Araudi honetako 39 bis artikuluan aipatutako zergapekoek eragiketa ekonomikoen erregistro-liburuko gastuen eta jasotako fakturen kapituluan erregistratu behar dituzte euren jarduera ekonomikoan egiten dituzten gastuak eta faktura, aduana-agiria edo beste frogagiriren bat jasotzea eragiten duten eragiketa guztiak.

2. Gastuen eta jasotako fakturen kapituluan azpikapitulu bi egongo dira:

- a) Fakturadun gastuen azpikapitulu.

Azpikapitulu honetan, faktura, aduana-agiri edo antzeko egiaztasun bidez egiaztatutako behar diren gastuak eta gainerako eragiketak erregistratuko dira.

- b) Fakturarik gabeko diru-sarreraren eta periodifikazioen azpikapitulu.

Azpikapitulu honetan erregistratuko dira, bereziki, pertsonal-gastuak, amortizazioak, hornidurak eta fakturaren edo antzeko beste egiaztasun baten bidez egiaztatutako behar ez diren bestelako gastuak.

3. Oro har, faktura, aduana-agiri edo antzeko egiaztasun bidez egiaztatutako behar diren gastuak eta gainerako eragiketak behar bezala bereizita jasoko dira, gutxienez elementu hauek sartuta:

- Eragiketaren deskribapena, gastuaren kontzeptuari erreferentzia eginez, Ogasun eta Finantzetako diputatuaren foru-agindu bidez onartzen den kontzeptuari erreferentzia eginez.
- Gastuaren zenbatekoa, jarduera ekonomikoaren etekina zehazteko.
- Eragiketa adierazi behar da, eta, hala badagokio, eragiketarekin lotuta dagoen ondasuna.
- Gastua jarduera edo ondasun bati baino gehiagori badagokio, bakoitzari zenbat egozten zaion argitu behar da.
- Eragiketaren data (egin den eguna), behar izanez gero.

Gainera, Balio Erantsiaren gaineko Zergari buruzko Araudiaren 64. artikuluan (jasotako fakturen erregistro-liburuari buruzkoa) eskatzen diren datu guztiak aipatu behar dira. Ondorio horietarako, erregelamendu honen 39. artikuluan aipatzen diren zergapeko guztiek Balio Erantsiaren gaineko Zergari buruzko Araudiaren 64.4 artikulua laugarren paragrafoan aipatzen den informazioa jaso beharko dute.

Hauexek dira datuok: eragiketa dokumentatzen duen fakturaren edo frogagiriaren zenbakia (behar denean, seriea ere bai); faktura jaso den eguna; eragiketa egin den eguna (faktura eman den egunean egin ez bada, eta hala ezarrita badago fakturan); faktura eman behar izan duenaren izen-deiturak, sozietate-izena edo deitura osoa, eta beraren identifikazio fiskaleko zenbakia; zerga-oinarria (Balio Erantsiaren gaineko Zergari buruzko Foru Arauko 78. eta 79. artikuluetan ezarritakoaren arabera kalkulatuta); eta, beharrezkoa denean, zerga-tasa eta zerga-kuota, eta jarduerak kutxa-irizpidearen araubide bereziaren arabera egin diren ala ez. Kutxa-irizpidearen araubide bereziaren menpeko eragiketen kasuan eta araubide horren menpekoak ez baina araubide horren menpeko eragiketen hartzaileak diren subjektu pasiboen kasuan, datu hauek jaso beharko dira: eragiketaren ordainketa-eguna (ordainketa zati batena izan zein osoa izan), kasuan-kasuan dagokion zenbatekoa bereiz adierazita, eta eragiketaren ordainketa partziala edo osoa egiteko erabilitako bidea, bai eta faktura zalantza barik identifikatzeko behar diren datuak ere.

4. Jarduera ekonomiko bat egiten duen zergapeko batek Pertsona Fisikoen Errentaren gaineko Zergaren zuzeneko zenbatespenaren metodoaren modalitate erraztua aplikatzen badu jardueraren etekin garbia zehazteko eta, jarduera horretarako, kobrantzen eta ordainketen irizpidea hautatu badu, ordainketa bakoitzaren datu hauek erregistratu behar ditu hura gertatzen den ekitaldian: eragiketaren zenbatekoa, data eta erreferentzia, eta — behar denean— fakturaren zenbakia.
5. Data berean jasotako faktura guztien idazpen laburtu globala egin daiteke, honako hauek adierazita: hornitzaile berak bidalitako fakturen lehen eta azken zenbakiak, hornitzaileak emandakoak; zerga-oinarrien guztirako batura eta guztirako zerga-kuota eta, horrez gainera, jarduerak kutxa-irizpidearen araubide bereziaren menpe dauden ala ez, baldin eta eragiketen guztirako zenbatekoa (BEZa sartu gabe) 6.000 euro baino gehiago ez bada eta faktura bakoitzean dokumentatutako eragiketen zenbatekoa 500 euro baino gehiago ez bada (BEZa sartu gabe). Eragiketak kutxa-irizpidearen araubide bereziaren arabera egin badira, eragiketaren ordainketa-egunak (eragiketa partez edo osorik ordaindu bada) adieraziko dira, eta kasuan-kasuan dagokion zenbatekoa bereiz jasoko da; horrez gainera, eragiketaren ordainketa partziala edo osoa egiteko erabilitako bidea, bai eta idazpen laburtua zalantza barik identifikatzeko behar diren datuak ere.
6. Gainera, Fakturazio-betebeharrei buruzko Araudian aipatzen diren faktura zuzentzaileak ere erregistratu behar dira: 3. apartatuan aipatutako datuak ez ezik zuzendutako fakturen identifikazio-datuak ere zehaztu behar dira.
7. Aurreko 4., 5. eta 6. apartatuetan aurreikusitako idatzoharrek aukera eman beharko dute jarduera bakoitzari, ondasun bakoitzari eta aplikatzekoak diren gastu-kontzeptuei dagokien

zatia zehazteko, Ogasun eta Finantzetako diputatuaren foru-agindu bidez onartzen den kontzeptuen zerrendaren arabera.

8. Gainera, fakturadun gastuen azpikapituluan erregistratu behar dira enpresaburuek edo profesionalek Europar Batasunaren barruan egiten dituzten Balio Erantsiaren gaineko Zergari lotutako ondasun-eskuraketek eragiten dituzten ondasun- emateen fakturak.

Halaber, Balio Erantsiaren gaineko Zergari buruzko Foru Arauko 97. artikulua Bat ataleko 4. zenbakian aipatzen diren fakturen edo kontabilitateko frogagirien idatzoharrak ere egin behar dira.

9. Aurreko apartatuko lehenengo paragrafoan aipatzen diren fakturen kasuan, dokumentatutako ondasun-emateei dagozkien Batasunaren barruko ondasun-eskuraketen zerga-kuotak kalkulatu beharko dira, eta faktura horien idatzoharrean jaso.

Halaber, aurreko apartatuko bigarren paragrafoan aipatzen diren fakturen edo kontabilitateko frogagirien kasuan, agiri horietan dokumentaturiko ondasun-emateen edo zerbitzu-prestazioen zerga-kuotak kalkulatu beharko dira, eta faktura edo kontabilitateko frogagiri horiei buruzko idatzoharretan jaso.

39 quinquies artikulua. Jarduerari lotutako ondasunen eta inbertsio-ondasunen kapitulua.

1. Erregelamendu honetako 39 bis artikuluan aipatzen diren zergapekoek jarduerari lotutako ondasunak edo inbertsio-ondasunak erregistratu beharko dituzte artikuluan honetan adierazten den kapituluaren barruan. Kapitulu horrek Balio Erantsiaren gaineko Zergari buruzko Araudiaren 65. artikuluan aipatzen den informazioa jaso beharko du.

Eragiketak erregistratzeko, honako hauek izango dira jarduerari lotutako ondasunak, Pertsona Fisikoen Errentaren gaineko Zergaren Araudian ezarritako baldintzak eta mugak kontuan hartuta: jarduera ekonomikoa egiten den ondasun eta higiezinak eta etekina lortzeko beharrezkoa den beste edozein ondare-elementu, ondasunok zergadunarenak izan, alokatuak izan, edo beste titulu edo eskubide bat dela medio jardueran erabiltzen badira ere.

2. Jarduerari lotutako ondasunen edo inbertsio-ondasunen kapituluaren hauek erregistratu behar dira, behar bezala banakatuta: 39 bis artikuluan aipatutako zergapekoek egiten duten jarduerari lotutako ibilgetu materialeko, ibilgetu ukiezineko eta higiezinak inbertsioetako elementuak. Ondasun bakoitzeko datu hauek adierazi behar dira, gutxienez:
 - Ondasunaren deskripzioa, ondasuna behar bezala identifikatzen laguntzen duten datu guztiak adieraziz.
 - Balio Erantsiaren gaineko Zergaren ondorioetarako inbertsio-ondasuna den adieraztea, bai eta Pertsona Fisikoen Errentaren gaineko Zergaren jarduera ekonomiko bati lotutako ondasuna den ere.
 - Noiz hasi den erabiltzen eta balio-bizitza. Ibilgetu ukiezineko elementuen kasuan, elementua noiz jaso edo eskuratu den.
 - Ondasunaren balioa amortizazioaren ondorioetarako, amortizazio-sistema eta, hala badagokio, amortizazio metatua.
 - Ondasun higiezinaren kasuan, katastroko erreferentzia.
 - Ibilgailu automobilen eta beste garraiobide batzuen kasuan, matrikula.

Gainera, jarduerarekiko afektazioaren portzentajea adieraziko da, Pertsona Fisikoen Errentaren gaineko Zergaren ondorioetarako, eta ondasun edo eskubidearen bajaren berri

eman behar da, noiz eta zergatik gertatu den azalduta; eta, hala badagokio, kasuan kasuko ondare-irabazia edo -galera.

3. Halaber, Balio Erantsiaren gaineko Zergari dagokionez, inbertsio-ondasunen ziozko kenkariak erregularizatu behar direnean Balio Erantsiaren gaineko Zergari buruzko Foru Arauko 107-110 bitarteko artikuluetan (biak barne) xedatu den bezala, foru-arau horretako 108. artikulua arabera inbertsiokotzat jotzen diren ondasunen datu hauek jasoko behar dira idazpenean, aurreko 2. puntuan azaldutakoez gainera:
 - a) Kenkarien urteko behin betiko hainbanaketa, eta —behar den kasuetan— urteko erregularizazioa ere bai.
 - b) Erregularizazio-aldian inbertsio-ondasunak eman bada, ondasunaren deskripzioa jaso behar da, hauek adierazita: identifikaziorako behar diren datu guztiak; ematearen berri ematen duen sarreraren eta emandako fakturen kapituluko idazpenaren erreferentzia; ematearengatik aplikatutako kenkariaren erregularizazioa (BEZari buruzko Foru Arauko 110. artikuluan zehaztutako prozedurari jarraituz egina).

39 sexies artikulua. Batasunaren barruko eragiketa jakin batzuen kapitulua.

1. Erregelamendu honetako 39 bis artikuluan aipatutako zergapekoek erregistro bat egin beharko dute Batasunaren barruko eragiketa jakin batzuen kapituluan, eta ondoren deskribatzen diren eragiketen idatzoharra egin beharko dute
 1. Ondasunak bidali edo jasotzea, Balio Erantsiaren gaineko Zergari buruzko Foru Arauaren 70. artikuluko Bat apartatuan, 7. zenbakiko b) letran, adierazten diren perituxostenak edo lanak egiteko.
 2. Balio Erantsiaren gaineko Zergari buruzko Foru Arauaren 9. artikuluko 3. zenbakian eta 16. artikuluko 2. zenbakian jasotako ondasun-transferentziak eta Europar Batasunaren barruko eskuraketak. Kasu bietan barne hartzen dira 9. artikulua 3. zenbakiko e), f) eta g) letretan aurreikusten diren salbuespenak.
 3. Balio Erantsiaren gaineko Zergari buruzko Foru Arauaren 9 bis artikuluan aipatzen den kontsignako ondasunen salmentei buruzkoa akordio batean jasotako ondasunak bidali edo jasotzea.
2. Aurreko apartatuko 1) eta 2) zenbakietan aipatzen diren Europar Batasunaren barruko eragiketen idatzoharretan datu hauek adierazi behar dira:
 1. Eragiketa eta beraren data (egin den eguna).
 2. Ondasunaren deskripzioa; behar den kasuetan eskuraketaren faktura edo edukitza-titulua adierazi behar da.
 3. Eragiketari dagozkion beste faktura edo agiri batzuk.
 4. Hartzailearen edo bidaltzailearen identifikazioa: Balio Erantsiaren gaineko Zergaren ordainketarako identifikazio-zenbakia, sozietatearen izena eta egoitza.
 5. Ondasunak irten edo heldu diren Batasuneko estatua.
 6. Adierazitako eragiketak egiteko ezarritako epea, ezarri bada.
 7. Ondasunaren egoera, Batasunaren barruko ematea edo eskuraketa gertatu arte.
3. Aurreko 1 apartatuko 3) zenbakian aipatzen diren Europar Batasunaren barruko eragiketen idatzoharretan datu hauek adierazi behar dira:
 - a) Saltzaileak datu hauek adierazi beharko ditu:

1. Ondasunak zein estatu kidetatik bidali edo garraiatu diren, eta ondasunak noiz bidali edo garraiatu diren.
 2. Ondasunen hartzaile den enpresaburuaren edo profesionalaren identifikazio-zenbakia, Balio Erantsiaren gaineko Zergaren ondorioetarako, ondasunak bidaltzen edo garraiatzen diren helburuko estatu kideak esleitura.
 3. Ondasunak bidaltzen edo garraiatzen diren helburuko estatu kidea, ondasunen gordailuzainaren identifikazio-zenbakia —baldin eta aurreko 2. zenbakian adierazitako enpresaburua edo profesionala ez bada—, ondasunak heldu ondoren biltegiatzen diren biltegiaren helbidea eta ondasunak biltegiara heltzen diren data.
 4. Biltegiara heldu den ondasunen balioa, deskripzioa eta kopurua.
 5. Balio Erantsiaren gaineko Zergari buruzko Foru Arauaren 9 bis artikuluko Hiru apartatuaren bigarren paragrafoan, a') letran, aipatzen den enpresaburuaren edo profesionalaren identifikazio-zenbakia, Balio Erantsiaren gaineko Zergaren ondorioetarako; hasiera batean ondasunen hartzaile zen enpresaburua edo profesionala ordezkatzeko du zenbaki horrek.
 6. Deskripzioa, Balio Erantsiaren gaineko Zergari buruzko Foru Arauaren 78. eta 79. artikuluen arabera zehaztutako zerga-oinarria, emandako ondasunen kopurua eta unitateko prezioa —Balio Erantsiaren gaineko Zergari buruzko Foru Arauaren 9 bis artikuluko Bi apartatuaren lehen gidoian adierazitako baldintzetan—, emate horren data eta enpresaburu edo profesional eskuratzaileraren identifikazio-zenbakia, Balio Erantsiaren gaineko Zergaren ondorioetarako.
 7. Deskripzioa, Balio Erantsiaren gaineko Zergari buruzko Foru Arauaren 78. eta 79. artikuluen arabera zehaztutako zerga-oinarria, eskualdatutako ondasunen kopurua eta unitateko prezioa —Balio Erantsiaren gaineko Zergari buruzko Foru Arauaren 9 bis artikuluko Hiru apartatuaren lehenengo paragrafoan adierazitako baldintzetan—, ondasun-transferentzia horren data eta hura eragin zuten baldintzak eta arrazoia.
 8. Itzulitako ondasunen deskribapena, kopurua eta balioa —Balio Erantsiaren gaineko Zergari buruzko Foru Arauaren 9 bis artikuluko Hiru apartatuaren bigarren paragrafoko b') letran adierazitako baldintzetan—, bai eta itzulketaren data ere.
- b) Ondasunen hartzaile den enpresaburuak edo profesionalak eta haren ordezkoei datu hauek jaso beharko dituzte:
1. Ondasunak kontsignako ondasunen salmenta-akordio baten esparruan eskualdatzen dituen saltzailearen identifikazio-zenbakia, Balio Erantsiaren gaineko Zergaren ondorioetarako.
 2. Eskura jartzeko bidalitako ondasunen deskribapena eta kopurua.
 3. Eskura jartzeko bidalitako ondasunak biltegiara noiz iritsi ziren.
 4. Deskripzioa, Balio Erantsiaren gaineko Zergari buruzko Foru Arauaren 78. eta 79. artikuluen arabera zehaztutako zerga-oinarria, eskuratutako ondasunen kopurua eta unitate-prezioa, eta Balio Erantsiaren gaineko Zergari buruzko Foru Arauaren 9 bis artikuluko Bi apartatuko bigarren gidoian aurreikusitako ondasunen Europar Batasunaren barruko eskurapena.
 5. Saltzaileak biltegitik kentzen dituen eta bere esku egoteari uzten dioten ondasunen deskribapena eta kopurua, bai eta ondasun horiek noiz kentzen diren ere.
 6. Biltegiaren suntsitu edo desagertutako ondasunen deskribapena eta kopurua, eta ondasunak suntsitu, galdu edo lapurtu diren eguna (edo horretaz konturatu den eguna).

Hala ere, enpresaburu edo profesional horrek aurreko 1., 2. eta 4. zenbakietan aipatutako datuak baino ez ditu jaso beharko, baldin eta ondasunak beste enpresaburu edo profesional bati bidaltzen edo garraiatzen bazaizkio gordailuan uzteko.

39 septies artikulua. Horniduren eta aurrerakinen kapitulua.

Erregelamendu honetako 39 bis artikuluan aipatzen diren zergapekoek, jarduera profesionaletan dihardutenean, idatzohar hauek erregistratu beharko dituzte horniduren eta aurrerakinen kapituluan:

- Eragiketa nolakoa den (hornidura edo aurrerakina).
- Hornidurak eta aurrerakinak noiz gertatu edo ordaindu diren.
- Funts-horniduren eta aurrerakinen zenbatekoa.
- Hornidura ordaindu edo aurrerakina jaso duenaren identifikazio fiskaleko zenbakia, izen-deiturak edo sozietatearen izena.
- Eragiketa islatzen duen fakturaren zenbakia, egonez gero.

39 octies artikulua. Tributuen arloan eragina duen bestelako informazioari buruzko kapitulua.

Erregelamendu honetako 39 bis artikuluan aipatzen diren zergapekoek, jarduera profesionaletan dihardutenean, idatzohar hauek erregistratu beharko dituzte tributuen arloan eragina duen bestelako informazioari buruzko kapituluan:

- a) Pertsona fisikoen errentaren gaineko zergan zergapekoak garatutako jarduera ekonomiko bakoitzaren etekin garbia zehazteko metodoaren modalitatearen identifikazioa, hasierako eta amaierako izakinen balorazioa adierazita, edo etekinaren kalifikazioa, jarduera ekonomikoa ez bada.
- b) Negozio-lokalen errentamenduak, araudi honen 44.1 artikuluan xedatutakoaren ondorioetarako horiek bateratuak izan daitezkeen arren. Kasu horietan, errentatzaileak idatziz jasoko ditu errentarien izen-abizenak edo sozietate-izen osoa eta identifikazio fiskaleko zenbakia, bai eta katastroko erreferentziak edo zenbaki finkoak eta errentan hartutako higiezinak aurkitzeko behar diren datuak ere.
- c) Higiezinaren eskualdaketak -egindakoak zein egin behar direnak- direla eta kontraprestazio gisa jasotzen diren kopuruak, Balio Erantsiaren gaineko Zergaren pekoak.
- d) Eskudirutan emandako 6.000 eurotik gorako zenbatekoak.

39 nonies artikulua. Erregistroan idatzoharrak egiteko epeak. Arau orokorra.

1. Araudi honen 39 bis artikuluen 7. apartatuan aipatzen den eremuaren barruan ez dauden zergapekoen kasuan, eragiketa ekonomikoen erregistro-liburuaren lehenengo bost kapituluetan erregistroan jaso behar diren eragiketak egiten diren egunetik apirilaren, uztailaren eta urriaren 25era eta urtarrilaren 31ra bitartean erregistratu beharko dira, egiten diren hiruhilekoaren arabera.

Nolanahi ere, eragiketa horiei dagokien Balio Erantsiaren gaineko Zergaren likidazioa eta ordainketa egin aurretik erregistratu beharko dira eragiketak.

2. Hala ere, zergapekoak egindako eragiketak, horien gainean fakturarik ematen ez bada, egiten direnetik zazpi eguneko epean idatzi beharko dira, betiere epe hori aurreko apartatuan adierazitakoa baino txikiagoa bada.

3. 39 sexies 1. artikuluan aipatutako eragiketak zazpi eguneko epean idatzi beharko dira, aipatzen diren ondasunak igortzen edo garraiatzen hasten direnetik aurrera.
4. Eragiketa ekonomikoen erregistro-liburuan, tributuen arloan eragina duten beste eragiketa batzuen kapituluaren barruan erregistratu behar diren eragiketak urtero erregistratu beharko dira, dagokien ekitaldiaren hurrengo urtarrian, eragiketa horiek egin direnako pertsona edo entitate bakoitzaren arabera multzokaturik, araudi honen 46. artikuluan aurreikusitako aldi baterako egozpen-irizpideen arabera.

39 decies artikulua. Erregistroan idatzoharrak egiteko epeak. Arau berezia.

1. Araudi honen 39 bis artikuluko 7. apartatuan aipatzen diren zergapekoek epe hauetan eman behar dituzte eragiketa ekonomikoen erregistro-liburua osatzen duten idatzoharrak:

- a) Araudi honen 39 ter. artikuluko a) eta b) letretan aipatzen diren azpikapituluetan erregistratu behar diren sarrerei buruzko informazioa faktura egin eta lau egun naturaleko epearen barruan eman behar da, hartzaileak edo hirugarren batek egindako fakturak direnean izan ezik; izan ere, azken kasu horretan, Balio Erantsiaren gaineko Zergari buruzko Foru Arauaren 164. artikuluko Bi apartatuan ezarritakoarekin bat, zortzi egun naturaleko epea egongo da informazio hori emateko. Kasu batean zein bestean, erregistratu beharreko eragiketari dagokion BEZaren sortzapena gertatu osteko hilaren 16a baino lehen eman behar da informazio hori. Hala ere, zergari loturik ez dauden, baina faktura egitea behar duten eragiketak direnean, azken epe hori zehazteko, eragiketa egin zen data hartuko da erreferentziatzat.
- b) Araudi honen 39. quater 2 artikuluen a) letran aipatzen den azpikapituluaren erregistratu beharreko gastuei eta gainerako eragiketei buruzko informazioa fakturaren kontabilitate-erregistroa egin eta lau egun naturaleko epean, eta, nolana ere, dagozkion eragiketak sartu diren Balio Erantsiaren gaineko Zergaren likidazio-aldiaren hurrengo hilaren 16a baino lehen.

Inportazio-eragiketen kasuan, aduanan likidatutako kuota jasotzen duen dokumentua kontabilitatean erregistratzen den egunetik zenbatuko dira lau egun natural horiek, eta, edozelan ere, eragiketo dagokien likidazio-aldiaren hurrengo hilearen 16a baino lehen eman behar da informazio hori.

- c) Balio Erantsiaren gaineko Zergari buruzko Araudiaren 66. artikuluko 1. apartatuan aipatzen diren eragiketei buruzko informazioa lau egun naturaleko epean eman behar da, bidalketa edo garraioa hasten den unetik zenbatuta, edo, bestela, kasuan kasuko eragiketako ondasunak jasotzen diren unetik zenbatuta.
- d) Egindako eta jasotako faktura zuzentzaileei buruzko informazioa lau egun naturaleko epean eman behar da, faktura edo fakturaren kontabilitateko erregistroa, hurrenez hurren, egin zen egunetik zenbatuta.

Hala ere, zuzenketaren ondorioz, Balio Erantsiaren gaineko Zergari buruzko 1994ko abenduaren Foru Arauaren 114.Bi.1 artikuluan xedatutakoaren arabera hasieran kendutako kuoten zenbatekoa gehitzen bada, aurreko b) letran jasotako fakturentzat ezarritakoa izango da epea.

- e) Jarduerari lotutako ondasunen eta inbertsio-ondasunen kapituluari dagokion informazioa, urte natural bakoitzeko Balio Erantsiaren gaineko Zergaren likidazioaren azken aldiari dagokion aurkezpen-epearen barruan.

Hala ere, zergapekoek enpresaburuen, profesionalen eta atxikitzaileen zentsuan baja hartzen badute, Balio Erantsiaren gaineko Zergaren azken aitoren- likidazioari dagokion aurkezpen-epearen barruan eman beharko dituzte erregistro guztiak, araudi honen 68. artikuluan aurreikusitako ofiziozko baja kasuetan izan ezik; kasu horretan, aurkezteko epea urte natural bakoitzeko Balio Erantsiaren gaineko Zergaren likidazioaren azken aldiari dagokiona izango da aurkezpen-epea.

- f) Balio Erantsiaren gaineko Zergari buruzko Araudiaren 9.1.2.B) artikuluan aipatzen den itzultzeko dokumentu elektronikoari buruzko informazioa bidaiariak jasandako kuotaren itzulketari dagokion zergaren zuzenketa sartzen den likidazio-aldiaren osteko hileko 16a baino lehen eman behar da. Aurreko a), b) c) eta d) letretan aipatzen diren lau edo zortzi egun naturaleko epeak zenbatzeko ez dira aintzat hartuko egun baliogabeak.
2. Kutxa-irizpidearen araubide berezia aplikatu behar zaien eragiketei buruz hornitu beharreko informazioaren kasuan, aurreko paragrafoetan adierazitako epeetan hornitu beharko da informazio hori, eragiketoi araubide berezi hori aplikatu beharko ez balitzaie bezala, baina kontuan hartuta eragiketa horiei lotutako kobrantza edo ordainketa osoak edo partzialak egiten direnean ere zenbait datu hornitu beharko direla. Kobrantza eta ordainketei buruzko informazioa lau egun naturaleko epean hornituko da, kobrantza edo ordainketa egin zenetik zenbatuta.
 3. Balio Erantsiaren gaineko Zergari buruzko Araudiaren 70. artikuluan aipatzen diren erregistroko zuzenketan kasuan, zuzenketa horiek jasotzen dituzten fakturazio-erregistroak hornitu behar dira, hain zuzen, zergapekoa egin duen akatsaz ohartzen den Balio Erantsiaren gaineko Zergaren likidazioaren aldia amaitu osteko lehenengo hileko 16a baino lehen.
 4. Aurreko apartatueta aurreikusten ez diren eragiketak aurreko artikuluan ezarritako epe orokorretan jasoko dira.

39 undecies artikulua. Sozietateen gaineko Zergaren zergadunen eragiketa ekonomikoen erregistro-liburua.

1. Sozietateen gaineko Zergaren zergadunek eragiketa ekonomikoen erregistro-liburu bat izan beharko dute.

Eragiketa ekonomikoen erregistro-liburua Bizkaiko Foru Aldundiaren egoitza elektronikoaren bidez egin beharko da, osatzen duten erregistroak elektronikoki emanda.

Eragiketa ekonomikoen erregistro-liburua osatzen duten idatzoharrak web-zerbitzuen bidez edo, hala badagokio, inprimaki elektronikoen bidez emango dira, Ogasun eta Finantzetako diputatuaren foru-agindu bidez onartzen diren zehaztapen tekniko eta funtzionalak betez.

2. Eragiketa ekonomikoen erregistro-liburua araudi honetan zehazten den bezala eraman behar da; eragiketa ekonomiko guztiak erregistratu behar dira, eta kapitulu hauetan sailkatu:
 - Egindako fakturen kapitulua.
 - Jasotako fakturen kapitulua.
 - Inbertsio-ondasunen kapitulua.
 - Batasunaren barruko eragiketa jakin batzuen kapitulua.
 - Tributuen arloan eragina duen bestelako informazioari buruzko kapitulua.
 - Kontabilitate-mugimenduen kapitulua.
3. Balio Erantsiaren gaineko Zergaren Araudiko 62. artikuluan ezarritako erregistro- liburuak eraman beharra —enpresaburu, profesional eta BEZaren beste subjektu pasibo batzuei dagokiena—, eragiketa ekonomikoen erregistro-liburua eramanez beteko da.
4. Balio Erantsiaren gaineko Zergaren Araudiko 62. artikuluan ezarritako erregistro- liburuak fakturazio-erregistroak elektronikoki hornituz eramatea, artikuluko horren 6. apartatuaren

lehen bi paragrafoetan aipatzen diren zergapekoentzat ezarritako baldintzetan, artikuluko honetan aipatzen den eragiketa ekonomikoen erregistro-liburua eramanetz beteko da.

5. Balio Erantsiaren gaineko Zergaren Araudiko 66.3 artikuluan aipatzen den betebeharra betetzat joko da, era berean, eragiketa ekonomikoen erregistro-liburua eramanetz.
6. Erregistroko idatzoharrak balioa eurotan adierazita egin beharko dira. Faktura bat euroa ez den kontu-unitate edo dibisa batean eman bada, dagokion bihurtzea egin beharko da erregistro-liburuan jasotzeko.

39 duodecies artikulua. Egindako fakturen kapitulua.

1. Araudi honen aurreko artikuluan aipatutako zergapekoek eragiketa ekonomikoen erregistro-liburuko emandako fakturen kapituluan erregistratu behar dituzte beren jardueraren garapenean faktura edo beste frogagiriaren bat eragiten duten eragiketa guztiak.
2. Egindako fakturen kapituluan azpikapitulu bi egongo dira:

- a) Software bermatzailearekin emandako fakturen azpikapitulu.

Azpikapitulu honetan, Sozietateen gaineko Zergari buruzko Foru Arauaren 112 bis artikuluko 1. apartatuko a) letran aipatutako sinadura elektronikoa duten fitxategi informatikoak erregistratuko dira bereziki.

- b) Software bermatzailearik gabe emandako fakturen azpikapitulu.

Azpikapitulu honetan erregistratuko dira egindako fakturei dagozkien eragiketak, Sozietateen gaineko Zergari buruzko Foru Arauan eta hura garatzen duen erregelamenduan ezarritakoaren arabera sozietateen gaineko Zergari buruzko Foru Arauaren 122 bis artikuluko 1. apartatuko a) letran jasotako betebeharrak betetzetik salbuesten diren kasuetan.

Betebehar horretatik salbuetsita egongo dira, halaber, Sozietateen gaineko Zergari buruzko Erregelamenduaren 47 bis artikuluko 4. apartatuaren bigarren paragrafoa a) letran aipatzen diren eragiketak, erregelamendu honen 39 undecies artikuluen 4. apartatuan aipatzen diren erakundeek kasuan izan ezik.

3. Software bermatzailearik gabe emandako fakturen azpikapituluan, era berean, Balio Erantsiaren gaineko Zergari buruzko Araudiaren 63. artikuluan emandako fakturen erregistro-liburua egiteko eskatzen diren datu guztiak aipatu behar dira. Ondorio horietarako, araudi honen aurreko artikuluan aipatzen diren zergapeko guztiek Balio Erantsiaren gaineko Zergari buruzko Araudiaren 63.3 artikuluen bigarren paragrafoan aipatzen den informazioa jaso beharko dute.

Zehazki, datu hauek jaso beharko dira: eragiketa dokumentatzen duen fakturaren edo frogagiriaren zenbakia (behar denean, seriea ere bai); agiria eman den eguna; eragiketak egin diren eguna, baldin eta ez bada aurrekoaren berdina; hartzailearen izen-abizenak, sozietate-izena edo deitura osoa, eta identifikazio fiskaleko zenbakia; eragiketen zerga-oinarria (Balio Erantsiaren gaineko Zergari buruzko Foru Arauaren 78. eta 79. artikuluetan ezarritakoaren arabera kalkulatuta); eta, beharrezkoa denean, zerga-tasa eta zerga-kuota, eta jarduerak kutxa-irizpidearen araubide bereziaren arabera egin diren ala ez. Kutxa-irizpidearen araubide bereziaren menpeko eragiketen kasuan, eragiketaren kobrantza-egunak (eragiketa partez edo osorik kobratu bada) adieraziko dira, eta kasuan-kasuan dagokion zenbatekoa bereiz jasoko da; horrez gainera, banku-korrontearen zenbakia edo kobratzeko erabilitako bidea adieraziko da (eragiketa partez edo osorik kobratu den egiaztatzeko), bai eta faktura zalantza barik identifikatzeko behar diren datuak ere.

Azpikapitulu honetan, fakturazio-betebeharrak arautzen dituen erregelamenduan xedatutakoaren arabera hartzailea identifikatzea nahitaezkoa ez den kasuetan, eta, Balio Erantsiaren gaineko Zergaren ondorioetarako, dokumentatutako eragiketen sortzapena

hilabete natural berean gertatu bada, fakturen banakako idatzoharraren ordeztu, idazpen laburtuak egin ahal izango dira. Data, seriea, idatzitako dokumentuen hasierako eta amaierako zenbakiak, zerga-tasa bakoitzari dagokion zerga-oinarri globala, zerga-tasak eta fakturen kuota globala, modu korrelatiboan zenbakituta eta data berean emanda, eta eragiketak kutxa-irizpidearen araubide bereziaren arabera egin diren ala ez. Eragiketak kutxa-irizpidearen araubide bereziaren arabera egin badira, eragiketaren kobrantza-egunak (eragiketa partez edo osorik kobratu bada) adieraziko dira, eta kasuan-kasuan dagokion zenbatekoa bereiz jasoko da; horrez gainera, banku-kontuaren zenbakia edo kobratzeko erabilitako bidea adieraziko da (eragiketa partez edo osorik kobratu den egiaztatzeko), bai eta kobrantzari dagokion idazpen laburtua zalantza barik identifikatzeko behar diren datuak ere.

Gainera, fakturazioaren inguruko betebeharrak buruzko araudian aipatzen diren faktura zuzentzaileak ere erregistratu behar dira, eta, hala badagokio, zuzendutako fakturen identifikazio-datuak zehaztu.

39 terdecies artikulua. Jasotako fakturen kapitulua.

1. Erregelamendu honetako 39 undecies artikuluan aipatutako zergapekoek eragiketa ekonomikoen erregistro-liburuko jasotako fakturen kapituluan erregistratu behar dituzte euren jardura garatzean faktura, aduana-agiria edo beste frogagiriaren bat jasotzea eragiten duten eragiketa guztiak.

Hala ere, betebeharrak hori betetzetik salbuetsita egongo dira eragiketak sozietateen gaineko zerga ordaintzetik guztiz edo partez salbuetsita (zergari buruzko Foru Arauaren 12. artikuluan xedatutakoaren arabera) dituzten entitateak, eta irabazi-asmorik gabeko entitateei aplikatu beharreko zerga-araubide bereziari (Irabazteko asmorik gabeko entitateen eta mezenasgorako zerga-pizgarrien zerga-araubideari buruzko martxoaren 20ko 4/2019 Foru Arauaren II. tituluan arautua) atxikitako entitateak, salbu eta erregelamendu honen 39 undecies artikuluko 4. apartuan aipatzen diren entitateak badira. Zehazki, betebeharrak horretatik salbuetsita egongo dira Balio Erantsiaren gaineko Zergari buruzko azaroaren 9ko 7/1994 Foru Arauaren 20. artikuluko Bat apartatuko 8., 11., 12., 13., 14. eta 28. zenbakietan xedatutakoa aplikatuta balio erantsiaren gaineko zergaren pean ez dauden edo zerga horretatik salbuetsita dauden eragiketak garatu bitartean jasotzen dituzten fakturei edo bestelako frogagiriei dagokienez.

2. Kapitulua, Balio Erantsiaren gaineko Zergaren Erregelamenduko 64. artikuluan (jasotako fakturen erregistro-liburuari buruzkoa) eskatzen diren datu guztiak aipatu behar dira. Ondorio horietarako, araudi honen 39. artikuluan aipatzen diren zergapeko guztiek Balio Erantsiaren gaineko Zergari buruzko Araudiaren 64.4 artikulua laugarren paragrafoan aipatzen den informazioa jaso beharko dute.

Hauexek dira datuak: eragiketa dokumentatzen duen fakturaren edo frogagiriaren zenbakia (behar denean, seriea ere bai); faktura jaso den eguna; eragiketa egin den eguna (faktura eman den egunean egin ez bada, eta hala ezarrita badago fakturan); faktura eman behar izan duenaren izen-deiturak, sozietate-izena edo deitura osoa, eta beraren identifikazio fiskaleko zenbakia; betebeharreko zerga-oinarria (Zergari buruzko Foru Arauaren 78. eta 79. artikuluetan ezarritakoaren arabera kalkulatuta); beharrezkoa denean, zerga-tasa eta zerga-kuota, eta jarduerak kutxa-irizpidearen araubide bereziaren arabera egin diren ala ez. Kutxa-irizpidearen araubide bereziaren menpeko eragiketen kasuan eta araubide horren menpekoak ez baina haren menpeko eragiketen hartzaileak diren subjektu pasiboen kasuan, datu hauek jaso beharko dira: eragiketaren ordainketa-eguna (ordainketa zati batena izan zein osoa izan), kasuan-kasuan dagokion zenbatekoa bereiz adierazita, eta eragiketaren ordainketa partziala edo osoa egiteko erabilitako bidea, bai eta faktura zalantza barik identifikatzeko behar diren datuak ere.

3. Data berean jasotako faktura guztien idazpen laburtu globala egin daiteke, honako hauek adierazita: hornitzaile berak bidalitako fakturen lehen eta azken zenbakiak, hornitzaileak emandakoak; zerga-oinarrien guztirako batura eta guztirako zerga-kuota eta, horrez gainera, jarduerak kutxa-irizpidearen araubide bereziaren menpe dauden ala ez, baldin eta

eragiketen guztirako zenbatekoa (BEZa sartu gabe) 6.000 euro baino gehiago ez bada eta faktura bakoitzean dokumentatutako eragiketen zenbatekoa 500 euro baino gehiago ez bada (BEZa sartu gabe). Eragiketak kutxa-irizpidearen araubide bereziaren arabera egin badira, eragiketaren ordainketa-egunak (eragiketa partez edo osorik ordaindu bada) adieraziko dira, eta kasuan-kasuan dagokion zenbatekoa bereiz jasoko da; horrez gainera, eragiketaren ordainketa partziala edo osoa egiteko erabilitako bidea, bai eta laburpen-idazpena zalantza barik identifikatzeko behar diren datuak ere.

4. Gainera, fakturazioaren inguruko betebeharrak buruzko araudian aipatzen diren faktura zuzentzaileak ere erregistratu behar dira, eta, hala badagokio, zuzendutako fakturen identifikazio-datuak zehaztu.
5. Gainera, enpresaburuek edo profesionalek Europar Batasunaren barruan egiten dituzten eta Balio Erantsiaren gaineko Zergari lotuta dauden ondasun-eskuraketek eragiten dituzten ondasun-emateen fakturak erregistratu behar dira. Halaber, Balio Erantsiaren gaineko Zergari buruzko Foru Arauko 97. artikuluko Bat ataleko 4. zenbakian aipatzen diren fakturen edo kontabilitateko frogagiriaren idatzoharrak ere egin behar dira.
6. Aurreko apartatuko lehenengo paragrafoan aipatzen diren fakturen kasuan, dokumentatutako ondasun-emateei dagozkien Batasunaren barruko ondasun-eskuraketen zerga-kuotak kalkulatu beharko dira, eta faktura horien idatzoharrean jaso.

Halaber, aurreko apartatuko bigarren paragrafoan aipatzen diren fakturen edo kontabilitateko frogagiriaren kasuan, agiri horietan dokumentaturiko ondasun-emateen edo zerbitzu-prestazioen zerga-kuotak kalkulatu beharko dira, eta faktura edo kontabilitateko frogagiri horiei buruzko idatzoharretan jaso.

39 quaterdecies artikulua. Inbertsio-ondasunen kapitulua.

Erregelamendu honen 39 undecies artikuluan aipatzen diren zergapekoek, Balio Erantsiaren gaineko Zergari buruzko Foru Arauaren 108. artikuluan xedatutakoaren arabera, inbertsio-ondasuntzat jotzen diren ondasunak erregistratu beharko dituzte eragiketa ekonomikoen erregistro-liburuko inbertsio-ondasunen kapituluaren barruan. Kapitulu horrek Balio Erantsiaren gaineko Zergari buruzko Araudiaren 65. artikuluan aipatzen den informazioa jaso beharko du.

Balio Erantsiaren gaineko Zergari dagokionez, inbertsio-ondasunen ziozko kenkariak erregularizatu behar dituztenean Balio Erantsiaren gaineko Zergari buruzko Foru Arauko 107-110 bitarteko artikuluetan (biak barne) ezarritakoarekin bat, eta zerga horri buruzko foru-arauaren 108. artikulua arabera inbertsiokotzat jotzen diren ondasunen datu hauek jaso beharko dituzte kapitulu honetan aurreko paragrafoan adierazten diren zergapekoek:

- a) Kenkariaren urteko behin betiko hainbanaketa, eta —behar den kasuetan— urteko erregularizazioa ere bai.
- b) Erregularizazio-aldian inbertsio-ondasunik eman bada, ondasunaren deskripzioa jaso behar da, hauek adierazita: identifikaziorako behar diren datu guztiak; ematea jasotzen duen emandako fakturen kapituluko idazpenaren erreferentzia zehatza; ematearengatik aplikatutako kenkariaren erregularizazioa (BEZari buruzko Foru Arauko 110. artikuluan zehaztutako prozedurari jarraituz egina).

39 quinquiesdecies artikulua. Batasunaren barruko eragiketa jakin batzuen kapitulua.

1. Araudi honetako 39 undecies artikuluan aipatutako zergapekoek erregistro bat egin beharko dute Batasunaren barruko eragiketa jakin batzuen kapituluaren, eta ondoren deskribatzen diren eragiketen idatzoharra egin beharko dute:
 1. Ondasunak bidali edo jasotzea, Balio Erantsiaren gaineko Zergari buruzko Foru Arauaren 70. artikuluko Bat apartatuan, 7. zenbakiko b) letran, adierazten diren peritxostenak edo lanak egiteko.

2. Balio Erantsiaren gaineko Zergari buruzko Foru Arauaren 9. artikuluko 3. zenbakian eta 16. artikuluko 2. zenbakian jasotako ondasun-transferentziak eta Europar Batasunaren barruko eskuraketak. Kasu bietan barne hartzen dira 9. artikuluen 3. zenbakiko e), f) eta g) leteretan aurreikusten diren salbuespenak.
 3. Balio Erantsiaren gaineko Zergari buruzko Foru Arauaren 9 bis artikuluan aipatzen diren kontsignako ondasunen salmentei buruzko akordio batean jasotako ondasunak bidali edo jasotzea.
2. Aurreko apartatuko 1) eta 2) zenbakietan aipatzen diren Europar Batasunaren barruko eragiketen idatzoharretan datu hauek adierazi behar dira:
1. Eragiketa eta beraren data (egin den eguna).
 2. Ondasunen deskripzioa; behar den kasuetan, eskuraketaren faktura edo edukitza-titulua adierazi behar da.
 3. Eragiketari dagozkion beste faktura edo agiri batzuk.
 4. Hartzailearen edo bidaltzailearen identifikazioa: Balio Erantsiaren gaineko Zergaren ordainketarako identifikazio-zenbakia, sozietatearen izena eta egoitza.
 5. Ondasunak irten edo heldu diren Batasuneko estatua.
 6. Eragiketak egiteko ezarritako epea, ezarri bada.
 7. Ondasunen egoera, Batasunaren barruko ematea edo eskuraketa gertatu arte.
3. Aurreko 1 apartatuko 3) zenbakian aipatzen diren Europar Batasunaren barruko eragiketen idatzoharretan datu hauek adierazi behar dira:
- a) Saltzaileak datu hauek adierazi beharko ditu:
1. Ondasunak zein estatu kideetatik bidali edo garraiatu diren, eta ondasunak noiz bidali edo garraiatu diren.
 2. Ondasunen hartzaile den enpresaburuaren edo profesionalaren identifikazio-zenbakia, Balio Erantsiaren gaineko Zergaren ondorioetarako, ondasunak bidaltzen edo garraiatzen diren helburuko estatu kideak esleituta.
 3. Ondasunak bidaltzen edo garraiatzen diren helburuko estatu kidea, ondasunen gordailuzainaren identifikazio-zenbakia —baldin eta aurreko 2. zenbakian adierazitako enpresaburua edo profesionala ez bada—, Balio Erantsiaren gaineko Zergaren ondorioetarako, ondasunak heldu ondoren biltegiaritzen diren biltegiaren helbidea eta ondasunak biltegiara heltzen diren data.
 4. Biltegiara heldu den ondasunen balioa, deskripzioa eta kopurua.
 5. Balio Erantsiaren gaineko Zergari buruzko Foru Arauaren 9 bis artikuluen Hiru apartatuaren bigarren paragrafoan, a ') letran, aipatzen den enpresaburuaren edo profesionalaren identifikazio-zenbakia, Balio Erantsiaren gaineko Zergaren ondorioetarako; hasiera batean ondasunen hartzaile zen enpresaburua edo profesionala ordezkatzeko du zenbaki horrek.
 6. Deskripzioa, Balio Erantsiaren gaineko Zergari buruzko Foru Arauaren 78. eta 79. artikuluen arabera zehaztutako zerga-oinarria, Zergari buruzko Legearen 9 bis artikuluen Bi apartatuaren lehen gidoian adierazitako baldintzetan emandako ondasunen kopurua eta unitateko prezioa, emate horren data eta enpresaburu edo profesional eskuratzailaren identifikazio-zenbakia, Balio Erantsiaren gaineko Zergaren ondorioetarako.

7. Deskripzioa, Balio Erantsiaren gaineko Zergari buruzko Foru Arauaren 78. eta 79. artikuluen arabera zehaztutako zerga-oinarria, Balio Erantsiaren gaineko Zergari buruzko Foru Arauaren 9 bis artikulua Hiru apartatuaren lehenengo paragrafoan adierazitako baldintzetan eskualdatutako ondasunen kopurua eta unitateko prezioa, ondasun-transferentzia horren data eta hura eragin zuten baldintzak eta arrazoia.
 8. Balio Erantsiaren gaineko Zergari buruzko Foru Arauaren 9 bis artikuluko Hiru apartatuko bigarren paragrafoko b') letran adierazitako baldintzetan itzulitako ondasunen deskribapena, kopurua eta balioa, bai eta itzulketaren data ere.
- b) Ondasunen hartzaile den enpresaburuak edo profesionalak eta haren ordezkoei datu hauek jaso beharko dituzte:
1. Ondasunak kontsignako ondasunen salmenta-akordio baten esparruan eskualdatzen dituen saltzailearen identifikazio-zenbakia, Balio Erantsiaren gaineko Zergaren ondorioetarako.
 2. Eskura jartzeko bidalitako ondasunen deskribapena eta kopurua.
 3. Eskura jartzeko bidalitako ondasunak biltegira noiz iritsi ziren.
 4. Deskripzioa, Balio Erantsiaren gaineko Zergari buruzko Foru Arauaren 78. eta 79. artikuluen arabera zehaztutako zerga-oinarria, eskuratutako ondasunen kopurua eta unitate-prezioa, eta Balio Erantsiaren gaineko Zergari buruzko Foru Arauaren 9 bis artikulua Bi apartatuko bigarren gidoian aurreikusitako ondasunen Europar Batasunaren barruko eskurapena.
 5. Saltzaileak biltegitik kentzen dituen eta bere esku egoteari uzten dioten ondasunen deskribapena eta kopurua, bai eta ondasun horiek noiz kentzen diren ere.
 6. Biltegian suntsitu edo desagertutako ondasunen deskribapena eta kopurua, eta ondasunak suntsitu, galdu edo lapurtu diren eguna (edo horretaz konturatu den eguna).

Hala ere, enpresaburu edo profesional horrek aurreko 1., 2. eta 4. zenbakietan aipatutako datuak baino ez ditu jaso beharko, baldin eta ondasunak beste enpresaburu edo profesional bati bidaltzen edo garraiatzen bazaizkio gordailuan uzteko.

39 sexiesdecies artikulua. Tributuen arloan eragina duen bestelako informazioari buruzko kapitulua.

Araudi honetako 39 undecies artikuluan aipatzen diren zergapekoek eragiketa hauek erregistratu beharko dituzte tributuen arloan eragina duen bestelako informazioari buruzko kapituluan:

- a) Eskudirutan jasotako zenbatekoak (pertsona edo entitate berak ekitaldian zehar eskudirutan jasotako 6.000 eurotik gorako zenbatekoak).
- b) Jasotako primak edo kontraprestazioak, eta aseguru-erakundeek ordaindutako kalte-ordainak edo prestazioak, fakturarik egiten ez badute.
- c) Bidaieriaren eta haien ekipajearen garraioen zerbitzu-prestazioak, urtarrilaren 22ko 4/2013 Foru Dekretuaren bidez onartutako fakturazio-betebeharrak arautzen dituen erregelamenduaren hirugarren xedapen gehigarriaren arabera emandako fakturretan dokumentatzen direnak.
- d) Administrazio-publikoetan integratutako entitateek erregistratu beharko dituzte beren aurrekontu orokorren kontura eman edo administrazio publiko horietan integratu gabeko entitateen edo organismoen kontura kudeatzen dituzten dirulaguntzak, sorospenak edo laguntzak, eragiketa ekonomikoen erregistro-liburuari dagokion urtean ordainduak. Ordainketa-agindua ematen den egunean joko dira ordaindutat dirulaguntzak, sorospenak

edo laguntzak. Ordainketa-agindurik ez badago, ordainketa egiten denean joko dira ordaindutak.

- e) Eragiketak sozietateen gaineko zerga ordaintzetik guztiz edo partez salbuetsita (zergari buruzko Foru Arauaren 12. artikuluan xedatutakoaren arabera) dituzten entitateek eta irabazi-asmorik gabeko entitateei aplikatu beharreko zerga-araubide bereziari (Irabazteko asmorik gabeko entitateen eta mezenasgorako zerga- pizgarrien zerga-araubideari buruzko martxoaren 20ko 4/2019 Foru Arauaren II. tituluaren arautua) atxikitako entitateek –salbu eta erregelamendu honen 39 undecies artikuluko 4. apartuan aipatzen diren entitateak badira– erregistratu beharko dituzte ondasun-emateak eta zerbitzu-prestazioak, balio erantsiaren gaineko zergatik salbuetsiak (Balio Erantsiaren gaineko Zergari buruzko azaroaren 9ko 7/1994 Foru Arauaren 20. artikuluko Bat apartatuko 8., 11., 12., 13., 14. y 28. zenbakietan xedatutakoa aplikatuta), baldin eta emate-prestazio horiek beste pertsona edo entitate bat dela-eta batera 1.000 euroko zifra gainditu badute kasuan kasuko urte naturalean zehar.

Hala ere, ez da egongo halako idatzoharrak egiteko betebeharririk, baldin eta urte natural osoan entitateak bere borondatez erregistratu baditu eragiketa horiek garatzean egin dituen fakturak edo frogagiriak, eragiketa ekonomikoen erregistro-liburuan (egindako fakturei buruzko kapitulua).

- f) Eragiketak sozietateen gaineko zerga ordaintzetik guztiz edo partez salbuetsita (zergari buruzko Foru Arauaren 12. artikuluan xedatutakoaren arabera) dituzten entitateek eta irabazi-asmorik gabeko entitateei aplikatu beharreko zerga-araubide bereziari (Irabazteko asmorik gabeko entitateen eta mezenasgorako zerga- pizgarrien zerga-araubideari buruzko martxoaren 20ko 4/2019 Foru Arauaren II. tituluaren arautua) atxikitako entitateek –salbu eta erregelamendu honen 39 undecies artikuluko 4. apartuan aipatzen diren entitateak badira– erregistratu beharko dituzte ondasun eta zerbitzuen eskuraketak, balio erantsiaren gaineko zergaren pean ez dauden edo zerga ordaintzetik salbuetsitako eragiketak garatzean egindakoak (Balio Erantsiaren gaineko Zergari buruzko azaroaren 9ko 7/1994 Foru Arauaren 20. artikuluko Bat apartatuko 8., 11., 12., 13., 14. y 28. zenbakietan xedatutakoa aplikatuta), baldin eta eskuraketa horiek beste pertsona edo entitate bat dela-eta batera 1.000 euroko zifra gainditu badute kasuan kasuko urte naturalean zehar.

Eragiketa hauek ez dira inola ere erregistratu behar:

- Uraren, energia elektrikoaren eta erregaien hornidurarako eragiketak.
- Aseguruetatik eratorritako eragiketak.

Hala ere, ez da idatzohar horiek egiteko betebeharririk izango urte natural osoan zehar entitateak bere borondatez erregistratu baditu eragiketa horiek garatzean jaso dituen fakturak edo bestelako frogagiriak, eragiketa ekonomikoen erregistro-liburuan (jasotako fakturen kapitulua).

39 septiesdecies artikulua. Erregistroan idatzoharrak egiteko epeak. Arau orokorra.

1. Araudi honen 39 undecies artikuluan 4. apartatuan aipatzen den eremuaren barruan ez dauden zergapekoen kasuan, eragiketa ekonomikoen erregistro-liburuaren lehenengo 4 kapituluetan erregistroan jaso behar diren eragiketak egiten diren egunetik apirilaren, uztailaren eta urriaren 25era eta urtarrilaren 31ra bitartean erregistratu beharko dira, egiten diren hiruhilekoaren arabera.

Nolanahi ere, eragiketa horiei dagokien Balio Erantsiaren gaineko Zergaren likidazioa eta ordainketa egin aurretik erregistratu beharko dira eragiketak.

2. Hala ere, zergapekoak egindako eragiketak, horien gainean fakturarik ematen ez bada, egiten direnetik zazpi eguneko epean idatzi beharko dira, betiere epe hori aurreko apartatuan adierazitakoa baino txikiagoa bada.
3. 39. quinquiesdecies artikuluan aipatzen diren eragiketak zazpi eguneko epean idatzi beharko dira, aipatzen diren ondasunak igortzen edo garraiatzen hasten direnetik aurrera.

4. Eragiketa ekonomikoen erregistro-liburuan, tributuen arloan eragina duten beste eragiketa batzuen kapituluaren barruan erregistratu behar diren eragiketak urtero erregistratu beharko dira, dagokien ekitaldiaren hurrengo urtarrilean, eragiketa horiek egin direneko pertsona edo entitate bakoitzaren arabera multzokaturik, araudi honen 46. artikuluan aurreikusitako aldi baterako egozpen-irizpideen arabera.

39 octiesdecies artikulua. Erregistroan idatzoharrak egiteko epeak. Arau berezia.

1. Araudi honen 39 undecies artikuluko 4. zenbakian aipatzen diren zergapekoen kasuan, eragiketa ekonomikoen erregistro-liburuaren lehenengo 4 kapituluetakoa idatzoharrak epe hauetan egin behar dira:

- a) Egindako fakturei buruzko informazioa faktura egin eta lau egun naturaleko epearen barruan hornitu behar da, hartzaileak edo hirugarren batek egindako fakturak direnean izan ezik; izan ere, azken kasu horretan, Balio Erantsiaren gaineko Zergari buruzko azaroaren 9ko 7/1994 Foru Arauaren 164. artikuluko Bi apartatuan ezarritakoarekin bat, zortzi egun naturaleko epea egongo da informazio hori hornitzeko. Kasu batean zein bestean, erregistratu beharreko eragiketari dagokion zergaren sortzapena gertatu aurreko hileko 16a baino lehen hornitu behar da informazio hori. Hala ere, zergari loturik ez dauden, baina faktura egitea behar duten eragiketak direnean, azken epe hori zehazteko, eragiketa egin zen data hartuko da erreferentziazat.

- b) Jasotako fakturei buruzko informazioa lau egun naturaleko epean hornitu behar da, faktura kontabilitatean erregistratzen den egunetik zenbatuta, eta, edozelan ere, eragiketei dagokien Balio Erantsiaren gaineko Zergaren likidazio-aldiaren osteko hileko 16a baino lehen.

Inportazio-eragiketen kasuan, aduanan likidatutako kuota jasotzen duen dokumentua kontabilitatean erregistratzen den egunetik zenbatuko dira lau egun natural horiek, eta, edozelan ere, eragiketei dagokien Balio Erantsiaren gaineko Zergaren likidazio-aldiaren hurrengo hilearen 16a baino lehen eman behar da informazio hori.

- c) Balio Erantsiaren gaineko Zergari buruzko Araudiaren 66. artikuluko 1. apartatuan aipatzen diren eragiketei buruzko informazioa lau egun naturaleko epean eman behar da, bidalketa edo garraioa hasten den unetik zenbatuta, edo, bestela, kasuan kasuko eragiketako ondasunak jasotzen diren unetik zenbatuta.

- d) Egindako eta jasotako faktura zuzentzaileei buruzko informazioa lau egun naturaleko epean eman behar da, faktura edo fakturaren kontabilitateko erregistroa, hurrenez hurren, egin zen egunetik zenbatuta.

Hala ere, zuzenketaren ondorioz, Balio Erantsiaren gaineko Zergari buruzko azaroaren 9ko 7/1994 Foru Arauaren 114.Bi.1 artikuluan xedatutakoaren arabera hasieran kendutako kuoten zenbatekoa gehitzen bada, aurreko b) letran jasotako fakturentzat ezarritakoa izango da epea.

- e) Inbertsio-ondasunen kapituluari dagokion informazioa, urte natural bakoitzeko Balio Erantsiaren gaineko Zergaren likidazioaren azken aldiari dagokion aurkezpen-epearen barruan.

Hala ere, zergapekoek enpresaburuen, profesionalen eta atxikitzaileen zentsuan baja hartzen badute, Balio Erantsiaren gaineko Zergaren azken aitorpen-likidazioari dagokion aurkezpen-epearen barruan eman beharko dituzte erregistro guztiak, araudi honen 68. artikuluan aurreikusitako ofiziozko baja kasuetan izan ezik; kasu horretan, aurkezteko epea urte natural bakoitzeko Balio Erantsiaren gaineko Zergaren likidazioaren azken aldiari dagokiona izango da.

- f) Balio Erantsiaren gaineko Zergari buruzko Araudiaren 9.1.2º.B) artikuluan aipatzen den itzultzeko dokumentu elektronikoari buruzko informazioa bidaiariak jasandako kuotaren

itzulketari dagokion zergaren zuzenketa sartzen den likidazio-aldiaren osteko hileko 16a baino lehen eman behar da.

Aurreko a), b), c) eta d) letretan aipatzen diren lau edo zortzi egun naturaleko epeak zenbatzeko ez dira aintzat hartuko egun baliogabeak.

2. Kutxa-irizpidearen araubide berezia aplikatu behar zaien eragiketei buruz hornitu beharreko informazioaren kasuan, aurreko paragrafoetan adierazitako epeetan hornitu beharko da informazio hori, eragiketoi araubide berezi hori aplikatu beharko ez balitzaie bezala, baina kontuan hartuta eragiketa horiei lotutako kobrantza edo ordainketa osoak edo partzialak egiten direnean ere zenbait datu hornitu beharko direla.

Kobrantza eta ordainketei buruzko informazioa lau egun naturaleko epean hornituko da, kobrantza edo ordainketa egin zenetik zenbatuta.

3. Balio Erantsiaren gaineko Zergari buruzko Araudiaren 70. artikuluan aipatzen diren erregistroko zuzenketa kasuan, zuzenketa horiek jasotzen dituzten fakturazio-erregistroak hornitu behar dira, hain zuzen, zergapekoa egin duen akatsaz ohartzen den Balio Erantsiaren gaineko Zergaren likidazioaren aldia amaitu osteko lehenengo hileko 16a baino lehen.
4. Aurreko apartatueta aurreikusten ez diren eragiketak aurreko artikuluan ezarritako epe orokorrean jasoko dira.

39. novodecies artikulua. Kontabilitate-mugimenduen kapitulua.

1. Erregelamendu honetako 39. undecies artikuluan aipaturiko zergapekoek hurrengo apartatuan deskribatzen den informazioa jasotzen duen fitxategi informatikoa aurkeztu beharko dute, Sozietateen gaineko Zergaren zergaldia itxi ondoko hurrengo lau hilabeteetan. Fitxategi hori Ogasun eta Finantza Saileko foru-diputatuaren foru-agindu bidez ezarritako eran eta baldintzetan eta han ezarritako zehaztapen teknikoak eta funtzionalak betez aurkeztu beharko da.
2. Aurreko apartatuan aipatutako fitxategian informazio hau jaso beharko da:
 - Fitxategiak aipatzen duen zergaldia, haren hasiera- eta itxiera-datak adierazita.
 - Zergapekoak aplikatzen duen kontabilitate-eredua.
 - Zergapekoak aurkezten dituen kontabilitateko egoera-orriak (normala, laburtua edo ETEak). — Kontabilitate-mugimenduen data.
 - Idazpen mota, irekiera-, mugimendu-, erregularizazio- edo itxiera-idazpena den bereizita.
 - Idazpenaren zenbakia eta lerroa.
 - Kontu-kodea, Ogasun eta Finantzen foru-diputatuaren foru-agindu bidez onartzen den kodetzearen arabera.
 - Zor duen zenbatekoa.
 - Hartzekoaren zenbatekoa.
3. Kontabilitate-mugimenduen kapitulua osatzen duen fitxategiak erreferentziako ekitaldiari dagokion informazio guztia izango du.

4. Kontabilitate-mugimenduen kapitulua osatzen duen fitxategian oker materialik edo egitatezko akatsik egonez gero, hasieran aurkeztutako fitxategiaren ordezkotako bat aurkeztuta egingo da zuzenketa.
5. Sozietateen gaineko Zergari buruzko Foru Arauaren 126. artikuluko 2. eta 3. apartatuen arabera Sozietateen gaineko Zergaren Aitorpena aurkeztera behartuta ez dauden zergapekoek ez dute aurkeztu beharko kontabilitate-mugimenduen kapitulua osatzen duen fitxategia.
6. Sozietateen gaineko Zergari buruzko Foru Arauaren 12. artikuluko 2. atalean aipatzen diren zergapekoek, Sozietateen gaineko Zergaren aitorpena aurkeztu behar dutenek, eta irabazi-asmorik gabeko erakundeei aplikatu beharreko zerga-araubide bereziari atxikitako entitateek (martxoaren 20ko 4/2019 Foru Arauak, irabazi-asmorik gabeko erakundeen zerga-araubideari eta mezenasgorako pizgarri fiskalei buruzkoak, II. tituluan arautzen du araubide hori), ez dute kontabilitate-mugimenduen kapitulua osatzen duen fitxategia aurkeztu beharko.

Hala ere, bere borondatez aurkeztu ahal izango dute fitxategi hori, Ogasun eta Finantza Sailak Sozietateen gaineko Zergari buruzko Foru Arauaren 126. artikuluko 7. atalean aipatzen den Sozietateen gaineko Zergaren aitorpenaren zirriborroa eskura jarri ahal izan dezan.

VI. TITULUA. INFORMAZIO BETEBEHARRAK.

I. KAPITULUA. XEDAPEN OROKORRAK.

40. artikulua. Informazio betebeharren baterako alderdiak.

1. Egindako atxikipenen eta konturako sarreraren laburpenak Bizkaiko Foru Aldundiari aurkeztu behar zaizkio, beraiei buruzko arautegietan ezarritakoarekin bat etorritik, haietan jaso beharreko atxikipenen eta konturako sarrerak ordainarazteko eskumena berak badauka.

Baloreen errenten kobrantza kudeatzen duten edo haien gordailuzain diren erakundeek bidezko arautegiaren arabera atxikipenen eta konturako sarreraren urteko laburpenak aurkeztu behar badituzte, Bizkaiko Foru Aldundiari aurkeztu behar dizkiote laburpenok, beraiei buruzko arautegietan ezarritakoarekin bat etorritik, halako erakundeak egiaztatze eta ikertzeko eskumena berak badauka.

Sozietateen gaineko Zergaren subjektu pasibo izaki hura Bizkaiko Foru Aldundiari ordaindu behar dioten erakundeek Ekonomi Ituneko 7.bat.c) eta 9.bat.lehena.a) artikuluetan aipatutako etekinei aplikatutako atxikipenen eta konturako sarreraren urteko laburpenak aurkeztu behar dituzte, eta horretarako Bizkaiko Foru Aldundiak tokiaz, moduz eta epealdiaz ezartzen duenari lotu beharko zaizkio.

2. Legez ezarritako zergen arloko informazioaren inguruko betebeharrak orokorrak betetzeko aurkezten diren aitorpenak ondoko irizpideak kontuan hartuz aurkeztu behar zaizkio Bizkaiko Foru Aldundiari, berariazko arautegia betetzeaz gainera:
 - a) Jarduera ekonomikoren bat egiten duten zergapekoek, Bizkaiko Foru Aldundiak badauka enpresa eta lanbide jarduerak egiaztatze eta ikertzeko eskumena.
 - b) Jarduera ekonomikorik egiten ez duten zergapekoak, zerga egoitza Bizkaiko Lurralde Historikoan badaukate.

41. artikulua. Informazio betebeharrak.

1. Bizkaiko Lurralde Historikoko Zergei buruzko martxoaren 10eko 2/2005 Foru Arau Orokorreko 92. eta 93. artikuluetan ezarritako informazio betebeharrak beraiei buruzko arauetan eta kapitulu honetan ezarritakoari lotuta bete behar dira.
2. Bai Jarduera ekonomikoren bat egiten duten zergapekoek, bai atxikipena edo konturako sarrera aplikatu behar zaien errentak edo etekinak ordaintzen dituztenek, bai eta eragiketa ekonomikoetan, lanbide eragiketetan edo finantza eragiketetan parte hartzen duten edo bitartekari gisa aritzen direnek ere informazio orokorra eman behar dute berariazko arautegian, elkarren laguntzari buruzko araudian eta kapitulu honetan ezartzen denarekin bat etorritik.

Ogasun eta Finantza Saileko diputatuak aurkeztu beharreko aitorpenen ereduak onetsiko ditu, non eta zein epealditan aurkeztu behar diren zehaztuko du, eta aitorpenak zuzenean ordenagailuz irakurtzeko moduko euskarrian edo baliabide telematikoen bitartez zein kasutan aurkeztu behar diren ezarriko du.

3. Informazioa eman beharra zergen arloko betebeharren inguruko denetarikotako datu, txosten, aurrekari eta frogagiriak, zerga ordainketan eragina izan dezaketenak, eta beste pertsona batzuekin izan dituzten harreman ekonomiko, profesional edo finantzarioen ondoriozko guztiak aurkezteko banako agindeiei erantzunez bete daitezke, nahiz eta Zerga Administrazioari aitorpen bidez eman beharrik eduki ez. Honelako kasuetan, zergapekoek agindeian bertan ezarritako moduan eta epealdian aurkeztu behar dute eskatutako informazioa. Informazioa lortzeko jarduketak datuak dituzten pertsonaren edo erakundearen lokal, bulego edo egoitzetan egin daitezke edo zerga-ordainketan eragina duten datuak, txostenak, aurrekariak eta frogagiriak Zerga Administrazioari bidaltzeko agindeia eginez.

Informazioa lortzeko jarduketak administrazio-organo jardulearen ekimenez edo, lege ezarritako lankidetzetan, beste administrazio edo jurisdikzio organo batzuek eskatuta egin daitezke; beste estatu batzuek edo nazioarteko edo nazioz gaindiko erakunde batzuek eskatuta ere egin daitezke, elkarren laguntzaren esparruan.

Hirugarrenei buruzko informazioa lortzeko banako agindeiak zergak ordainarazteko prozeduretan zein haietatik bereiz egin daitezke. Pertsona eta erakundeek zerga betebeharren inguruko agindeiek inolaz ere ez dute eragingo egiaztapen ez ikerketa prozedurarik.

5. Zergapekoei zergak aplikatzeko prozeduretan, haiei buruzko arauekin bat etorritik, bidaltzen zaizkien datu, txosten, aurrekari eta frogagiri eskaerak ez dira informazio agindeitzat hartuko Bizkaiko Lurralde Historikoko Zergei buruzko martxoaren 10eko 2/2005 Foru Arau Orokorreko 92. eta 93. artikuluetan ezarritakoaren ondoretarako.

II. KAPITULUA. AITORPEN INFORMATIBOAK AURKEZTU BEHARRA.

1. ATALA. HIRUGARRENEKIN EGINDAKO ERAGIKETEI BURUZKO INFORMAZIOA EMAN BEHARRA.

42. artikulua. Hirugarrenekin egindako eragiketei buruzko informazioa eman behar dutenak.

1. Bizkaiko Lurralde Historikoko Zergei buruzko martxoaren 10eko 2/2005 Foru Arau Orokorreko 92. artikuluan xedatutakoarekin bat etorritik, enpresa edo profesional jardueraren bat egiten Bizkaiko Lurralde Historikoko Zergei buruzko martxoaren 10eko 2/2005 Foru Arau Orokorreko 92. artikuluan xedatutakoarekin bat etorritik, enpresa edo profesional jardueraren bat egiten duten pertsona fisikoek eta juridikoek, publikoek zein pribatuak, eta foru arau horretako 34.3 artikuluan aipatutako erakundeek urtean zehar hirugarrenekin egindako eragiketei buruzko aitorpena aurkeztu behar dute.

Honetarako, enpresa edo profesional jarduerak dira Balio Erantsiaren gaineko Zergari buruzko azaroaren 9ko 7/1994 Foru Arauko 5.b) artikuluan hala definitutako guztiak. Halaber, halakotzat hartuko dira foru arau horretako 5. artikuluko lehenengo idatzazian enpresaburu edo profesional kalifikatutakoek egiten dituzten jarduerak, e) paragrafoan xedatutako salbuespenarekin.

Jabetza Horizontalari buruzko ekainaren 21eko 49/1960 Legea aplikatzen zain erakundeek eta Balio Erantsiaren gaineko Zergari buruzko azaroaren 9ko 7/1994 Foru Arauko 20. artikuluko 3. idatz-zatian aipatutako gizarte izaerako erakundeek eta establezimendu pribatuek urtean hirugarrenekin egindako eragiketen aitorpenean sartu behar dituzte enpresa edo profesional jardueretatik kanpo egiten dituzten ondasun eta zerbitzu eskuraketak, nahiz eta halako jarduerarik egin ez.

2. Bizkaiko Lurralde Historikoko Zergei buruzko martxoaren 10eko 2/2005 Foru Arau Orokorreko 93. artikuluko 1. eta 2. idatz-zatietan aipatutako pertsonak eta erakundeek enpresa eta lanbide jardueretatik kanpo egiten dituzten ondasun eta zerbitzu eskuraketak ere sartu behar dituzte hirugarrenekin egindako eragiketen urteko aitorpenean, baita halako jarduerarik egiten ez badute ere.

Administrazio publikoetako erakundeek, gainera, hirugarrenekin egindako eragiketen urteko aitorpenean ondoko hauek sartu behar dituzte: aurrekontu orokorren kargura ematen edo administrazio publikoetakoak ez diren erakunde edo organismoen kontura kudeatzen dituzten diru-laguntzak, laguntzak edo sorospenak.

Lurralde historikoetako administrazioek, Estatuko Administrazioak, autonomia erkidegoek, erakunde autonomoek, enpresa erakunde publikoek eta gainerako lurralde administrazio publikoetako erakundeek urtean hirugarrenekin egindako eragiketen laburpena aurkeztu behar dute; laburpenean identifikazio fiskaleko zenbakia esleituta duen enpresa edo lanbide jardueren arlo bakoitzeko eragiketak multzokatuta ager daitezke edo, bestela, denak batera.

Administrazio publikoetako erakundeek urteko laburpen bat aurkezten badute identifikazio fiskaleko zenbakia esleituta duen enpresa edo lanbide jardueren arlo bakoitzeko, idatz-zati honetan eskatzen diren datuak aitorpen guztietan adierazi behar dituzte.

Orobat, aurreko paragrafoan aipatutako erakundeek, Bizkaiko Lurralde Historikoko Administrazioak eta hari atxikitako erakunde autonomoek ez besteez, nahiz eta ez enpresa ez lanbide jarduerarik egin ez, urteko aitorpen bat aurkez dezakete identifikazio fiskaleko zenbakia esleituta duen sail, atal edo organo berezi bakoitzeko pertsonekin egindako eragiketez.

3. Gainera, Bizkaiko Lurralde Historikoko Zergei buruzko martxoaren 10eko 2/2005 Foru Arau Orokorreko 92.1.b) artikuluan ezarritakoaren arabera, sozietateak, elkarteak, profesionalen elkargoak eta, besteak beste, bazkideen, kideen edo elkargokideen kontura ogibidesariak edo jabetza intelektualaren edo industrialaren edo egilearen jabetzaren ondoriozko eskubideak kobratzen dituzten erakundeek hirugarrenekin egindako eragiketen urteko aitorpenean sartu behar dituzte etekin horiek.

43. artikulua. Zer pertsona edo erakunde ez duten hirugarrenekin egindako eragiketen urteko aitorpenik aurkeztu behar.

Honako hauek ez dute urteko aitorpenik aurkeztu behar:

- a) Espainiako lurraldean beren jarduera ekonomikoaren egoitzarik, establezimendu iraunkorrik edo zerga egoitzarik izan ez arren, Espainian enpresa- edo lanbide-jarduerak egiten dituztenak, edo, atzerrian eratutako errenta-eratzikipenaren araubideko erakundeen kasuan, Espainian presentziarik izan gabe jarduten dutenak.
- b) Errenta-eratzikipenaren araubidean dauden pertsona fisikoek eta erakundeek ez dute goian aipatutako aitorpena aurkeztu behar Balio Erantsiaren gaineko Zergan araubide erraztu

berezia, nekazaritza, abeltzaintza eta arrantzaren araubide berezia edo baliokidetasun-errekarguaren araubide berezia aplikatzen zaien jarduerengatik. Salbuespena: faktura eragiten duten eragiketak.

Gainera, Balio Erantsiaren gaineko Zergaren araubide erraztuari heldutako subjektu pasiboek urtean hirugarrenekin egindako aitorpenean sartu behar dituzte Balio Erantsiaren gaineko Zergaren Araudiko 40. 1 artikuluan arabera jasotako fakturen erregistroliburuan idatzohartu behar diren ondasun eta zerbitzu eskuraketak.

- c) Urte naturalean zehar beste pertsona edo erakunde batekin egindako eragiketetan guztira 3.005,06 euro gainditu ez dituzten zergadunak, edo, epe berean, honako kasu hauetan 300,51 euro gainditu ez dituztenak: hirugarrenen kontura lanbide-ordainsariak edo jabetza intelektualaren edo industrialaren edo egilearen jabetzaren ondoriozkoak edo bazkideen, kideen edo elkargokideen konturako beste batzuk kobratzen.
- d) Araudi honen 44. artikuluan xedatutakoaren arabera aitortu behar ez diren eragiketak soilik egin dituzten zergapekoak.
- e) Araudi honetako 39 bis eta 39 undecies artikuluetan aipatzen diren zergapekoak, eragiketa ekonomikoen erregistro-liburua eraman behar dutenak.
- f) ...

44. artikulua. Hirugarrenekin egindako eragiketen urteko aitorpenaren edukia.

- 1. Araudi honetako 42. artikuluko lehenengo idatz-zatian aipatutako zergapekoek urteko eragiketen aitorpenean ondokoak sartu behar dituzte: egutegiko urtean egindako eragiketen guztirako zenbatekoa 3.005,06 eurotik gorakoa den pertsona eta erakunde guztiak, haien izaera edo jitea gorabehera.

Eragiketa horiei buruzko informazioa hiruhilekoka banakatuta eman behar da. Horretarako, bereiz zenbatuko dira ondasun eta zerbitzuen emateak eta eskuraketak.

Aurreko paragrafoetan ezarritakoaren ondoreetarako, eragiketatzat hartuko dira ondasun eta zerbitzuen emateak eta eskuraketak. Batzuetan zein besteetan, ohiko eragiketak, lantzean behingoak, higiezinekin egindako eragiketak eta itzuli behar ez diren diru-laguntzak, sorospenak eta laguntzak sartu behar dira.

Urteko aitorpenean ondokoak sartu behar dira, hurrengo idatz-zatiko salbuespenak kontuan hartuta: Balio Erantsiaren gaineko Zergaren kargapean eta hartatik salbuetsita ez dauden ondasun emateak eta eskuraketak eta zerbitzugintzak, bai eta zerga horren kargapean ez daudenak eta salbuetsita daudenak ere.

Aseguru-erakundeek aseguru-eragiketak ezarri behar dituzte euren urteko aitorpenean. Horretarako, jasotako prima edo kontraprestazioen zenbatekoa eta ordaindutako kalte-ordainen edo prestazioena hartuko dira kontuan; eragiketa horiei inolaz ere ez zaie aplikatuko hurrengo idatz-zatiko a) paragrafoan xedatutakoa.

Balio Erantsiaren gaineko Zergari buruzko azaroaren 9ko 7/1994 Foru Arauan ezarritako kutxa irizpidearen araubide berezia aplikatzen zaien subjektu pasiboek eta bertan sartzen diren eragiketen hartzaile diren subjektu pasiboek urte naturalean sortutako zenbatekoak zehaztu behar dituzte urteko aitorpenean, Balio Erantsiaren gaineko Zergari buruzko Foru Arauko 75. artikuluan ezarritako sortzapenaren erregela aintzat hartuta. Gainera, eragiketa horiek urte naturalean sortutako zenbatekoen aitorpenean ere ezarri behar dira, Balio Erantsiaren gaineko Zergari buruzko Foru Arauko 163 terdecies artikuluan ezarritakoarekin bat etorritik.

Idatz-zati honetako bigarren paragrafoan xedatutakoaren salbuespena: Balio Erantsiaren gaineko Zergari buruzko azaroaren 9ko 7/1994 Foru Arauan ezarritako kutxa irizpidearen araubide berezia aplikatzen zaien eragiketak egiten dituzten subjektu pasiboek eta Jabetza

Horizontalari buruzko ekainaren 21eko 49/1960 Legea aplikatzen zaien erakundeek urteko konputua oinarritzat hartuta eman behar dituzte urteko aitopeneko datu guztiak. Halaber, kutxa irizpidearen arabide berezian dauden eragiketen hartzaile diren subjektu pasiboek ere urteko konputua oinarritzat hartuta eman behar dituzte aurreko paragrafoan aipatutako eragiketa horien inguruko datu guztiak.

2. Aurreko idatz-zatian xedatutakoa gorabehera, ondoko eragiketak ez dira aitortu behar:
 - a) Zergapekoek faktura egin edo eman beharra ekarri ez duten ondasun-emateak eta zerbitzugintzak, fakturan hartzailearen identifikazio- datuak ipini beharrik izan ez den ondasun emateak eta zerbitzugintzak, eta Balio Erantsiaren gaineko Zergaren nekazaritza, abeltzaintza eta arrantzaren arabide bereziko eskuratzailak igorritako ordainagiria sinatu beharra eragin ez dutenak.
 - b) Zergapekoen enpresa eta profesional jardueratik kanpo egindako eragiketak.
 - c) Dohaineko ondasun-emateak, ondasun-eskuraketak eta zerbitzugintzak, Balio Erantsiaren gaineko Zergaren kargapean ez daudenak edo hartatik salbuetsita daudenak.
 - d) Pertsona fisikoek eta nortasun juridikorik gabeko erakundeek enpresa eta profesional jardueretatik kanpo egindako ondasun- errentamenduak, Balio Erantsiaren gaineko Zergaren kargatik salbuetsita egonez gero.
 - e) Efektu tinbredunen edo estankatuen eta frankeo-zeinuen eskuraketak, Balio Erantsiaren gaineko Zergari buruzko azaroaren 9ko 7/1994 Foru Arauko 136.1.3.a) artikuluan ezarritako definizioaren arabera bildumarako objetutzat jotzen direnak alde batera utzita.
 - f) Balio Erantsiaren gaineko Zergari buruzko azaroaren 9ko 7/1994 Foru Arauko 20. artikuluko hirugarren idatz-zatian aipatutako gizarte arloko erakundeek eta establezimenduek egindako eragiketak, beraien jardueraren sektorekoak izanez gero eta ondasun-emateak eta zerbitzugintzak Zergatik salbuetsita badaude. Horrek ez du eragozten araudi honetako 42. artikuluko 1. idatz-zatian ezarritakoa.
 - g) Salgaien inportazioak eta esportazioak, eta zergapekoek Espainiako lurraldetik kanpoko establezimendu iraunkorretatik edo halako establezimenduetara egindako eragiketak. Salbuespenak: zergapekoaren egoitza Espainian egotea eta eragiketa egin den pertsonak edo erakundeak Espainiako lurraldeko establezimendu batetik jardutea.
 - h) Espainiako lurralde penintsularraren edo Balear uharteen eta Kanariar uharteen, Ceutaren edo Melillaren arteko bidalketak eragiten dituzten ondasun-emateak eta ondasun-eskuraketak.
 - i) Oro har, Zerga Administrazioari aldizka informazioa eman beharra eragiten duten eragiketak, baldin eta horren ondorioz atal honetan araupetutako aitopenean ez beste batzuetan sartzen badira, informazioa bera dela.
3. Araudi honetako 42.2 artikuluan aipatutako zergapekoek urteko eragiketen aitopenean ondokoak sartu behar dituzte: enpresa eta profesional jardueretatik kanpo egindako ondasun edo zerbitzu eskuraketetan 3.005,06 €-ko kopurua gainditu duten pertsona eta erakunde guztiak, haien izaera edo jitea gorabehera, ondokoak izan ezik:
 - a) Salgaien inportazioak.
 - b) Espainiako lurralde penintsularraren edo Balear uharteen eta Kanariar uharteen, Ceutaren edo Melillaren arteko bidalketak eragiten dituzten ondasun-eskuraketak.
 - c) Artikulu honetako 2. idatz-zatiko e) eta i) paragrafoetan ezarritakoak.

Halaber, Sektore Publikoko Kontratuei buruzko Legearen Testu Bategina onetsi duen azaroaren 14ko 3/2011 Legegintzako Errege Dekretuko 3. artikuluko 2. idatz-zatian aipatzen diren administrazio publikoetako erakundeek ondokoak sartu behar dituzte aitorpenean: diru-laguntzaren bat eman dioten pertsona eta erakunde guztiak, diru-laguntzaren zenbatekoa gorabehera. Nolanahi ere, kasu honetan aurreko idatz-zatiko i) paragrafoan ezarritako salbuespena aplikatuko da.

4. Araudi honetako 42.3 artikuluan aipatutako zergapekoek bertan aipatutako ordainketak sartu behar dituzte urtean hirugarrenekin egindako eragiketen aitorpenean, pertsona bakoitzari guztira egotzitako kopurua 300,51 euro baino gehiago izanez gero.
5. Araudi honetako 42.1 artikuluan aipatzen den aitortu beharrak, Jabetza Horizontalari buruzko uztailaren 21eko 49/1960 Legea aplikagarri zaien erakundeei dagokienez, ez ditu barruan hartuko honako eragiketa hauek:
 - Erabilera eta kontsumo komunitariorako edozein motatako erregaien eta energia elektrikoaren hornidura.
 - Erabilera eta kontsumo komunitariorako ur hornidura.
 - Gune eta elementu komunekin zerikusia duten ondasunak eta eskubideak aseguratzea xede duten aseguruen ondoriozkoak.
6. Araudi honetako 42.1 artikuluan aipatutako aitortu beharrak, Balio Erantsiaren gaineko Zergari buruzko azaroaren 9ko 7/1994 Foru Arauko 20.Hiru artikuluan aipatzen diren gizarte izaerako erakunde edo establezimendu pribatuei dagokienez, ez ditu barruan hartuko honako eragiketa hauek:
 - Ur, argindar eta erregai hornidura.
 - Aseguruen ondoriozko eragiketak.

45. artikulua. Nola bete hirugarrenekin egindako eragiketen urteko aitorpena.

1. Urtean hirugarrenekin egindako eragiketen aitorpenean datu hauek adierazi behar dira:
 - a) Aitortzailearen izen-deiturak edo sozietatearen izena edo deitura osoa, identifikazio fiskaleko zenbakia eta zerga-egoitza.
 - b) Aitorpenean sartutako pertsona edo erakunde bakoitzaren izen-deiturak edo sozietatearen izena edo deitura osoa eta identifikazio fiskaleko zenbakia, edo, hala behar denean, eragiketa zein enpresaburu edo profesionalekin egin den, establezimendua dagoen Estatu kideak Balio Erantsiaren gaineko Zergaren ondorioetarako hari esleitutako identifikazio fiskaleko zenbakia.
 - c) Aitorpenaren egutegiko urtean pertsona edo erakunde bakoitzak egindako eragiketen guztirako zenbatekoa, eurotan.
 - d) Negozio lokalen errentamenduak, alderdi euren arteko gainerako eragiketarik bereizita; nolanahi ere, araudi honetako 44.1 artikuluan xedatutakoaren ondoreetarako denak batera hartu behar dira kontuan. Honelako kasuetan, errentatzaileak datu hauek zehaztu behar ditu: errentarien izen-deiturak edo sozietate izena edo deitura osoa eta identifikazio fiskaleko zenbakia, eta errentatutako higiezinak non dauden jakiteko behar diren katastroko erreferentziak eta beharrezko gainerako datu guztiak.
 - e) Aseguru-erakundeek bereizita agertu behar dituzte aseguru- eragiketak. Horretarako, aseguruaren arloko jardunean jasotako prima edo kontraprestazioen zenbatekoa eta ordaindutako kalteordainen edo prestazioena zehaztu behar dituzte. Hala ere, aseguru-eragiketak bereiz identifikatu behar badira ere, araudi honetako 44.1 artikuluan

xedatutakoaren ondoreetarako haien zenbatekoa beste eragiketa guztienari batu behar zaio.

- f) Bidaia-agentziek bereiz adierazi behar dituzte besteren kontura bitartekari gisa aritzen diren zerbitzugintzak, hain zuzen ere urtarrilaren 22ko 4/2013 Foru Dekretuak onetsitako Fakturazio Betebeharrei buruzko Araudiko hirugarren xedapen gehigarrian ezarritako betekizunak betetzen dituztenak.

Halaber, bereiz adierazi behar dituzte garraio zerbitzuen jasotzaileei bidaiarien eta haien fardelen garraiorako besteren kontura egiten dizkieten bitartekaritza zerbitzuak, aurrean aipatutako hirugarren xedapen gehigarriko 3. idatz-zatian ezarritakoarekin bat etorritik.

- g) Bereizita aitortu behar dira sozietateek, elkarteek eta profesionalen elkargoek euren bazkideen, kideen edo elkargokideen kontura egindako ogibidesarien edo jabetza intelektualaren edo industrialaren edo egilearen jabetzaren ondoriozko eskubideen kobrantzak, araudi honetako 42.3 artikuluan xedatutakoarekin bat etorritik.

- h) Aitorpenean ageri den pertsona edo erakunde bakoitzak esku-dirutan emandako 6.000 eurotik gorako zenbateko guztiak azaldu behar dira.

- i) Balio Erantsiaren gaineko Zergaren kargapeko emate izan edo izango diren ondasun eskualdaketen kontraprestazio gisa jasotako kopuruak zehaztu behar dira, alderdi euren egindako bestelako eragiketarik bereizita.

- j) Balio Erantsiaren gaineko Zergaren kutxa irizpidearen araubide berezia aplikatzen zaien eragiketak zehaztu behar dira, alderdi euren egindako bestelako eragiketarik bereizita. Eragiketa horiek honako irizpide hauen arabera hartu behar dira kontuan:

- Balio Erantsiaren gaineko Zergari buruzko azaroaren 9ko 7/1994 Foru Arauko 75. artikuluan dagoen sortzapenaren erregela orokorraren arabera sortzen diren unean, eragiketa horiei araubide berezia aplikagarri izan ez balitzaie bezala.
- Balio Erantsiaren gaineko Zergari buruzko azaroaren 9ko 7/1994 Foru Arauko 163. terdecies artikuluan dauden irizpideekin bat etorritik osorik edo zati batean sortzen diren unean, dagozkien zenbatekoen arabera.

- k) Balio Erantsiaren gaineko Zergari buruzko azaroaren 9ko 7/1994 Foru Arauko 84.1.2 artikuluan ezarritakoarekin bat etorritik subjektu pasiboa hartzaile den eragiketarik alderdi euren artean egindako beste eragiketarik bereiz adieraziko dira.

- l) Balio Erantsiaren gaineko Zergari buruzko azaroaren 9ko 7/1994 Foru Arauko 84.1.2 artikuluan ezarritakoarekin bat etorritik subjektu pasiboa hartzaile den eragiketarik alderdi euren artean egindako beste eragiketarik bereiz adieraziko dira.

2. Pertsona edo erakunde bakoitzarekin egindako eragiketen guztirako zenbatekoa zehazteko irizpide hauek aplikatuko dira:

- a) Balio Erantsiaren gaineko Zergaren kargapean eta hartatik salbuetsita ez dauden eragiketetan, kontraprestazioen guztirako zenbatekoa adierazi behar da, zerga horren zioz jasanarazitako edo jasandako kuotak eta errekaratuak barne.

- b) Ondasunaren eskualdatzaileari edo zerbitzuaren egileari, Balio Erantsiaren gaineko Zergaren nekazaritza, abeltzaintza eta arrantzarik buruzko araubide bereziaren arabera, konpentsazioen bat jasotzeko eskubidea sortarazi dioten eragiketetan, kontraprestazioen guztirako zenbatekoa adierazi behar da, jasotako edo ordaindutako konpentsazioak gehituta.

Balio Erantsiaren gaineko Zergari buruzko azaroaren 9ko 7/1994 Foru Arauko 84. artikuluko lehenengo idatz-zatiko bigarren paragrafoan aipatutako eragiketetan, kontraprestazioen guztirako zenbatekoa adierazi behar da.

- c) Atal honetan xedatutakoaren ondoreetarako, hauxe izango da kontraprestazioaren guztirako zenbatekoa: Balio Erantsiaren gaineko Zergari buruzko azaroaren 9ko 7/1994 Foru Arauko 78, 79 eta 80. artikuluetan zerga oinarria kalkulatzeko arauak aplikatzearen emaitzako kopurua, Zergaren kargapean egon ez edo hartatik salbuetsita egon eta hirugarrenekin egindako eragiketen urteko aitorpenean sartu behar diren eragiketak barne. Nolanahi ere, artikuluko honetako 4. idatz-zatian xedatutakoa bete behar da.
3. Bitartekaritza eta agentzia edo komisioko eragiketetan, agenteak edo komisiiodunak besteren izenean diharduenean, zerbitzugintzei dagozkien kontraprestazioen guztirako zenbateko banakatua adierazi behar da aitorpenean, Balio Erantsiaren gaineko Zergaren zioz jasalarazitako edo jasandako kuotak barne.

Agenteak edo komisiiodunak bere izenean jardun badu, ondasunak edo zerbitzuak berak jaso, eman edo egin dituela pentsatuko da, eta ondorioz haien kontraprestazio, kuota eta errekaraguen guztirako zenbatekoa aitortu behar da.

4. Artikulu honetan 2.c) idatz-zatian ezarritakoarekin bat etorrituz, eragiketen guztirako zenbatekoa garbi aitortu behar da, hau da, itzulketak, deskontuak eta hobariak kontuan hartu gabe eta egutegiko urtean bertan ondoregabebetutako eragiketak zenbatu gabe. Gainera, kontuan eduki behar dira egutegiko urtean prezioan gertatutako aldakuntzak.

Kaudimengabeziaren ondorioz, Balio Erantsiaren gaineko Zergari buruzko azaroaren 9ko 7/1994 Foru Arauko 80. artikuluko hirugarren idatz-zatian xedatutakoaren arabera, atal honetan araupetutako aitorpenaren egutegiko urtean zerga horren oinarria aldatu bada, aitortu beharreko eragiketen guztirako zenbatekoa kalkulatzeko kontuan eduki behar dira aldaketak.

46. artikulua. Aldi egozketarako irizpideak.

1. Urteko aitorpenean zergapekoak aitorpenaren egutegiko urtean egin dituen eragiketak agertu behar dira.

Horretarako, hona zeren arabera ezarriko den noiz eginak diren eragiketak: eragiketok egiaztatze faktura edo kontabilitateko agiria erregistroan jaso behar den epean, Balio Erantsiaren gaineko Zergaren Araudiko 69. artikuluan ezarritakoaren arabera.

Aurreko artikuluko 1. idatz-zatiko j) letrako hirugarren zenbakian aipatzen den Balio Erantsiaren gaineko Zergako kutxa irizpidearen araubide berezia aplikagarri zaien eragiketak, baina, euren sortzapen osoa edo partziala gertatzen den egutegiko urtean adieraziko dira, Balio Erantsiaren gaineko Zergari buruzko azaroaren 9ko 7/1994 Foru Arauko 163 terdecies artikuluan dauden irizpideei jarraituz, dagozkien zenbatekoekin.

2. Bestalde, 45. artikuluko 4. zenbakian ezarritako kasuetan, hirugarrenekin egindako eragiketa bati berez dagokion urteko aitorpenaren urte naturalean barik beste batean gertatuz gero kasuok, aldaketa eragin duen inguruabarra gertatu den urte naturaleko aitorpenean sartu behar dira. Horretarako, aldaketa horiek kontuan hartuta jasoko da aitorpenean pertsona edo erakunde batekin egindako eragiketen zenbateko osoa.

Halaber, 45. artikuluko 4. zenbakian aurrez ikusiriko kasuetan, eragiketa bat berez jaso behar den hiruhileko naturalean barik beste batean gertatuz gero kasuok, aldaketa eragin duen inguruabarra gertatu den hiruhileko naturalari dagokion atalean sartu behar dira.

3. Bezeroen eta hornitzaileei zein bestelako hartzekodunei emandako aurrerakinak urteko aitorpenean agertu beharreko eragiketak dira. Gero, eragiketa egiten denean, eragiketaren guztirako zenbatekoa adierazi behar da aitorpenean, baina aurretik aitortutako

aurrerakinaren zenbatekoa kenduta, baldin eta gutxipenaren emaitzako kopurua, pertsona edo erakunde berarekin egindako gainerako eragiketak batuta, 44.1. artikuluan ezarritako gehieneko zenbatekoa baino gehiago.

4. 42.2. artikuluko bigarren paragrafokoa aipatutako zergapekoek emandako diru-laguntzak, sorospenak eta laguntzak ordainketa-agindua luzatu den egunean ordaindutat joko dira. Ordainketa-agindurik eman ez bada, ordainketa egin denean ordaindutat joko dira.
5. 45.1.h) artikuluan aipatutako eskudirutako ko p uruak ezin badira sartu eragiketak egin diren egutegiko urteko aitorpenean, aurkeztu ondoren jaso direlako edo 6.000 euroko zenbatekoa gainditu ez delako, zergapekoek bereizita sartu beharko dituzte kobrantza gertatu edo 6.000 euroko zenbatekoa gainditu denaren hurrengo urteko aitorpenean.

1. BIS ATALA.

ERAGIKETA EKONOMIKOEN ERREGISTRO-LIBURUKO EDUKIAREN BERRI EMAN BEHARRA

46. bis artikulua. Eragiketa ekonomikoen erregistro-liburuko edukiaren berri eman beharra.

...

2. ATALA.

ZERGA-PLANGINTZAKO MUGAZ GAINDIKO MEKANISMOEN INFORMAZIO-BETEBEHARRAK.

47. artikulua. Plangintza fiskaleko mekanismo jakin batzuei buruzko informazioa emateko betebeharra.

1. Betebehar honen ondorioetarako zerga bitartekaritzat hartu ziren pertsona edo erakundeek, erregelamendu honen 47.bis artikuluan ezarritakoarekin bat, edo hala badagokio, 47.ter artikuluan jasotzen diren zergadun interesdunek, artikuluko honen 2. atalean aipatzen diren mugaz gaindiko mekanismoak jakinarazi beharko dizkiote zerga administrazioari, hurrenez hurren esku hartzen edo parte hartzen dutenak, Kontseiluaren 2011ko otsailaren 15eko 2011/16/EB Zuzentarauetan, 77/799/EE zuzentzaraua indargabetzen duen zerga esparruko administrazio lankidetzari buruzkoan, IV. eranskinean, zerga arloko administrazio lankidetzari buruzkoan, jasotzen diren ezaugarrietako bat betetzen bada.
2. Aitortzeko zerga plangintzako mekanismotzat hartuko da jakinaraztera behartu eta baldintza guztiak betetzen dituzten mugaz gaindiko erabaki, negozio juridiko, eskema edo eragiketa guztiak.

Ondorio horietarako, mekanismo batek zenbait mekanismo ere barne hartuko ditu, eta mekanismo bat fase bat edo haren zati batez osatuta egon daiteke.

Ez dira banakako mekanismotzat hartuko aitortu behar diren mekanismoak formalizatzearen ondorioz egindako gastuak, banakako tratamendua izatera behartzen duen izaera ez badute. Hala ere, azken mekanismo horren edukitzat har daiteke.

3. Zerga administrazioan aitortu beharko dira mugaz gaindikotzat hartzen diren mekanismo guztiak, 2011/16/EB Zuzentzarauko IV. eranskinean, erregelamendu honetan garatutako baldintzetan, jasotzen diren ezaugarrietako bat betetzen bada.

Informazio betebehar honen ondorioetarako mugaz gaindiko mekanismotzat hartuko dira Estatu kide batean baino gehiagotan edo Estatu kide batean eta hirugarren zerga jurisdikzio batean eragiten dutenak, baldintza hauetako bat betetzen bada:

- a) Mekanismoan parte hartzen duten pertsona edo erakunde guztiak jurisdikzio bereko egoiliar fiskalak ez izatea.

- b) Mekanismoan parte hartzen duen pertsona edo erakunde bat baino gehiago jurisdikzio bereko egoiliar fiskalak izatea.
 - c) Mekanismoan parte hartzen duten pertsona edo erakunde batek edo batzuek beste jurisdikzio fiskal batean jarduera ekonomia izatea, jurisdikzio horretan kokatuta dagoen establezimendu iraunkor baten bidez, eta mekanismoa establezimendu iraunkor horren jarduera ekonomiko osoa edo haren zati izatea.
 - d) Mekanismoan parte hartzen duten pertsona edo erakunde batek edo batzuek beste jurisdikzio batean egiten jarduera, zerga ondorioetarako egoiliarak izan gabe, edo jurisdikzio horretan kokatuta dagoen establezimendu iraunkorra sortu gabe, mekanismoa jarduera ekonomiko horren zati bat edo jarduera osoa bada.
 - e) Mekanismo horrek ondorioak izatea informazio trukaketa automatikoan edo benetako titulartasunaren identifikazioan.
4. Ezaugarri bereizgarritzat hartuko dira Kontseiluaren 2011/16/EB Zuzentarauko IV. Eranskinean jasotakoak, Erregelamendu honetan garatutako baldintzen arabera.
 5. Artikulu honetan araututako informazio betebeharra bakarrik aplikatuko da Kontseiluaren 2011/16/EB Zuzentarauko 2. artikuluan aipatzen diren zergekin loturikoetan.

47 bis artikulua. Bitartekari gisa aitorpena aurkeztu behar duten pertsona edo erakundeak.

1. Erregelamendu honetako 47 quater artikuluan jasotako kasuetako bat betetzen denean, bitarteko pertsona edo erakunde gisa aurkeztu beharko dute aitorpena:
 - a) Informazioa jakinarazten duen edo haren gauzatzea kudeatzen duen mugaz gaindiko mekanismo bat diseinatu, komertzializatu, antolatu edo eskura jartzen duten pertsona edo erakunde guztiak.
 - b) Zuzenean edo beste pertsona batzuen bidez, laguntza edo aholkularitza emateko konpromisoa hartu duela dakien, edo arrazoiz, hartu duela uste den pertsona edo erakundea, informazioa jakinarazi behar duen mugaz gaindiko mekanismo bat gauzatzeko edo haren gauzatzea kudeatzeko diseinu, komertzializazio, antolaketa edo esku jartzearekin loturikoa.
2. Ez dute aitorpenik aurkeztu beharko pertsona edo erakunde bitartekariak, inguruabar hauetako batean badaude:
 - a) Informazioaren lagapenak Bizkaiko Lurralde Historikoko Zergei buruzkoa martxoaren 10eko 2/2005 Foru Arau Orokorraren hogeita hamahirugarren xedapen gehigarriaren 2. apartatuan aipatzen den lanbide-sekretua gorde beharra urratzen duenean, salbuespen batekin: zergapeko interesdunak baimena ematen duenean xedapen gehigarri horretan xedatzen denarekin bat etorritik.

Kasu horretan, salbuetsitako pertsona edo entitate bitartekariak horren berri eman beharko dio bere bezeroari informazioa eman beharra sortu eta hurrengo egunetik bost egun igaro baino lehen Bizkaiko Lurralde Historikoko Zergei buruzkoa martxoaren 10eko 2/2005 Foru Arau Orokorraren hogeita hamalagarren xedapen gehigarriaren 1. apartatuan aipatzen den jakinarazpenaren bidez.

Jakinarazpenaren edukia bat etorri behar da Ogasun eta Finantza Saileko foru diputatuak foru agindu bidez onesten den ereduarekin.

 - b) Pertsona edo erakunde bitartekari bat baino gehiago egonda, aitorpena haietako batek aurkeztu badu.

Salbuetsitako pertsona edo erakunde bitartekariak froga fede-emailea gorde beharko du, aitorpena aurkeztean, beste pertsona edo erakunde bitartekari zergadun batzuek legez aplikatzeko arauen arabera aurkeztu duela egiaztatzen duena.

Ondorio horietarako, froga fede-emailetzat hartuko da martxoaren 10ko 2/2005 Foru Arau Orokorraren, Bizkaiko zergei buruzkoaren, hogeita laugarren xedapen gehigarriaren 2. atalarekin loturiko jakinarazpena.

Aitorpena aurkeztu duen pertsona edo erakunde bitartekariak, aurkeztu eta hurrengo egunetik hasita bost eguneko epea izango du mekanismoan esku hartzen duten beste pertsona edo erakunde bitartekari batzuei jakinarazteko. Jakinarazpenaren edukia bat etorriko da Ogasun eta Finantza Saileko titularraren foru agindu bidez onartzen den ereduarekin.

47 ter artikulua. Zergadun interesdun gisa, aitorpena aurkeztu behar dutenak.

1. Aitorpena aurkeztu behar du, zergadun interesdun gisa, informazioa jakinarazi behar duen mugaz gaindiko mekanismo bat gauzatzeko, eta gauzatuko duen edo haren lehen fasea gauzatu duen mekanismo bat eskura jarri zaion edozein pertsonak edo erakundek, betiere aitorpena aurkeztu behar duen pertsona edo erakunde bitartekaririk ez badago.
2. Aitorpena aurkeztu behar duen zergadun interesdun bat baino gehiago badago, zerrenda honetako lehen postuan agertzen den pertsona edo erakundeak egingo du:
 - 1) Pertsona edo erakunde bitartekariarekin informazioa jakinarazi behar duen mugaz gaindiko mekanismoa erabaki zuena.
 - 2) Mekanismo horren gauzatzea kudeatzen duena.
 - 3) Aitorpena atal honen 2. zenbakian ezarritakoaren arabera aurkeztu behar duen zergadun interesduna, betebeharrak horretatik salbuetsita geratuko da aitorpen hori beste zergadun interesdun batek aurkeztu duela frogatzen badu.

Ondorio horietarako, froga fede-emailetzat hartuko da martxoaren 10ko 2/2005 Foru Arau Orokorraren, Bizkaiko zergei buruzkoaren, hogeita laugarren xedapen gehigarriaren 2. atalarekin loturiko jakinarazpena.

Aitorpena aurkeztu duen zergadun interesdunak beste zergadun interesdun batzuei jakinarazi beharko die, bost eguneko epean, aurkeztu eta hurrengo egunetik zenbatzen hasita. Jakinarazpenaren edukia bat etorriko da Ogasun eta Finantza Saileko titularraren foru agindu bidez onartzen den ereduarekin.

47 quater artikulua. Bizkaiko Foru Aldundiaren eskumena.

1. Jakinarazi behar duenak, bai bitartekariak, bai zergadun interesdunak, Bizkaiko Foru Aldundiari aurkeztu beharko dio aitorpena, baldin eta, Kontseiluaren 2011ko otsailaren 15eko 2011/16/EB Zuzentarauan (fiskalitatearen arloko administrazio-lankidetzari buruzkoa) eta Euskal Autonomia Erkidegoarekiko Ekonomia Itunaren 46 Bi artikuluan (maiatzaren 23ko 12/2002 Legearen bidez onartua) kasu bakoitzerako ezarritako lotura-irizpideak aplikatzearen ondorioz, Bizkaiko Foru Aldundia eskuduna bada lurralde zioengatik.
2. Bereziki, Bizkaiko Foru Aldundiari aurkeztu beharko dio aitorpena, azken hori dagokionean informazioa emateko betebeharra betetzen dutenen behartutakoen enpresa- edo lanbide-jarduerak egiaztatu eta ikertzeko eskumena, hurrengo kasuetan:
 - a) Informazioa ematera behartutako pertsona edo entitatea bitartekaria bada, Bizkaiko Foru Aldundiari aurkeztu beharko dio aitorpena, aurreko paragrafoan xedatutakoaz gain, ondoren zehazten diren konexio irizpideetako bat hurrenkera honetan betetzen denean:

- 1) Bitartekaria egoiliar fiskal izatea lurralde espainiarrean.
- 2) Bitartekariak lurralde espainiarrean kokatutako establezimendu iraunkor batetik egitea mekanismo horri dagozkion bitartekaritza zerbitzuak.
- 3) Pertsona edo entitate bitartekaria lurralde espainiarrean eratua izatea edo Espainiako legeriaren arabera jardutea.
- 4) Pertsona edo entitate bitartekaria zerbitzu juridiko, fiskal edo aholkularitzakoekin erlazionatuta dagoen Espainiako elkargo edo elkarte profesional batean erregistratuta egotea.

Kontseiluaren 2011/16/EB Zuzentarauaren 8 bis ter artikuluko 3. Apartatuan adierazitako konexio irizpideetako bat beste Estatu kide batean betetzen bada eta horrek informatzeko obligazio anizkoitza badakar, pertsona edo entitate bitartekariak ez du izango zertan aurkeztu aitorpena Bizkaiko Foru Aldundian hura beste Estatu kidean aurkeztu dela modu fede-emailean frogatzen duenean.

- b) Informazioa ematera behartutakoa zergapeko interesduna bada, Bizkaiko Foru Aldundiari aurkeztu beharko dio aitorpena, atal honetako lehenengo paragrafoan xedatutakoaz gain, ondoren zehazten diren konexio irizpideetako bat hurrenkera honetan betetzen denean:

- 1) Zergapeko interesduna egoiliar fiskal izatea lurralde espainiarrean.
- 2) Zergapeko interesdunak establezimendu iraunkor bat edukitzea lurralde espainiarrean, eta establezimendu hori izatea mekanismoaren onuraduna.
- 3) Zergapeko interesdunak lurralde espainiarrean jasotzea errentak edo sortzea irabaziak, eta mekanismoa errenta edo irabazi horiekin erlazionatuta egotea.
- 4) Zergapeko interesdunak jarduera bat egitea lurralde espainiarrean, eta mekanismoa jarduera horren barruan sartuta egotea.

Kontseiluaren 2011/16/EB Zuzentarauaren 8 bis ter artikuluko 7. Apartatuan adierazitako konexio irizpideetako bat beste Estatu kide batean betetzen bada eta horrek informatzeko obligazio anizkoitza badakar, zergapeko interesdunak ez du izango zertan aurkeztu aitorpena Bizkaiko Foru Aldundian hura beste Estatu kidean aurkeztu dela modu fedeemailean frogatzen duenean.

47 quinquies artikulua. Zerga plangintzako zenbait mekanismoren aitorpenaren edukia edo hura sortzea.

1. Plangintzako mugaz gaindiko zenbait mekanismo aitortzeko betebeharrean, hala badagokio, datu hauek jaso beharko dira:
 - a) Pertsona edo entitate bitartekariak, lanbide-sekretua gorde beharra dela eta salbuetsita daudenak ez besteak, eta zergapeko interesdunak identifikatzea: izena, jaioteguna eta jaiotekua (pertsona fisikoa bada), zerga-egoitza, helbidea eta identifikazio fiskaleko zenbakia, eta, behar denean, zergapeko interesdunarekin lotuta dauden enpresak diren pertsonak eta entitateak.

Horretarako, "enpresa elkartuak" dira Kontseiluaren 2011/16/EB Zuzentarauaren 3. artikulua (23) puntuan ezartzen den definizioarekin bat datozenak.

- b) Kontseiluaren 2011/16/EB Zuzentarauaren IV. eranskinean jasotzen diren ezaugarri lotesleei (mekanismoa aitortzeko betebeharra ezartzen dutenei) buruzko informazio xehatua, Erregelamendu honen 47 sexies artikuluan garatutako baldintzen arabera. Baita, hala badagokio, lehen aldiz aitorpena egin den zerga administrazioak mekanismoari esleitutako erreferentzia zenbakia ere.

- c) Informazioa eman behar den mugaz gaindiko mekanismoaren edukiaren laburpena. Zergetan eragina daukan mekanismoaren datuak aipatu behar dira, batez ere zerga administrazioari zerga-arriskua ebaluatzen lagunduko dion edozein informazio.

Behar denean, normalean ezaguna den izenaren erreferentzia eta jarduera ekonomikoen edo dagozkien mekanismoen deskribapen abstraktua jasoko beharko dira.

Ez dira inola ere jakinarazi beharko ondarezkoak ez diren datu pribatuak, horiek jakinarazteak langile eta senideen ohorearen eta bizitza pribatuaren aurka egitea ekartzen badu; ez eta datu konfidentzialak ere, merkataritza, industria edo lanbide sekretu baten, edo merkataritza prozedura baten berri ematea, edo interes publikoaren aurkako informazioa adieraztea ekartzen badu.

- d) Informazioa jakinarazi behar duen mugaz gaindiko mekanismoa gauzatzeko lehen fasea egin den edo egingo den data, eta, artikuluko honen 4. atalean ezarritakoaren arabera, informazioa jakinarazteko beharra sortzen den data.
- e) Informazioa jakinarazi behar duen mugaz gaindiko mekanismoaren oinarria osatzen duten nazioko eta atzerriko xedapenen informazio xehatua.
- f) Informazioa jakinarazi behar duen mugaz gaindiko mekanismoaren ondoriozko zerga eraginaren balioa.

Espainiako lurraldean zerga eraginaren balioztat hartuko da, zerga zor gisa, aitortutako mekanismoan sortutako emaitza, eta hala badagokio, Erregelamendu honen 47. sexies artikuluan ezarritakoaren arabera, zehaztutako zerga aurrezkia barne hartu beharko du.

- g) Parte hartzen duten zergadun interesdunen eta aitortzen den mekanismoan esku hartzen duten pertsona edo erakunde bitartekarien bizileku Estatua zehaztea, eta informazioa jakinarazi behar duen mugaz gaindiko mekanismoak eragin ditzakeen beste edozein Estatu kide.
 - h) Informazioa jakinarazi behar duen mugaz gaindiko mekanismo horrek eragin dezakeen Estatu kide bateko edozein pertsona zehaztea, pertsona hori zer Estatu kideri lotuta dagoen adieraziz.
2. Bizkaiko Zergei buruzko martxoaren 10eko 2/2005 Foru Lege Orokorrak bere hogeita hirugarren xedapen gehigarriko laugarren atalean ezarritakoaren ondorioetarako, datu multzoak dira aurreko 1. ataleko letra bakoitzean aipatzen diren informazioak, aitortu behar den mekanismo bakoitzarekin lotuta daudenak.
3. Informazioa emateko betebeharra honako baldintza hauetan sortuko da:

- a) Kontseiluaren 2011/116/EB Zuzentarauko IV. eranskinaren II. zatian, A letrako 3. atalean, aipatzen den mekanismo normalizatuaren nortasun ezaugarriaren kasuan, informazioa komunikatu behar duen mugaz gaindiko mekanismo bat exekutatzeko eskuragarri jartzen den egunaren biharamunean.

Eskura jarri dela hartuko da, pertsona edo erakunde bitartekariak eta zergadun interesdunak, Kontseiluaren 2011/116/EB zuzentaruaren 3. artikuluko 21). atalean ezarritakoaren arabera, lehenengoa pertsona edo erakunde bitartekaritzat hartzea ezarri duen zerbitzu ematea behin betiko onartzen duenean.

Aurreko paragrafoan aipatzen den eskura jartzea frogatzeko, zuzenbidean onartzen den edozein baliabide onar daiteke, Bizkaiko Zergei buruzko martxoaren 10eko 2/2005 Foru Arau Orokorrak bere 103. artikuluan ezarritakoaren arabera. Zehazki, honako agiri hauek: eskari eta onarpen orriak, txostenak eta fakturak.

- b) Normalizatuak diren baina gauzatzeko aldaketa handiak behar dituzten agiriak edo egitura dituzten mekanismoen kasuan, informazioa jakinarazi behar duen mugaz gaindiko mekanismoa gauza daitekeen egunaren hurrengoa.

Mekanismoa gauza daitekeela ulertuko da, zenbaki honetako aurreko paragrafoan aipatzen den aldaketa handia behin eginda, zergadun interesdunaren esku jartzen denean, betiere atal honetako a) letrako bigarren paragrafoan ezarritakoaren arabera.

- c) Letra honen aurreko zenbakietan aipatzen diren kasuetan ez dauden mekanismoei dagokienez, informazioa jakinarazi behar duen mugaz gaindiko mekanismoa gauzatzeko lehen fasea egindakoa.

Mekanismo bat gauzatzeko lehen fasea burututzat hartuko da praktikan jartzen denean, eragin juridiko edo ekonomikoren bat sortuz.

4. Aurreko 3. paragrafoan xedatutakoa gorabehera, erregelamendu honen 47 bis.1.b) artikuluan aipatzen diren bitartekarien kasuan, betebeharra sortuko da zuzenean edo beste pertsona batzuen bidez laguntza, sorospena edo aholkularitza eman zuten egunaren biharamunean.
5. Aitorpena aurkeztera behartuta dagoen pertsona edo erakundea erregelamendu honen 47 bis 2. a) artikuluan aipatzen den egoera gertatzen delako bada, betebeharra sortu dela ulertuko da komunikazioa manu horretan aipatzen den epean jasotzen duenean.
6. Dagokion aitorpen eredia onartzen duen Foru Aginduak ezarriko du aurkezteko epea, eta artikulua honen lehen atalean aipatzen den informazioa eta beste edozein datu garrantzitsu jasoko ditu.

47 sexies artikulua. Ezaugarriak.

1. Foru Dekretu honen 47.1. artikuluan aipatzen diren ezaugarriak Kontseiluaren 2011/16/EB Zuzentarauaren IV. eranskinak arautuko ditu, arau bidez ezarritako espezialitateak jasota.
2. Onura nagusiaren irizpide hori betetzat hartuko da pertsona batek mekanismotik zentzuz itxaron ditzakeen eragin nagusia edo eragin nagusietako batzuk, zerga aurrezkia lortzea denean, faktore eta inguruabar guztiak kontuan hartuz.

Ondorio hauetarako, zerga aurrezkia izango da, aitortu behar den mugaz gaindiko mekanismoa egingo balitz, egokituko litzaiokeen zerga oinarriaren edo kuotaren edozein minorazio, zerga zorrari dagokionez, haren sortzapenean gertatzen den aldea barne hartuz, edo mekanismo hori eginez, zerga egitatea osorik edo partzialki egitea saihesten denean. Halaber, zerga aurrezkitzat hartuko da etorkizunean konpentsatu edo ken daitekeen beste edozein kreditu fiskal, oinarri, kuota edo kenkariak sortzea.

Mekanismoan, 2011/16/EB Zuzentzarako 3. artikularen 23) atalean aipatzen diren enpresa bazkidetzat hartzen diren pertsonak edo erakundeek parte hartzen badute, atal honen ondorioetarako, zerga aurrezkia dagoela esango da aurreko paragrafoan aipatzen diren erakunde bazkideen eraginak kontuan hartuz, zerga jurisdikzioa edozein izanagatik ere.

Onura nagusiaren irizpidea A kategoriako ezaugarri orokorretan, B kategoriako eta C kategoriako, 1. ataleko, b) letrako, i) ataleko berariazko ezaugarrietan, eta Kontseiluaren 2011/16/EB Zuzentzarako IV. eranskinaren c) eta d) letretan bete beharko da.

3. Onura nagusiaren irizpideari lotutako ezaugarri orokorrei dagokienez, honako hau ezartzen da:
- a) Kontseiluaren 2011/16/EB Zuzentzarako IV. eranskinaren A kategoriako 2. atalean aipatzen den ezaugarriari dagokionez, mekanismoaren zerga aurrezkiarekin loturako

ordainsariak jasotzeari buruzkoa, betetzen dela ulertuko da, ordainsarien eta zerga aurrezkiaren arteko lotura osoa edo partziala dela kontuan hartu gabe.

- b) Kontseiluaren 2011/16/EB zuzentarauko IV. eranskinaren A kategoriako 3. atalean aipatzen den ezaugarriari dagokionez, mekanismo normalizatutzat hartuko da Zuzentaru horren 3. artikuluko 24). atalean zehaztutako mekanismo komertzializagarria.
4. Mugaz gaindiko eragiketei lotutako ezaugarri espezifikoiei dagokionez, honako hau ezartzen da:

- a) Kontseiluaren 2011/16/EB zuzentarauko IV. eranskinaren C. kategoria lehen atalean aipatzen diren berariazko ezaugarrietan, enpresa bazkideen arteko mugaz gaindiko ordaintzen kengarritasunari buruzkoetan, «mugaz gaindiko ordaintzetan» mugaz gaindiko gastuak barne hartuko dira, ordaintza egin den edo ez kontuan hartu gabe.

Ordaintza bi enpresa bazkideren artean egiten dela hartuko da, ezaugarriaren baldintzen arabera, baldin eta araudiak ezarritako gainerako baldintzak betez, ordaintza pertsona edo erakunde baten edo batzuen bidez zeharka egiten bada.

Mugaz gaindiko ordaintzaren hartzailetzat hartuko da ordaintzen zeharkako pertsona edo erakunde hartzailea, zergei dagokionez, pertsona edo erakunde hartzaileari egotzi bazaizkio, zerga araubide hauen arabera: zerga gardentasuna, errenta egozpena edo horien baliokideak.

- b) Kontseiluaren 2011/16/EB Zuzentaruaren IV. eranskineko C kategoriaren barruan, 1. atalean, b) letran, i) tartean, pertsona edo erakunde hartzaileak sozietateen gaineko zergarik ez aplikatzeari edo zero edo ia zero tasako sozietateen gaineko zerga aplikatzeari buruzkoan, arau hauen arabera ezarriko da ezaugarria:

- 1) Sozietateen gaineko zergatzat hartuko da Bizkaiko Lurralde Historikoan eskatzen den sozietateen gaineko zergaren berdina edo antzekoa den edozein zerga.
- 2) Zero tasa edo ia zerokoa aplikatzen dela hartuko da hartzailea bizi den herrialdeak edo lurraldeak % 1 baino txikiagoa den zerga maila ezartzen duenean.

- c) Kontseiluaren 2011/16/EB zuzentaruaren IV. eranskinaren C kategorian, 1. atalean, b) letran, ii) tartean jasotzen den ezaugarriaren ondorioetarako (hau da, ELGAren arauen arabera, hartzailea lankidetzan aritzen ez den jurisdikzio batean bizitzeari dagokionez), «hirugarren herrialdeetako jurisdikzio ez laguntzailetzat» hartuko dira Bizkaiko Zergei buruzko martxoaren 10eko 2/20005 Foru Arauaren hogeita laugarren xedapen gehigarriak «jurisdikzio ez laguntzaile» gisa aipatzen dituen herrialde, lurralde eta araubideak.

- d) Kontseiluaren 2011/16/EB zuzentarauko IV. eranskinaren C kategoriako 1. ataleko, d) letrako ezaugarriari dagokionez, ez da lehentasunezko zerga araubidetzat hartuko Europar Batasunak zuzenbidearen arabera onartu duena.

- e) Kontseiluaren 2011/16/EB zuzentaruaren, eragindako jurisdikzioen artean balioaren alde handia duten aktiboen transferentzia barne hartzen duten mekanismoei buruzkoaren, IV. eranskinaren C kategoriako 4. atalaren berariazko ezaugarria, arau hauen arabera ezarriko da:

- 1) Ez dira barne hartuko balioen aldearen ondorioz gertatu diren alde esanguratsuak, kontabilitate ondorioetarako bakarrik, eta ez zerga ondorioetarako.
- 2) Alde handitzat hartuko da bi jurisdikzioen zerga balioen artean % 25 baino handiagoko aldea.

5. Informazioaren truke automatikoari eta benetako titulartasunari buruzko ezaugarri espezifikoak dagokienez, honako hau ezartzen da:

- a) Kontseiluaren 2011/16/EB zuzentarauko IV. eranskinaren D kategoriko ezaugarrien araubide juridikoa, nahitaezko informazio betebeharreko arauen arabera hartuko da, informazioa jakinarazteko estandar erkidean jasotzen diren saiheste mekanismoak eta lurraldez kanpoko egitura opakuei, eta Ekonomiako Lankidetzak eta Garapenerako Erakundearen oharrari lotzeko.
- b) Kontseiluaren 2011/16/EB Zuzentarauko IV. eranskinaren D kategoriako 1. atalean aipatzen den ezaugarria betetzen dela hartuko da, finantza kontuei buruzko informazioa hornitzeko betebeharrari (Bizkaiko zergei buruzkoaren martxoaren 10eko 2/2005 Foru Arau Orokorraren hogeita hamaikagarren xedapen gehigarrian; urriaren 11ko 151/2016 Foru Dekretuan, zenbait finantza konturen titulartasuna edo kontrola duten pertsonen zerga bizilekua identifikatzeko, eta elkarrekiko laguntzaren esparruan, haiei buruzko informazioa emateko betebeharra ezartzen duenean, edo Europar Batasuneko Estatu kideen artean edo hirugarren herrialdeekin «finantza kontuei» buruzko informazio trukaketa automatikoari buruzko beste edozein erabaki baliokidean) kaltetzen dion mekanismo batean, edo legedi edo erabaki horiek ez egiteaz baliatzen den beste batean. Mekanismo horiek, Kontseiluaren 2011/16/EB zuzentarauko IV. eranskinaren D. kategoriako 1. atal horretan aipatzen den ezaugarrietatik bat gutxienez izan beharko dute.

Kontseiluaren 2011/16/EB zuzentarauko IV. eranskinaren D kategoriako 1. atalaren e) letran jasotzen den ezaugarria, «finantza kontuei» buruzko informazioaren trukaketa automatikoaren arabera, kontrola duten kontuen titular edo pertsona bati edo batzuei buruzko informazio falta kentzen duten edo kendu nahi duten erakundeak, tresnak edo egitura juridikoak erabiltzeko buruzkoa dela hartuko da.

- c) Kontseiluaren 2011/16/EB zuzentarauko IV. eranskinaren D kategoriako 2. atalean aipatzen den ezaugarria betetzen dela hartuko da, titulartasun formal edo erreal ez gardeneko kate bat ekartzen duen mekanismo batean, betiere aipatutako ataleko a), b) eta c) letretan hurrenez hurren jasotzen diren baldintza guztiak betetzen badira.
6. Transferentzia prezioei buruzko ezaugarri espezifikoak dagokienez, eta Kontseiluaren 2011/16/EB Zuzentzarauaren IV. eranskineko E kategoriako 3. paragrafoan aipatzen den ezaugarriari dagokionez (ustiapenaren emaitza gutxitzea dakarten talde bereko pertsonen arteko funtzio, arrisku edo aktibo transferentziak dakartzan mekanismoari buruzkoa), talde bereko pertsonatzat hartuko dira Kontseiluaren 2011/16/EB zuzentarauko 3. artikuluan 11). atalean jasotzen diren pertsonak, aipatutako artikuluan 23). Atalean ezarritakoaren arabera, enpresa bazkidetzat hartzen badira.

Oro bat ulertuko da ez dela gertatzen Kontseiluaren 2011/16/EB Direktibaren IV. eranskineko E kategoriako 2. apartatuko zantzu bereizgarria –balioztatzen zailak diren aktibo inmaterialen eskualdaketa dakarren mekanismo bati buruzkoa–, baldin eta mekanismoaren balioak Sozietateen gaineko Zergari buruzko abenduaren 5eko 11/2013 Foru Arauaren 45. artikuluan 3. apartatuan ezarritako balioztatze-akordioetako baten bidez zehaztu badira eta akordio hori inmaterialen edo haien ondoriozko errenten balioztatpenari edo kalifikazioari buruzkoa bada.

47. septies artikulua. Mugaz gaindiko mekanismo komertzializagarrien eguneratzeari buruzko informazio betebeharra.

1. Pertsona edo erakunde bitartekariak, kontseiluaren 2011/16/EB zuzentzarauaren 3. artikuluan 24) atalean aipatzen diren mugaz gaindiko mekanismo komertzializagarrien datuen eguneratzeari buruzko hiru hilez behingo aitorpena aurkeztu beharko dute, betiere aldez aurretik mugaz gaindiko mekanismo gisa aitortu badira.

Artikulu honetan aipatzen den aitorpena aurkezteak Erregelamendu honen 47. artikuluan aipatzen den aitorpena aurkezteko betebeharra salbuetsiko du, jatorriz aitortutako

mekanismoaren ondoren eskura jarritako mugaz gaindiko mekanismo komertzializagarri bakoitzeko.

2. Aitorpenean datu hauek jaso beharko dira:

- a) Lehen aitorpenean mekanismoari esleitutako erreferentzia zenbakiaren bidez jatorriz aitortutako mugaz gaindiko mekanismoaren identifikazioa.
- b) Pertsona edo erakunde bitartekarien eta zergadun interesdunen identifikazioa, Erregelamendu honen 47 quinquies 1.a) artikuluan ezarritakoaren arabera.
- c) Jakinarazi behar den mugaz gaindiko mekanismoa gauzatzeko lehen fasea egin den edo egingo den data, eta mekanismo komertzializagarria eskura jarri den data.
- d) Parte hartzen duten zergadun interesdunen eta aitortzen den mekanismoan esku hartzen duten pertsona edo erakunde bitartekarien bizileku Estatu zehaztea, eta informazioa jakinarazi behar duen mugaz gaindiko mekanismoak eragin ditzakeen beste edozein Estatu kide.
- e) Informazioa jakinarazi behar duen mugaz gaindiko mekanismo horrek eragin dezakeen Estatu kide bateko edozein pertsona zehaztea, pertsona hori zer Estatu kideri lotuta dagoen adieraziz.

3. Bizkaiko Zergei buruzko martxoaren 10eko 2/2005 Foru Lege Orokorrak bere hogeita hirugarren xedapen gehigarriko laugarren atalean ezarritakoaren ondorioetarako, datu multzoak dira aurreko 2. ataleko letra bakoitzean aipatzen diren informazioak, betiere aitortu beharreko mekanismoarekin lotutako egunerapen bakoitzari dagokionez.

4. Dagokion aitorten eredia onartzen duen Foru Aginduak ezarriko du aurkezteko epea, eta aurreko atalean aipatzen den informazioa eta informazio hori zehazteko beste edozein datu garrantzitsu jasoko ditu.

47 octies artikulua. Plangintzako mugez gaindiko mekanismoen erabileraren informazio betebeharrak.

1. Zergadun interesdunak, aldeztu aurretik aitortu behar izan dituen mugaz gaindiko mekanismoen erabilerari buruzko urteko aitortpena aurkeztu beharko dio Bizkaiko Foru Aldundiari, Kontseiluaren 2011ko otsailaren 15eko 2011/16/EB zuzentarauan, zerga arloko administrazio lankidetzari buruzkoan, eta maiatzaren 23ko 12/2002 Legearen Bi ataleko 46. artikuluan, Euskal Autonomia Erkidegoarekin egindako Ekonomia Ituna onartzen duenean, kasu bakoitzerako ezarritako loturako irizpideak aplikatuz, eta lurraldea kontuan hartuz, Bizkaiko Foru Aldundia eskumeneko erakundea bada.

2. Aitorpenean datu hauek jaso beharko dira:

- a) Pertsona edo erakunde bitartekarien eta zergadun interesdunen identifikazioa, Erregelamendu honen 47 quinquies 1.a) artikuluan ezarritakoaren arabera.
- b) Lehen aitorpenean mekanismoari esleitutako erreferentzia zenbakiaren bidez jatorriz aitortutako mugaz gaindiko mekanismoaren identifikazioa.
- c) Mugaz gaindiko mekanismoa erabili den data.
- d) Mekanismoa erabiltzean aldatu den edozein datu, jatorrizko aitorpenean jasotzen direnekin lotutakoa.
- e) Mekanisмотik eratorritako zerga eraginaren balioa, aitortpena aipatzen den urtean.

Espainiako lurraldean zerga eraginaren balioztat hartuko da, zerga zor gisa, aitortutako mekanismoan sortutako emaitza, eta hala badagokio, Erregelamendu honen 47 sexies

2. artikuluan ezarritakoaren arabera, zehaztutako zerga aurrezkia barne hartu beharko du.
3. Dagokion aitorten eredia onartzen duen Foru Aginduak ezarriko du aurkezteko epea, eta aurreko atalean aipatzen den informazioa eta informazio hori zehazteko beste edozein datu garrantzitsu jasoko ditu.
4. Bizkaiko Zergei buruzko martxoaren 10eko 2/2005 Foru Lege Orokorrak bere hogeita hirugarren xedapen gehigarriko laugarren atalean ezarritakoaren ondorioetarako, datu multzoak dira aurreko 2. ataleko letra bakoitzean aipatzen diren informazioak, aitortu behar den mekanismoaren erabilera bakoitzarekin lotuta daudenak.

47 nonies artikulua. Zerga plangintzako mugaz gaindiko mekanismoen aitortenetik lortutako informazioaren emaitzak.

Bizkaiko Foru Aldundiak, informazio gisa, aitortu diren zerga plangintzako mugaz gaindiko mekanismo garrantzitsuenak argitaratuko ditu bere egoitza elektronikoan, eta hala badagokio, araubideari eta kasu bakoitzean dagokion zerga sailkapen edo kalifikazioari buruzko informazioa.

47 decies artikulua. Informazioa jakinarazteko estandar erkidea saihesteko mekanismoei eta lurraldez kanpoko egitura opakuei buruzko informazioa modu automatikoan trukatzeko agintaritza eskudunen arteko alde anitzeko akordioaren esparruan zergagintzako mekanismo batzuen berri eman beharra.

1. Araudi honen 47 bis artikuluan xedatzen denaren arabera betebeharraren ondorioetarako bitartekariak diren pertsonak eta entitateak edo, bestela, araudi honen 47 ter artikuluan aipatzen diren zergapeko interesdunek artikulua honen 3. apartatuan aipatzen diren mugaz gaindiko mekanismoen berri eman beharko diote zerga administrazioari, hain zuzen ere esku hartzen edo parte hartzen dutenen berri, hurrenez hurren, araudi honen 47 sexies.5 artikuluan ezartzen diren berariazko ezaugarrietako bat gertatzen denean.
2. Artikulu honetan aipatzen diren zergagintzako mekanismoen berri eman behar diren araubidea araudi honen 47 - 47 sexies artikuluetan ezartzen da, eta honako hauen arabera interpretatu behar da: informazioa jakinarazteko estandar erkidea saihesteko mekanismoei eta lurraldez kanpoko egitura opakuei heltzeko informazioa nahitaez jakinarazteko arauak eta Ekonomia Lankidetzaren eta Garapenerako Antolakundeak horiei buruz egindako iruzkina, artikulu honetan biltzen diren berezitasunekin.
3. Aitortu beharreko mugaz gaindiko mekanismoak.
 - a) Zerga administrazioari aitortu behar zaizkio mugaz gaindiko mekanismoak, baldin eta aurrean aipatutako arauetan aipatzen diren finantza-kontuetako informazioa jakinarazteko estandar erkidea saihesteko mekanismoen eta lurraldez kanpoko egitura opakuen berariazko ezaugarrietako bat gertatzen bada, araudian ezartzen denari jarraikiz.
 - b) Informazioa eman behar honi dagokionez, mugaz gaindiko mekanismoak izango dira informazioa jakinarazteko estandar erkidea saihesteko mekanismoei eta lurraldez kanpoko egitura opakuei buruzko informazioa modu automatikoan trukatzeko agintaritza eskudunen arteko alde anitzeko akordioa aplikatu den jurisdikzio batean zerga-egoitza daukan zergapeko interesdun bati eragiten dioten mekanismoak, baldin eta eraginik badaukate finantza-kontuetako informazioaren truke automatikoan edo titulartasun errealearen identifikazioan.
4. Bitartekari gisa aitortena aurkeztu behar dutenak.
 - a) Aitortena aurkeztu behar dute artikulu honen 5.a) apartatuan aipatzen diren lotura-irizpideetako bat betetzen duten bitartekariak.

b) Honako kasuetan ez dute aurkeztu behar aitorpena bitartekari gisa:

1. Araudi honen 47 bis artikulua 2. apartatuan ezartzen diren inguruabarretako bat gertatzen denean.
2. Informazioa aurretik Espainiako zerga administrazioari jakinarazi zaionean lege ezartzen den bezala.
3. Bitartekariak mekanismoaren bitartekaritza-zerbitzuak aurrean aipatutako alde anitzeko akordioa aplikatu den beste jurisdikzio batean dagoen establezimendu iraunkor batetik egiten dituzenean, aurretik informazioa jurisdikzio horretako zerga administrazioari jakinarazi ondoren.
4. Bitartekariak artikulua honen 5.a).3 apartatuan aipatzen den lotura-irizpidea betetzen duenean, bizilekua edo zuzendaritza-egoitza aurrean aipatutako alde anitzeko akordioa aplikatu den beste jurisdikzio batean dagoela, aurretik informazioa jurisdikzio horretako zerga administrazioari jakinarazi ondoren.

5. Bizkaiko Foru Aldundiaren eskumena.

Informazioa eman behar duenak (bitartekaria zein zergapeko interesduna) Bizkaiko Foru Aldundiari aurkeztu beharko dio aitorpena jarraian azalduko diren lotura-irizpideak aplikatuz eta Euskal Autonomia Erkidegoko Ekonomia Itunaren 46 Bi artikuluan ezartzen denari jarraikiz (onespena: 12/2002 Legea, maiatzaren 23koa) Bizkaiko Foru Aldundiak badauka eskumena lurraldearen arabera.

a) Hain zuzen ere, artikulua honetan aipatzen den alde anitzeko akordioaren esparruan aitorpena aurkeztu behar duten bitartekariak Bizkaiko Foru Aldundiari aurkeztu behar diote aitorpena horrek daukanean informazioa eman behar duten pertsonen enpresa-jarduerak edo lanbide-jarduerak egiaztatzeko eta ikertzeko eskumena, honako lotura-irizpideetako bat gertatuz gero:

1. Bitartekariaren zerga-egoitza Espainiako lurraldean egotea.
2. Bitartekariak Espainiako lurraldean dagoen establezimendu iraunkor baten bidez ematea bitartekaritza-zerbitzua.
3. Bitartekaria Espainiako lurraldean eratuta egotea edo Espainiako legeria aplikatzea.
4. Bitartekariaren zuzendaritzaren egoitza Espainiako lurraldean egotea. Batez ere, bitartekaria zerbitzu juridikoekin, zerga-zerbitzuekin edo aholkularitza-zerbitzuekin lotutako elkargo batean erregistratuta dagoenean.

b) Zergapeko interesdunek Bizkaiko Foru Aldundiari aurkeztu behar diote aitorpena zerga-egoitza Espainian edukiz gero eta Euskal Autonomia Erkidegoko Ekonomia Itunaren 46 Bi artikuluari jarraikiz Bizkaiko Foru Aldundiak badauka eskumena lurraldearen arabera, baldin eta ez badago aipatutako alde anitzeko akordioa aplikatu den jurisdikzio batean aitorpena aurkeztu behar duen bitartekaririk.

6. Araudi honen 47 quinquies.1 artikuluan aipatzen den guztiaz gainera aitorpenaren mekanismoa aplikatzeko eskuaren ipini den jurisdikzio guztiak azaldu behar dira. Bizkaiko Lurralde Historikoko Zergen Foru Arau Orokorraren hogeita hamahirugarren xedapen gehigarriaren 4. apartatuan ezartzen denaren ondorioetarako, informazio hori aitortu beharreko mekanismo bakoitzari buruzko datuen multzoa da.

7. Berriazko ezaugarria

Artikulu honetan arautzen den informazioa eman beharrean araudi honen 47 sexies. 5 artikuluan aipatzen den berriazko ezaugarria baino ez da aplikatuko, artikulua honen 2.

apartatuan aipatzen diren eredu-arauen arabera interpretatuta. Berariazko ezaugarria gertatzeko, ez da ezinbestekoa izango manu horretan aipatzen diren inguruabarretako bat gertatzea.

8. 2. apartatuan aipatutako arauen 2.2 arauan xedatutakoaren arabera, erregelamendu honen 47 quinquies.3 artikuluan definitutako betebeharra sortu eta hogeita hamar egun naturaleko epean deklaratu beharko da plangintza fiskaleko mugaz gaindiko mekanismoen informazioa.

Aitorpen-eredua onesten duen foru-aginduak erregelamendu honen 47 quinquies.1 artikuluan aipatzen den informazioa jasoko du, bai eta beste edozein datu garrantzitsu ere.

3. ATALA.

FINANTZA KONTU, ERAGIKETA ETA AKTIBOEZ INFORMATU BEHARRA.

48. artikulua. Kreditu-erakundeetako kontuei buruzko informazioa eman beharra.

1. Kreditu-erakundeek eta gainerako erakundek indarrean dagoen arautegiaren arabera banku- edo kreditu-trafikoan jarduten badute, hileko aitorpen informatiboa aurkeztu behar dute Espainiako lurraldeko zein kanpoko establezimenduetan zabalik edo hirugarren baatzuen eskura jarrita dauzkaten kontu guztiei buruz.

Ordainketa-erakundeek eta diru elektronikoko erakundeek ere kudeatzen dituzten kontuei buruzko aitorpen informatiboa aurkeztu behar dute hileroko.

Espainiako lurraldetik kanpo dauden establezimenduetan irekitako kontuak direnean, ez da nahitaezkoa izango Espainiako lurraldean establezimendu iraunkorrik ez duten pertsona edo erakunde ez-egoiliarrei buruzko informazioa ematea.

Europar Batasuneko beste estatu kide batzuetako eta hirugarren herrialdeetako kreditu-erakundeek eta gainerako erakundeek Espainiako lurraldean dauzkaten sukurtsalek zabalik edo hirugarrenen baliagarri jarrita dauzkaten kontu guztiei buruzko aitorpen informatiboa aurkeztu behar dute hileroko.

Europar Batasuneko beste estatu kide batzuetako eta hirugarren herrialdeetako kreditu-erakundeek eta gainerako erakundeek, berariazko arautegiaren arabera Espainian jarduten badute zerbitzuak aske emateko araubidean, egoitza Espainian duten pertsonen eta erakundeen alde eta egoitza Espainian ez duten pertsonen eta erakundeek Espainiako lurraldean dauzkaten establezimendu iraunkorren alde zabalik dauzkaten kontu guztiei buruzko informazioa aurkeztu behar dute hileroko.

2. Zerga-administrazioari eman beharreko informazioan datu hauek agertu behar dira:

- a) Kontuen identifikazio osoa.
- b) Titularrak diren pertsonen edo erakundeen identifikazio-datuak (Kapital zuriketa eta terrorismoaren finantzaketa prebenitzeko apirilaren 28ko 10/2010 Legearen 4. artikuluan aipatzen diren egiazko titularrenak barne), bai eta ordezkarienak, baimenduenak, onuradunenak eta xedatzeko ahala duten gainerako pertsona guztienak ere. Identifikazio-datuak hauek dira: izen-abizenak edo sozietatearen izena, identifikazio fiskaleko zenbakia, egoitza dagoen herrialdea eta, pertsona fisikoen kasuan, jaioteguna. Identifikazio fiskaleko zenbakirik eduki ezean, jatorrizko herrialdean baliozkoa den pasaportearen edo nortasun-agiriaren zenbakia eta identifikazio-agiria egin duen herrialdea.
- c) Kontuetako abenduaren 31ko saldoak eta urteko azken hiruhilekoko batez besteko saldoa.
- d) Ekitaldiko karguen eta ordainketen guztirako zenbatekoak.

Gainera, kasuan kasuko eredia onartzen duen foru aginduak ezartzen duen informazioa zehazteko garrantzitsuak diren gainerako datu guztiak ere eman behar dira.

Nolanahi ere, aurrean ezarritakoa gorabehera, kontuetako abenduaren 31ko saldoei, urteko azken hiruhilekoko batez besteko saldoari eta ekitaldiko karguen eta ordainketen guztirako zenbatekoei buruzko informazioa urteko azken hileko aitorpenean baino ez da eman behar.

Denetariko kontuei (bankukoak zein bestelakoak), kontu korronteei, aurrezki-kontuei, eperako ezarpenei, kreditu-kontuei, ordainketa-kontuei eta bestelako kontu guztiei buruzko informazioa eman behar da, haien mota eta deitura gorabehera, nahiz eta ordainketarik, atxikipenik edo konturako diru-sarrerarik ez egon.

Aitortzen den hilean titular izan diren pertsona edo erakunde, baimendu eta onuradun guztien izen-abizenak edo sozietatearen izena edo deitura osoa eta identifikazio fiskaleko zenbakia adierazi behar dira.

48 bis artikulua. Elkarren laguntzaren eremuan finantzakontuei buruzko informazioa eman beharra.

1. Bizkaiko Lurralde Historikoko Zergei buruzko 2005eko martxoaren 10eko 2/2005 Foru Arauaren 1. artikuluko 2. zenbakiko bigarren paragrafoan eta 17. artikuluko 5. zenbakian xedatutakoarekin bat, finantza-erakundeek euren irekitako finantza-kontuei buruzko informazio-aitorpen bat aurkeztu beharko dute, baldin eta kasuan kasu aplikatu beharreko elkarren laguntzari buruzko arautegian zehaztutako inguruabarrak gertatzen badira.
2. Aurreko zenbakian aipaturiko kontuei dagokienez eta kontuan hartuta zer ezartzen duen elkarren laguntzari buruzko arautegiak, finantza-erakundeek identifikatu egin behar dute arautegi horrek ezarritakoaren arabera finantza-kontuen titulartasuna edo kontrola duten pertsonen egoitza edo (hala denean) nazionalitatea. Ogasun eta Finantzen foru diputatuaren foru agindu bidez xedatzen denarekin bat egingo da identifikazioa.
3. Eman beharreko informazioa elkarren laguntzari buruzko arautegian ezarritakoa izango da, eta, betiere, honako hau: kontuen identifikazio osoa eta aurreko zenbakian aipaturiko pertsonen izen-abizenak edo sozietate-izena edo izen osoa eta (hala denean) identifikazio fiskaleko zenbakia edo antzekoa.
4. Ogasun eta Finantzen foru diputatuak dagokion aitorpeneredua onartuko du.

49. artikulua. Maileguei eta kredituei eta eskudiru-mugimenduei buruzko informazioa eman beharra.

1. Indarreko arautegiarekin bat etorritik banku edo kreditu trafikoa diharduten kreditu-erakundeek eta gainerako erakundeek urteko aitopen informatibo hauek aurkeztu behar dituzte:
 - a) Emandako kreditu eta maileguetan, abenduaren 31n 6.000 eurotik gorako saldoa eduki dutenei buruzko aitopena; aitopenean kreditu eta mailegu bakoitzaren titularraren izen-abizenak edo sozietate-izena edo deitura osoa eta identifikazio fiskaleko zenbakia agertu behar dira.
 - b) Eskudirutan edo bankuko billeteetan egiten diren 3.000 eurotik gorako ezarpenei, funts-baliatzei eta kobrantzei buruzko aitopena, erabilitako bitarteko fisiko edo elektronikoa eta moneta (euroa zein besteren bat) edozein dela ere.

Aitopen informatibo honetan ez dira sartuko 52. artikuluan ezartzen denaren arabera zerga-administrazioari jakinarazi beharreko eragiketak.

Aitopenean eragiketa bakoitzaren zenbatekoa adierazi behar da eurotan, zer izan den zehaztu behar da (ezarpena, baliatzea edo kobrantza), data jarri behar da, nork egin duen argitu behar da eta kargua edo ordainketa egin den kontuaren zenbakia adierazi

behar da, bai eta eredua onesten duen foru-aginduan ezarritako informazioa zehazten lagundu dezaketen datu guztiak ere.

Apartatu honetan aipatzen diren Europar Batasuneko beste estatu kide batzuetako eta hirugarren herrialdeetako erakundeek Espainiako lurraldean dauzkaten sukurtsalek a) eta b) letretako aitorten informatiboak aurkeztu behar dituzte aurreko paragrafoetan ezartzen den bezala.

Banku edo kreditu trafikoa ari diren Europar Batasuneko beste estatu kide batzuetako eta hirugarren herrialdeetako erakundeek, berariazko arautegiaren arabera Espainian jarduten badute zerbitzuak aske emateko araubidean, a) eta b) letretan arautzen diren aitorten informatiboak aurkeztu behar dituzte kasu honetan: mailegu-hartzailearen edo eragiketa egiten duenaren egoitza Espainiako lurraldean badago edo, egoitza Espainian eduki ezean, Espainiako lurraldean dagoen establezimendu iraunkorren bat badaukate.

2. Diru elektronikoko erakundeek eta ordainketa-erakundeek ere aurreko apartatuaren b) lettran aipatzen den aitorten informatiboa aurkeztu behar dute, kudeatzen dituzten kontuetan egindako halako eragiketen berri emateko.

Gauza bera egin behar dute apartatu honetan aipatzen diren Europar Batasuneko beste estatu kide batzuetako eta hirugarren herrialdeetako erakundeek Espainiako lurraldean dauzkaten sukurtsalei buruz, bai eta berariazko arautegiaren arabera Espainian zerbitzuak aske emateko araubidean diharduten Europar Batasuneko beste estatu kide batzuetako erakundeek ere egoitza Espainian duten pertsonak eta erakundeek egindako eragiketei buruz eta, egoitza Espainian eduki ezean, Espainiako lurraldean establezimendu iraunkorren bat daukaten pertsonak eta erakundeek egindako eragiketei buruz.

49 bis artikulua. Edozein motatako kreditu-txartelen bidez edo sakelako telefono-zenbakiei lotutako ordainketen bidez egindako kobrantzei buruzko informazioa eman beharra.

1. Txartelen bidezko kobrantzak eta sakelako telefonoei lotutako ordainketak kudeatzeko sistemari atxikitako enpresaburuek eta profesionalak egindako eragiketei buruzko aitorten informatiboa hileko aurkeztu beharko dute hauek:

- a) Egoitza Espainian duten enpresaburuei eta profesionalak, indarreko arautegiarekin bat etorriz, honelako zerbitzuak ematen dizkieten banku-erakundeek eta kreditu-erakundeek eta bestelako erakundeek: txartelen bidezko kobrantzak kudeatzeko zerbitzua (eskudirua, zordunketa, zordunketa geroratua, kreditua eta diru elektronikoa, moneta guztietan) eta sakelako telefono baten zenbaki bati lotutako ordainketak egiteko zerbitzua euskarri fisikoarekin zein birtualarekin.
- b) Egoitza Espainian duten enpresaburuei eta profesionalak salmenta-terminalak instalatzen dizkieten eta kobrantza-eragiketak egiten dizkieten diru elektronikoko erakundeek, ordainketa-erakundeek eta bestelako erakundeek.

Halaber, aitorten informatibo hau aurkeztu behar dute Europar Batasuneko beste estatu kide batzuetako eta hirugarren herrialdeetako a) eta b) letretan adierazitako erakundeek Espainiako lurraldean dauzkaten sukurtsalek, bai eta Espainian zerbitzuak aske emateko araubidean ari diren eta letra horietan adierazita dauden erakundeek ere, egoitza Espainian duten enpresaburuei eta profesionalak egindako kobrantzak kudeatzeko zerbitzuei eta salmenta-terminalak instalatzeko zerbitzuei buruz.

2. Aitorpenean datu hauek agertu behar dira:
 - a) Txartelen bidezko kobrantzak eta sakelako telefono zenbakiei lotutako ordainketak kudeatzeko sistemari atxikitako enpresaburuen eta profesionalen identifikazio osoa.
 - b) Horiek sisteman aritzeko erabiltzen duten merkataritza-zenbakia.

- c) Salmenta-terminalak, Espainiako lurraldean egon zein ez egon.
- d) Hilean fakturatutako zenbatekoa, bereizketa honekin: alde batetik, txartelen bidez egindako kobrantzak eta, bestetik, sakelako telefono zenbakiei lotutako ordainketak.
- e) Kobrantzak edo ordainketak egiteko erabiltzen diren bankuko kontuen identifikazioa edo kobrantza horien destinoena.

Gainera, kasuan kasuko eredia onartzen duen foru aginduak ezartzen duen informazioa zehazteko garrantzitsuak diren gainerako datu guztiak ere eman behar dira.

49 ter artikulua. Denetariko txartelekin egindako eragiketei buruzko informazioa eman beharra.

1. Aitorpen informatiboa aurkeztu behar dute urtean zehar euskarri fisikoko edo birtualeko denetariko txartelen bidez, zeinek eskaintzen baitituzte eskudirua, zordunketa, zordunketa geroratua, kreditua eta diru elektronikoa, dibisa guztietan, egin dituzten eragiketei buruz, honako hauek:
 - a) Indarreko arautegiarekin bat etorritik banku edo kreditu trafikoan diharduten kreditu-erakundeek eta gainerako erakundeek.
 - b) Ordainketa-erakundeek, diru elektronikoko erakundeek eta, oro har, lehen aipatutako txartelak ematen dituzten erakundeek.

Aitorpen informatibo hau hauek ere aurkeztu behar dute: Europar Batasuneko beste estatu kide batzuetako eta hirugarren herrialdeetako erakundeek Espainiako lurraldean dauzkaten sukurtsalek, bai eta berariazko arautegiaren arabera Espainian zerbitzuak aske emateko araubidean diharduten erakunde horiek berek, egoitza Espainian duten pertsonak eta erakundeak eta egoitza Espainian ez eduki arren Espainiako lurraldean establezimendu iraunkorren bat daukaten establezimendu iraunkorrei txartela ematen dietenean.

2. Ez da eman behar informaziorik ekitaldiko karguen guztirako zenbatekoa eta ordainketen guztirako zenbatekoa 25.000 eurotik behera dauzkaten txartelei buruz.
3. Zerga-administrazioari eman beharreko informazioan honako datu hauek agertu behar dira:
 - a) Erakundeak txartela emateko formalizatutako kontratuaren zenbakia.
 - b) Kontratuaren titularren identifikazio-datuak: izen-abizenak edo sozietatearen izena, identifikazio fiskaleko zenbakia, egoitza dagoen herrialdea eta, pertsona fisikoen kasuan, jaioteguna. Identifikazio fiskaleko zenbakirik eduki ezean, jatorrizko herrialdean baliozkoa den pasaportearen edo nortasun-agiriaren zenbakia eta identifikazio-agiria egin duen herrialdea.
 - c) Kontratuari lotutako txartelaren zenbakia (PAN).
 - d) Txartel mota.
 - e) Txartelaren titularraren identifikazio-datuak (aurreko b) apartatuan zehazten direnak), bai eta hura erabiltzeko baimena duten pertsonenak ere (baimenduak, onuradunak...).
 - f) Urtean txartelarekin egindako ordainketen kopurua eta guztirako zenbatekoa, eta eskudirutan egindako erreka eta guztirako zenbatekoa.
 - g) Urtean txartelarekin egindako karguen kopurua eta guztirako zenbatekoa: urtean txartelarekin establezimenduetan egindako gastu-eragiketen kopurua eta beren guztirako zenbatekoa, eta urtean dirua ateratzeko egindako eragiketen kopurua eta guztirako zenbatekoa.

- h) Txartelarekin egiten diren eragiketak lotuta dauden kontuaren identifikazioa: banku-kontuaren nazioarteko zenbakia (IBAN) edo, izan ezean, bezeroaren kontu- kodea.

Gainera, kasuan kasuko eredia onartzen duen foru aginduak ezartzen duen informazioa zehazteko garrantzitsuak diren gainerako datu guztiak ere eman behar dira.

50. artikulua. Balore, aseguru eta errentei buruzko informazioa eman beharra.

1. Balore higigarriak gordailatuta dituzten erakundeek ondoren zehaztuko den informazioa eman behar diote Zerga Administrazioari, urteko aitorpena aurkeztuta:

- a) Abenduaren 31n merkatu antolatuetan negoziatutako erakunde juridikoen kapital sozialaren edo funts propioen akzio edo partaidetzen titular izan diren pertsona eta erakundeen izen-deiturak edo sozietate izenak edo izen osoak eta identifikazio fiskaleko zenbakiak. Gainera, titular bakoitzak duen akzioen eta partaidetzen kopurua eta motak zehaztu behar dira, eta haien balio nominala eta haien balioa ere bai; zeinak arau hauen arabera konputatuko baita:

- Merkatu antolatuetan negoziatutako erakundeen kapital sozialaren edo funts propioen akzioak eta partaidetzak, inbertsio kolektiboko erakundeenak izan ezik, Ondarearen gaineko Zergari dagokionez eman behar zaien balioaren arabera konputatuko dira.
- Merkatu antolatuetan kotizatzen duten erakunde juridikoek jaulki baina oraingoz kotizazio ofizialean onartuta ez dauden akzio berriak harpidetzen badira, akzio horien balioa honako hau izango da: akzio horiei Ondarearen gaineko Zergari dagokionez eman behar zaien balioa.
- Ordaintzeko dauden kapital-zabalkuntzei dagokienez, akzioen balioztatzea aurreko arauari jarraituz egingo da, erabat ordainduta baleude bezala, ordaintzeko dagoen zatia subjektu pasiboaren zor moduan sarturik.

- b) Abenduaren 31n merkatu antolatuetan kotizatzen duten kapital propioak hirugarrenei laga zaizkiela adierazten duten baloreen titular izan diren pertsona eta erakundeen izen-deiturak edo sozietate izenak edo izen osoak eta identifikazio fiskaleko zenbakiak. Gainera, titular bakoitzak duen baloreen kopurua eta motak zehaztu behar dira, eta haien balioa ere bai (aurreko letran ezarritakoaren arabera konputatuko da).

2. Inbertsio kolektiboko erakundeen sozietate kudeatzaileek, Europako arrisku-kapitaleko funtsen, Europako gizarte-ekintzailetzako funtsen edo Europako epe luzerako inbertsio-funtsen erakunde kudeatzaileek, Espainiako erakunde merkaturatzaileek eta zerbitzuak libre emateko araubidean diharduten erakunde kudeatzaileen ordezkariak honako datu hauek eman behar dizkiote Zerga Administrazioari, urteko aitorpena aurkeztuta: abenduaren 31n inbertsio kolektiboko erakundeen kapitaleko edo ondare-funtseko akzio edo partaidetzen edo Europako arrisku-kapitaleko funtsen, Europako gizarte-ekintzailetzako funtsen edo Europako epe luzerako inbertsio-funtsen titular izan diren pertsona eta erakundeen izen-deiturak edo sozietate izenak edo izen osoak eta identifikazio fiskaleko zenbakiak.

Horiez gainera, titular bakoitzak duen akzioen eta partaidetzen kopurua eta motak zehaztu behar dira eta, behar izanez gero, zein taldeetakoak diren ere bai; abenduaren 31n izan duten likidazio-balioa ere adierazi behar da. Espainiako inbertsio kolektiboko erakundeen akzioen edo partaidetzak mugaz gaindi merkaturatzen badira edo Europako arrisku-kapitaleko funtsak, Europako gizarte-ekintzailetzako funtsak edo Europako epe luzerako inbertsio-funtsak merkaturatzen badira, ez-egoiliar diren beste batzuen kontura akzio-partaidetzon titular ageri den atzerriko erakunde merkaturatzaileak eman behar du informazioa, Ez-egoiliarren Errentaren gaineko Zergari buruzko Erregelamendua onetsi zuen 2014ko apirilaren 15eko 48/2014 Foru Dekretuko xedapen gehigarri bakarrean ezarritakoarekin bat etorritik. Hala ere, sozietate kudeatzaileak edo inbertsio-sozietateak

erantzukizuna eduki dezake Zerga Administrazioarekin, xedapen gehigarri bakar horretan xedatutakoaren arabera.

Inbertsio kolektiboko erakundeen akzioak edo partaidetzak bigarren mailako merkatu batean edo baloreak negoziatzeko sistema antolatu batean negoziatzeko onartuta badaude, akzioak edo partaidetzak gordailatuta dituen erakundeari dagokio aurreko paragrafoan aipatutako informazio-betebeharra.

3. Aseguru-erakundeek —Espainian zerbitzuak libre emateko araubidean diharduten Europako esparru ekonomikoko beste estatu kide batean helbideratutako aseguru-erakundeek barne— eta finantza-erakundeek urteko aitorpena aurkeztu behar dute honako informazio honekin:
 - a) Abenduaren 31n bizitza-aseguru baten hartzaile izan diren guztien izen-deiturak eta identifikazio fiskaleko zenbakia; egun horretako erreskate-balioa ere adierazi behar da, edo, bestela, abenduaren 31n zein zen zuzkidura matematikoaren balioa, kontuan harturik zer ezartzen duen bere 19. artikuluaen Bat apartatuan Ondarearen gaineko Zergari buruzko 2013ko otsailaren 27ko 2/2013 Foru Arauak.
 - b) Kapital bat (dirua, ondasun higigarriak zein higiezinak) ematearen ondorioz abenduaren 31n aldi baterako zein biziarteko errenta baten onuradun izan diren guztien izen-deiturak eta identifikazio fiskaleko zenbakia; errenta horrek egun horretan duen kapitalizazio-balioa adierazi behar da, kontuan harturik zer ezartzen duen bere 19. artikuluaen Bi apartatuan Ondarearen gaineko Zergari buruzko 2013ko otsailaren 27ko 2/2013 Foru Arauak.

Bizi-aseguru baten ondoriozko aldi baterako edo biziarteko errentak jasoz gero, abenduaren 31n errentaren hartzaile zenaren izen-abizenak eta identifikazio fiskaleko zenbakia jakinaraziko dira, salbu eta aseguru-hartzailea ez bada errenta-hartzailea eta erreskate-eskubideari eusten badio; halakoetan, data horretan hartzaile zenaren izen-abizenak eta identifikazio fiskaleko zenbakia jakinaraziko dira.

Aurreko paragrafoan aurreikusitako kasuetan, abenduaren 31ko erreskate-balioa adieraziko da edo, hala badagokio, data horretako zuzkidura matematikoaren balioa, Ondarearen gaineko Zergari buruzko 2013ko otsailaren 27ko 2/2013 Foru Arauaren 19. artikuluan xedatutakoaren arabera.

50 bis artikulua. Moneta birtualetako saldoei buruz informatzeko betebeharra.

1. Espainian egoitza duten pertsonak eta entitateak eta atzerrian egoitza duten pertsonak edo erakundeak Espainian dituzten establezimendu iraunkorrek, baldin eta hirugarrenen izenean gako kriptografiko pribatuak gordetzeko, moneta birtualak mantentzeko, biltegitratzeko eta transferitzeko zerbitzuak ematen badituzte, eta zerbitzu hori nagusiki edo beste jarduera bati lotuta ematen badute, urtero aurkeztu beharko dute zaintzen dituzten moneta birtual guztiei buruzko aitorpen informatiboa, horretarako eredia onesten duen foru-aginduan ezartzen den moduan.
2. Honako informazio hau eman beharko zaio Zerga Administrazioari: urteko uneren batean moneta birtualak dagozkien pertsonen edo entitateen izen-abizenak edo izen soziala edo izen osoa, helbidea eta identifikazio fiskaleko zenbakia, izan haiek titular, baimendu nahiz onuradun, eta abenduaren 31ko saldoak.

Moneta birtual bakoitzaren saldoari dagokionez, informazio hau eman beharko da: moneta birtual mota, abenduaren 31n zein zen moneta birtualeko unitateen kopurua eta haien balorazioa eurotan.

Eurotan dagokien balorazioa egiteko, behartuta dauden subjektuek negoziazio-plataforma nagusiek edo prezioen jarraipena egiteko webguneak abenduaren 31n eskaintzen duten kotizazioa hartuko dute edo, bestela, moneta birtualak abenduaren 31n zuen merkatu-

balioaren estimazio arrazoizko bat emango dute, eurotan. Horretarako, adierazi behar da zer kotizazio edo balio erabili den estimazioa egiteko.

Orobat informatu beharko dute hirugarrenen kontura mantentzen duten moneta fiduziarioaren abenduaren 31ko saldoez, halakorik bada. Halakoetan, moneton titular, baimendun nahiz onuradunaren identifikazio-datuak emango dituzte, apartatu honen lehen paragrafoan adierazten den modu berean, bai eta monetak eurotan duten balorazioa ere, euroa ez bada.

3. Baldin eta abenduaren 31 baino lehen artikuluko 1. apartatuan aipatzen diren pertsona edo erakundeek artikuluko 2. apartatuan aipatzen diren pertsona edo erakundeei dagozkien moneta birtualak zaintzapean izateari utzi badiote, eman beharreko informazioa zaintza hori bukatu den egunari buruzkoa izango da.
4. Artikulu honen ondorioetarako, Kapitalak Zuritzea eta Terrorismoaren Finantzaketa Prebenitzeko 2010eko apirilaren 28ko 10/2010 Legearen 1. artikuluko 5. eta 6. apartatueta xedaturikoaren arabera ulertu behar dira moneta birtuala eta moneta fiduziarioa kontzeptuak.

50 ter artikulua. Moneta birtualekin egindako eragiketei buruz informatzeko betebeharra.

1. Espainiako egoiliar diren pertsona eta entitateek eta atzerriko egoiliar diren pertsona edo erakundeek Espainiako establezimendu iraunkorrek, baldin eta moneta birtualen eta diru fiduziarioaren arteko zein moneta birtualen arteko truke-zerbitzuak ematen badituzte, bitartekari gisa jarduten badute halako eragiketetan, edo hirugarrenen izenean gako kriptografiko pribatuak babesteko zerbitzuak ematen badituzte moneta birtualak mantentzeko, biltegitatzeko eta transferitzeko, beharturik egongo dira urtero informazio-aitorpen bat aurkeztera txanpon birtualak eskuratu, eskualdatu, trukatu eta transferitzeko eragiketei buruz –zeinahi delarik ere hitzartutako kontraprestazioa, halakorik bada–, eta berdin halako monetekin egindako kobrantzak eta ordainketak ere, baldin eta halakoetan esku hartzen edo bitartekotza egiten badute. Horretarako onesten den foru-aginduak ezartzen duen moduan bete beharko dute obligazio hori.

Honako jarduera hauek soilik egiten dituzten pertsonak edo erakundeak ez dira sartuko aurreko paragrafoan aipatzen direnen artean: moneta birtualei buruzko aholkularitza ematen dutenak, moneta birtualekin eragiketak egiteko interesa duten alderdiak harremanetan jartzea besterik egiten ez dutenak, edo moneta birtualen eta moneta fiduziarioaren arteko nahiz moneta birtual ezberdinen arteko truke-zerbitzuak ematen dituzten pertsona edo erakundeek moneta fiduziarioan kobratzeko eta ordaintzeko aginduen arreta zerbitzu hutsa ematen dutenak edo hirugarrenen nahiz haien bezeroen izenean gako kriptografiko pribatuak babesteko zerbitzuak ematen dituztenak.

2. Zerga Administrazioari eman beharreko informazioan, aurreko paragrafoan adierazitako eragiketak egiten dituzten subjektuen izen-abizenak edo izen soziala edo izen osoa, helbidea eta identifikazio fiskaleko zenbakia jasoko dira.

Eragiketa bakoitzari dagokionez, honako datu hauek jaso behar dira Zerga Administrazioari eman beharreko informazioan: eragiketa-mota; eragiketaren data; erositako, transmititutako, trukaturako edo transferitutako moneta birtualeko unitateen mota eta kopurua; eragiketaren balioa eurotan, eta, hala badagokio, eragiketari lotutako komisio eta gastuak, informazioa ematera behartuta dagoen subjektuak jasoko dituenak.

Kontraprestaziorik badago eta informazioa ematera behartuta dagoen subjektua bada hura ordaintzen edo jasotzen duena, bitartekari gisa jarduten badu hura jasotzen edo entregatzen edo horren berri badu, berdin informatu beharko du ea moneta fiduziariotan egiten den, beste moneta edo aktibo birtual batean, ondasun edo zerbitzutan edo aurrekoen konbinazio baten bitartez.

Eragiketak berekin dakarren kontraprestazioa ez bada osorik egiten moneta fiduziariotan eta, beraz, eragiketa eurotan baloratu behar denean, beharturiko subjektuek negoziazio-

plataforma nagusiek edo prezioen jarraipena egiteko webguneek eragiketa egin den egunean eskaintzen duten kotizazioa hartuko dute edo, bestela, moneta birtualak eragiketa egin den egunean duen merkatu-balioaren estimazio arrazoizko bat emango dute, eurotan. Horretarako, adierazi behar da zer kotizazio edo balio erabili den estimazioa egiteko.

3. Espainiako egoiliar diren pertsona eta entitateek eta atzerriko egoiliar diren pertsona edo erakundeek Espainiako establezimendu iraunkorrek moneta birtual berrien hasierako eskaintzak egiten badituzte, urteko aitorten informatibo hau aurkeztu beharko dute, aurreko apartatuan aurreikusitako informazioa bilduko duena beste moneta birtual batzuen edo moneta fiduziarioaren truke egiten dituzten txanpon birtual berrien entreegi dagokienez, horretarako eredia onesten duen foru-aginduan ezartzen den moduan.

Hala ere, moneta birtual berrien hasierako eskaintzak artikuluko honen 1. apartatuan aipatzen diren subjektuetariko baten bitartekaritzarekin egiten direnean, azken horrek egin beharko du urteko informazio-aitorpena, edozein delarik ere moneta birtual berrien hasierako eskaintza egiten duen pertsonaren edo erakundearen egoitza. Aitorpen horretan, eskaintza egin duenaren identifikazioa jaso behar da, bai eta aurreko apartatuan aurreikusitako informazioa ere, artikuluko honen 1. apartatuan aipatzen diren eta hasierako eskaintza horren esparruan egiten diren eragiketa guztiei dagokienez, hala badagokio, eta horretarako eredia onesten duen foru-aginduan ezartzen den moduan.

4. Artikulu honen ondorioetarako, Kapitalak Zuritzea eta Terrorismoaren Finantzaketa Prebenitzeko 2010eko apirilaren 28ko 10/2010 Legearen 1. artikuluko 5. eta 6. apartatueta xedaturikoaren arabera ulertu behar dira moneta birtuala eta moneta fiduziarioa kontzeptuak.

51. artikulua. Identifikazio fiskaleko zenbakia adierazi ez den kontuen edo bestelako eragiketen titularrei buruzko informazioa eman beharra.

1. 38.3. artikuluan ezarritakoarekin bat etorritik, kreditu erakundeek hiru hilean behin identifikazio fiskaleko zenbakia adierazi ez edo artikuluko hartan ezarritako epealdiaz kanpo adierazi duten titularren kontu eta eragiketen berri eman behar diote Zerga Administrazioari, are kontuak edo eragiketak ezeztatu badira ere.
2. Aitorpenean datu hauek adierazi behar dira, gutxienez:
 - a) Aitorpeneko pertsona edo erakunde bakoitzaren izen-deiturak edo sozietate izena edo izendazio osoa, helbidea eta, beharrezkoa izanez gero, identifikazio fiskaleko zenbakia.
 - b) Kontuaren edo eragiketaren izaera edo mota eta zenbakia, eta saldoa edo zenbatekoa.

52. artikulua.-Kreditu erakundeek txeeke igorpenaren berri eman beharra.

1. 38.4. artikuluan ezarritakoarekin bat etorritik, kreditu erakundeek urtero eskudiruaren, ondasunen, baloreen edo beste txeeke batzuen kontra emandako txeekei buruzko informazioa eman behar diote Zerga Administrazioari. Banku kontuen kontra emandakoak betebeharrak honetatik salbu daude.

Halaber, kreditu erakundeek eman eta kontuan gabe eskudirutan ordaindutako txeekei buruzko informazioa ere eman behar diote, bai eta beste pertsona batek emandako 3.000 eurotik gorako txeekei buruzko informazioa ere.

2. Horretarako, kreditu erakundeek ondoko datuak jasotzen dituen aitortza aurkeztu behar dute:
 - a) Txeeke bakoitzaren hartzailearen edo, bestela, dirua kobratu duten pertsonaren izen-deiturak edo erakundearen izen osoa eta identifikazio fiskaleko zenbakia.

- b) Txeke bakoitzaren serie zenbakia eta zenbatekoa; erakundeak emandako txekeak eta ordainduak bereiztu behar dira. Gainera, beste kreditu erakunde batzuek eta beste pertsona batzuek emandako 3.000 eurotik gorakoak ere bereiztu behar dira.

53. artikulua. Finantza aktiboekin egindako eragiketa jakin batzuei buruzko informazioa eman beharra.

1. Ondoren azalduko direnek finantza aktiboekin egindako eragiketa jakin batzuen urteko aitorpena aurkeztu behar diote Zerga Administrazioari, eta aurkeztu ere artikulua honetan ezarritakoari lotuta:

- a) Fede-emaile publikoek, talde inbertsioko erakundeen sozietate kudeatzaileek, Europako arrisku-kapitaleko funtsen, Europako gizarte-ekintzailetzako funtsen edo Europako epe luzerako inbertsio-funtsen erakunde kudeatzaileek, inbertsio-funtsetako partaidetzak merkaturatzen dituzten erakundeek, krediturako finantza-erakunde eta -establezimenduek, baloreen sozietate eta agentziek, gainerako finantza-bitartekariak eta pertsona fisiko eta juridiko guztiek, Pertsona Fisikoen gaineko Zergari, Sozietateen gaineko Zergari eta Ez-egoiliarren Errentaren gaineko Zergari buruzko foru-arauetan eta arlo honetako xedapenak ezarri dituzten gainerako arau guztietan ezarritakoarekin bat etorritik.
- b) Merkatu antolatuetan kotizatzen ez duten tituluak edo izendun baloreak jaulkitzen dituzten erakundeek jaulkitze eragiketei dagokienez, Baloreen Merkatuari buruzko uztailaren 28ko 24/1988 Legeko 109. artikuluan xedatutakoarekin bat etorritik, eta eperakoen eta aukeren merkatuetako sozietate artezkariak halako merkatuetan egindako eragiketei dagokienez, finantza bitartekariak Pertsona Fisikoen Errentaren gaineko Zergari, Sozietateen gaineko Zergari eta Ez-egoiliarren Errentaren gaineko Zergari buruzko arauetan ezarritakoarekin bat etorritik.
- c) Baloreen Erregistro, Konpentsazio eta Likidazio Sistemak kudeatzen dituen Sozietateak eta idaztoharren bidez agertarazten den Herri Zorra harpidetu, eskualdatu eta itzultzen lan egiten duten erakunde kudeatzaileek eragiketa horiei dagokienez, eta, behar denean, haien etekinei ere bai.

2. Artikulu honetan ezarritako informazio betebeharra betetzeko, eragiketa batean talde inbertsioko erakundeen sozietate kudeatzaile batek edo kapital aldakorreko inbertsioko sozietate batek (aurreko 1.a idatz-zatia) edo 1.b) idatz-zatian aipatutako erakundeetako batek hartu badu parte fedemaile edo finantza bitartekariarekin batera (1.a idatz-zatia), aitorpen informatiboa fedemaileak edo finantza bitartekariak aurkeztu behar du.

Atzerrian jaulkitako baloreen eta atzerrian eratutako tresna eratorrien kasuan, ondokoek aurkeztu behar dituzte aitorpenak: baloreak Espainian merkaturatu dituzten erakundeek eta zerbitzugintza askearen araubidean ari diren erakunde kudeatzaileen ordezkariak edo, bestela, baloreak Espainian gordailatu dituzten erakundeek.

Harpidetza-eskubideei dagozkien eragiketen kasuan, balore horien Espainiako entitate gordailuzainak egin beharko du aitorpena, edo, halakorik ez badago, eragiketan esku hartu duen finantza-bitartekariak edo fede-emaile publikoak.

3. Aurreko 1. idatz-zatian aipatutako informazio betebeharrak Espainiako lurraldetik kanpo egindako eragiketak eta kontratuak hartzen ditu, baldin eta Espainiako lurraldean egoitza edo establezimendu iraunkorra duen bitartekari batek, bere kabuz edo besteren kontura, parte hartu badu.
4. 1. idatz-zatian aipatutako zergapekoek eragiketetan parte hartu duten subjektuen identifikazio osoa jakinarazi behar diote Zerga Administrazioari, datu hauek zehaztuta: nola hartu duten parte, partaidetzaren ehunekoa, izen-deiturak edo sozietatearen izena edo izendazio osoa, egoitza eta identifikazio fiskaleko zenbakia, eta eragiketa bakoitzeko efektu publiko, balore, titulu eta aktiboen mota eta kopurua, eta eragiketaren zenbatekoa, data eta, beharrezkoa denean, etekina edo emaitza.

5. Artikulu honetan ezarritako informazio betebeharra atxikipenaren kargapeko eragiketei dagokienez betetzat joko da atxikipenen urteko laburpena aurkeztuz gero.
6. 4. idatz-zatian ezarritako informazioa eman beharra gorabehera, mailegatuko baloreak negoziatzen diren merkatuan ari diren erakundeek edo bertako konpentsazio eta likidazio sistemako kideek, baloreak mailegatzeko eragiketetan bitartekari lanak egiten dituzten edo haietan parte hartzen duten finantza erakundeek eta Baloreen Erregistro, Konpentsazio eta Likidazio Sistemak kudeatzen dituen Sozietateak edo, bestela, Baloreen Merkatuei buruzko uztailaren 28ko 24/1988 Legeko 31. artikuluko 4. idatz-zatian ezarritako baloreak negoziatzeko merkatu edo sistema antolatuetako erregistro, konpentsazio eta likidazio lanak egiten dituen erakundeak 2004ko Zerga Neurriei buruzko apirilaren 23ko 2/2004 Foru Arauko bigarren xedapen gehigarriko 3. idatz-zatian aipatutako informazioa eman behar diote Zerga Administrazioari.

53 bis artikulua. Atzerrian dauden finantza-erakundeetako kontuei buruzko informazioa eman beharra.

1. Bai Bizkaiko Lurralde Historikoan egoiliarrek diren pertsona fisikoek eta juridikoek, bai pertsona edo erakunde ez-egoiliarrek lurralde horretan dituzten establezimendu iraunkorrek, bai eta Bizkaiko Lurralde Historikoko Zergei buruzko 2005eko martxoaren 10eko 2/2005 Foru Arauko 34.3 artikuluan aipatzen diren erakundeek ere urteko aitorten informatiboa aurkeztu behar dute banku- edo kreditu- trafikoa diharduten erakundeetan irekita dauden atzerriko kontu guztiei buruz, baldin eta arestian aipatutako pertsona edo erakundeak badira kontuon titularrak, edo ordezkari, baimendu edo onuradun gisa agertzen badira kontuotan, edo kontuon gaineko xedatze-ahalmena badute, edo kontuon titular errealak badira hurrengo lerroaldean xedatzen denaren arabera. Informazio hori guztia urte bakoitzeko abenduaren 31ri buruzkoa izan behar da.

Betebeharrak bera izango dute aitortzen diren dagokion urteko edozein unetan kontuon titular, ordezkari, baimendu edo onuradun izan direnek, kontuon gaineko xedatze-ahalmena izan dutenek nahiz kontuon titular erreala izan direnek.

Horretarako, honako hauek joko dira titular errealtzat: Kapitalen zuriketa eta terrorismoaren finantzaketa prebenitzeko 2010eko apirilaren 28ko 10/2010 Legearen 4.2 artikuluan ezartzen denarekin bat titular errealtzat jotzen direnak, 2. zenbaki horretan aipatzen diren pertsona edo tresnen izenean dauden kontuei dagokienez, haien egoitza atzerrian badago edo atzerrian eratu badira.

2. Bizkaiko Foru Ogasunari datu hauek eman behar zaizkio:
 - a) Banku- edo kreditu-erakundearen sozietate-izena edo izen osoa eta haren helbidea.
 - b) Kontuen identifikazio osoa.
 - c) Kontuok zein egunetan ireki edo kitatu diren edo, bestela, baimena zein egunetan eman edo ezeztatu den.
 - d) Kontuen saldoak, abenduaren 31n, eta urteko azken hiru hilabete bakoitzeko saldoa.

Honako hauei buruzko informazioa eman behar da: kontu korranteak, aurrezki-kontuak, eperako ezarpenak, kreditu-kontuak eta diruzko beste edozein kontu edo gordailu, haien modalitatea edo izena edozein dela ere, nahiz eta ordainsaririk jaso ez.

3. Abenduaren 31ko saldoak eta urteko azken hiru hilabete bakoitzeko saldoari buruzko informazioa honako honek eman behar du: Egun horretan kontuaren titular, ordezkari, baimendu edo onuraduna denak, edo kontuon gaineko xedatze-ahalmena duenak edo titular errealtzat jotzen denak.

Gainerako titular, ordezkari, baimendu edo onuradun, xedatze- ahalmendun edo titular errealek, berriz, adierazi behar dute kontuok zer saldo zuten izaera hori galdu zuten egunean.

4. Artikulu honetan ezartzen den informazioa emateko beharra ez da aplikatuko honako kasu hauetan:
- a) Sozietateen gainerako Zergari buruzko abenduaren 5eko 11/2013 Foru Arauko 12. artikuluan aipatzen diren erakundeak titular dituzten guztiak.
 - b) Kontuon titularrak hauek badira: Bizkaiko Lurralde Historikoan egoiliarren diren pertsona juridikoak eta gainerako erakundeak nahiz ez-egoiliarren establezimendu iraunkorrak. Kontuok, dena dela, modu indibidualizatuan egon behar dute erregistratuta haien kontabilitatean eta identifikatuta, gainera, haien zenbakiaren, irekita dauden kreditu-erakundearen eta sukurtsalaren nahiz kokatuta dauden herrialde edo lurralderen arabera.
 - c) Kontuon titularrak hauek badira: Bizkaiko Lurralde Historikoko egoiliar diren pertsona fisikoak, jarduera ekonomiko bat egiten badute eta kontabilitatea Merkataritza Kodean ezarritakoaren arabera egiten badute. Kontuok, dena dela, modu indibidualizatuan egon behar dute erregistratuta haien kontabilitatean eta identifikatuta, gainera, haien zenbakiaren, irekita dauden kreditu-erakundearen eta sukurtsalaren nahiz kokatuta dauden herrialde edo lurralderen arabera.
 - d) Kontuon titularrak hauek badira: Bizkaiko Lurralde Historikoko egoiliar diren pertsona fisikoak, juridikoak eta gainerako erakundeak, baldin eta kontuok egoitza Espainian duten kreditu-erakundearen atzerriko establezimenduetan irekita badaude eta erakundeok kontuoi buruzko informazioa eman behar badute araudi honetako 48. artikuluekin bat, betiere kontuon kontuoi buruzko informazioa eman ahal izan bada kontua kokatuta dagoen herrialdeko araudiaren arabera.
 - e) Ez da egongo kontuei buruzko informazioa eman beharrik, baldin eta kontuon abenduaren 31ko saldoan (artikulu honetako 2.d) letran aipatzen dira) batera, ez bada 50.000 euro baino handiagoa eta gauza bera gertatzen bada artikuluko zenbaki berean aipatzen diren batez besteko saldoei dagokienez. Baterako muga bi horietako edozein gaindituz gero, kontu guztiei buruzko informazioa eman beharko da.
5. Ondo ondoko urteetan nahitaezkoa izango da aitorpena aurkeztea, baldin eta aurreko 4. zenbakiko e) letran aipatzen diren baterako saldoak 20.000 euro baino gehiago hazi badira aurreko aitorpena aurkeztu beharra eragin zuten saldoekin alderatuta.

Edozelan ere, aitorpena nahitaez aurkeztu behar da artikulu honetako 3. zenbakiko azken lerroaldean zehazten diren kasuetan, bertan aipatzen diren kontuei dagokienez.

Ogasun eta Finantzen foru diputatuak onartuko du bai zer aitorpen- eredu aurkeztu behar den, bai aitorpen hori non eta zer epetan aurkeztu behar den, bai eta, hala badagokio, behar hori zer kasu eta baldintzatan bete behar den edo ordenagailuan zuzenean irakur daitekeen euskarrien bidez edo bitarteko telematikoen bidez.

6. Datu-multzo desberdinak dira aurreko 2. paragrafoko a) eta b) letretan, hurrenez hurren, erakunde eta kontu bakoitzerako aipatzen diren informazioak.

Era berean, datutzat hartuko da aurreko 2. zenbakiko c) eta d) letretan aipaturiko data eta saldo bakoitza, bai eta aurreko 3. zenbakiko azken lerroaldean aipatzen den saldoa ere, kontu bakoitzerako.

53 ter artikulua. Atzerrian gordailatuta edo kudeatuta dauden edo atzerrian lortu diren balore, eskubide, aseguru eta errentei buruzko informazioa eman beharra.

1. Bai Bizkaiko Lurralde Historikoan egoiliarrek diren pertsona fisikoek eta juridikoek, bai pertsona edo erakunde ez-egoiliarrek lurralde horretan dituzten establezimendu iraunkorrek, bai eta Bizkaiko Lurralde Historikoko Zergei buruzko 2005eko martxoaren 10eko 2/2005 Foru Arauko 34.3 artikuluan aipatzen diren erakundeek ere ondasun eta eskubide jakin batzuei buruzko informazioa eman behar diote Bizkaiko Foru Ogasunari, urteko aitorten informatibo baten bidez, baldin eta ondasun-eskubideon titularrak badira edo Kapitalen zuriketa eta terrorismoaren finantzaketa prebenitzeko 2010eko apirilaren 28ko 10/2010 Legearen 4.2 artikuluan ezartzen denarekin bat ondasun-eskubideon titular errealtzat jotzen badira. Informazio hori guztia urte bakoitzeko abenduaren 31ri buruzkoa izango da, eta honako ondasun-eskubide hauen gainekoa:
 - a) Edozein motatako erakunde juridikoetako partaidetza ordezkatzan duten baloreak edo eskubideak.
 - b) Kapital propioak hirugarrenei lagatzea ordezkatzan duten baloreak.
 - c) Edozein tresna juridikori kudeaketa edo administraziorako emandako baloreak, fideikomiso eta trust edo ondare-masei emandakoak barne, baldin eta halakoek nortasun juridikorik izan ez arren trafiko ekonomikoan jardun badezakete.
2. Aitorten informatiboak honako datu hauek jasoko ditu:
 - a) Erakunde juridikoaren zein hirugarren lagatzailearen sozietate-izena edo izen osoa, edo tresna edo harreman juridikoaren identifikazioa, kasu bakoitzean dagokiona, bai eta haien helbidea ere.
 - b) Erakunde juridikoen kapitaleko edo funts propioetako partaidetza ordezkatzan duten baloreek edo eskubideek urte bakoitzeko abenduaren 31n duten saldoa.

Informazio horretan, informazioa eman behar duena titular den akzio eta partaidetzen zenbakia eta mota jaso behar da, bai eta haien balioa ere.
 - c) Kapital propioak hirugarrenei lagatzea ordezkatzan duten baloreek abenduaren 31n duten saldoa.

Informazio horretan, informazioa eman behar duena titular den baloreen zenbakia eta mota jaso behar da, bai eta haien balioa ere.
 - d) Kasuan kasuko tresna juridikoari emandako baloreek abenduaren 31n duten saldoa.

Informazio horretan, jaso behar da emandako baloreen zenbakia eta mota jaso behar da, bai eta haien balioa ere.

Aitortenari dagokion urteko edozein unetan aurreko b), c) eta d) letretan aipatzen diren balore eta eskubideen titular edo titular erreal izan diren eta urte horretako abenduaren 31n izaera hori galduta duten zergapekoek ere informazioa eman beharra izango dute. Halakoetan, titular edo titular erreal izateari utzi zioten egunari buruzko informazioa eman behar dute.
3. Aurreko 1. zenbakian zehazten diren zergapekoek atzerriko inbertsio kolektiboko erakundeek kapital sozialeko edo ondare-funtseko akzio eta partaidetzen gaineko informazioa eman behar diote Bizkaiko Foru Ogasunari, urteko aitorten bat aurkeztuz, halakoen titularrak badira edo halakoen titular errealtzat jo badaitezke Kapitalen zuriketa eta terrorismoaren finantzaketa prebenitzeko 2010eko apirilaren 28ko 10/2010 Legearen 4.2 artikuluan ezartzen denarekin bat.

Informazio horretan hauek jaso behar dira: batetik, inbertsio kolektiboko erakundearen sozietate-izena edo izen osoa eta haren helbidea; bestetik, akzio eta partaidetzen zenbakia eta mota —hala badagokio, zein konpartimentutakoak diren ere bai—, eta, azkenik, akzio-partaidetza horiek abenduaren 31n duten likidazibalioa.

Aitorpenari dagokion urteko edozein unetan akzio-partaidetza horien titular edo titular erreal titular edo titular erreal izan diren eta urte horretako abenduaren 31n izaera hori galduta duten zergapekoek ere informazioa eman beharra izango dute. Halakoetan, titular edo titular erreal izateari utzi zioten egunari buruzko informazioa eman behar dute.

4. Aurreko 1. zenbakian zehazten diren zergapekoek informazioa eman behar diote Bizkaiko Foru Ogasunari, urteko aitorpen baten bidez, honako hauei buruz:

- a) Zergapekoak abenduaren 31n hartzaile diren bizitza- edo baliaezintasun-aseguruak, aseguru-erakundea atzerrian badago; egun horretako erreskate-balioa ere adierazi behar da.

Hala ere, hartzaileak ez badu ahalmenik abenduaren 31n erabateko erreskate-eskubidea baliatzeko, data horretako zuzkidura matematikoaren balioa adieraziko da.

Aurreko paragrafoan xedatutakoa ez zaie aplikatuko aldi baterako aseguru-kontratuei, heriotzaren edo baliaezintasunaren edo bestelako arrisku-berme osagarrien kasuan soilik jasotzen badituzte prestazioak.

- b) Atzerrian dauden erakundeei kapitala, eduki ekonomikodun eskubideak edo ondasun higiezin zein higigarriak ematearen ondorioz zergapekoak abenduaren 31n onuradun diren aldi baterako edo biziarteko errentak; egun horretako kapitalizazio-balioa adierazi behar da. Aurreko a) eta b) letretako kasuetan, aseguru-erakundea identifikatu behar da: haren sozietate-izena edo izen osoa eta helbidea eman behar da.

Hala ere, errenta horiek bizi-aseguru batetik datozenean, aurreko a) leturan ezarritako balioa adieraziko da. Aseguru-hartzailea ez bada errentaren onuraduna eta erreskate-eskubideari eusten badio, hartzaile horrek emango dio informazio hori Zerga Administrazioari.

Aurreko a) eta b) letretako kasuetan, aseguru-erakundea identifikatu behar da: haren sozietate-izena edo izen osoa eta helbidea eman behar da.

5. Artikulu honetan ezartzen den informazioa emateko beharra ez da bete beharko honako kasu hauetan:

- a) Sozietateen gaineko Zergari buruzko abenduaren 5eko 11/2013 Foru Arauko 12. artikuluan aipatzen diren erakundeetarik baten bat denean zergapekoa.

- b) Zergapekoa Bizkaiko Lurralde Historikoko egoiliarra den pertsona juridiko edo erakunde bat bada edo ez-egoiliarren establezimendu iraunkor bat bada, eta haien kontabilitatean modu indibidualizatuan erregistratuta badaude artikulu honetan aipatzen diren balio, eskubide, aseguru eta errentak.

- c) Aurreko 2. zenbakiko b), c) eta d) letretako bakoitzean aipatzen diren balioen, 3. zenbakian aipatzen den likidazio-balioaren, 4. zenbakiko a) leturan aipatzen den erreskate-balioaren edo zuzkidura matematikoaren balioaren eta 4. zenbakiko b) leturan aipatzen den kapitalizazio-balioaren batura ez bada 50.000 euro baino handiagoa. Baterako muga hori gaingitzen bada, titulu, aktibo, balore, eskubide, aseguru edo errenta guztien berri eman beharko da.

6. Ondoz ondoko urteetan nahitaezkoa izango da aitorpena aurkeztea, baldin eta aurreko 5. zenbakiko c) leturan aipatzen diren balioen batura 20.000 euro baino gehiago hazi bada aurreko aitorpena aurkeztu beharra eragin zuten balioarekin alderatuta.

Edozelan ere, aitorpena nahitaez aurkeztu behar da artikuluko honetako 2. zenbakiko azken lerroaldean nahiz 3. zenbakiko azken lerroaldean zehazten diren kasuetan, haien gaineko titulartasuna abenduaren 31an iraungita zegoen balore, eskubide, akzio eta partaidetzei dagokienez.

Ogasun eta Finantzen foru diputatuak onartuko du bai zer aitorpen- eredu aurkeztu behar den, bai aitorpen hori non eta zer epetan aurkeztu behar den, bai eta, hala badagokio, behar hori zer kasu eta baldintzatan bete behar den edo ordenagailuan zuzenean irakur daitekeen euskarrien bidez edo bitarteko telematikoen bidez.

7. Artikulu honetako zenbakietan aipatzen diren balorazioak Ondarearen gaineko Zergari buruzko 2013ko otsailaren 27ko 2/2013 Foru Arauan ezarritako erregelen arabera kalkulatu eman behar dira, baina ondorio horietarako ez da aplikatzekoa foru arau horretako 18. artikuluko Bat zenbakiko bigarren lerroaldean ezartzen dena, baldin eta kontabilitateak ondarearen, finantza-egoeraren eta emaitzen benetako egoera islatzen badu.
8. Aurreko 2. apartatuko a) letran nahiz 3. eta 4. zenbakietan aipatzen diren erakunde juridikoak, hirugarren lagatzaileak, tresna edo harreman juridikoak, inbertsio kolektiboko erakundeak eta aseguru-erakundeak hartuko dira datu-multzotzat.

Era berean, datutzat hartuko da artikuluko honetako aurreko apartatuetakoa bakoitzean ondare-elementu indibidualizatu mota bakoitzerako eskatzen den informazioa, jarraian adierazten denarekin bat:

- a) 2. zenbakiko b) letran, akzio eta partaidetza mota bakoitzeko.
- b) 2. zenbakiko c) letran, balore mota bakoitzeko.
- c) 2. zenbakiko d) letran, balore mota bakoitzeko.
- d) 3. zenbakian, akzio eta partaidetza mota bakoitzeko.
- e) 4. zenbakiko a) letran, bizitza-aseguru bakoitzeko.
- f) 4. zenbakiko b) letran, aldi baterako edo biziarteko errenta bakoitzeko.

Datutzat joko da, halaber, 2. zenbakiko azken lerroaldean aipatzen diren saldoetako bakoitza, balore mota bakoitzeko, eta 3. zenbakiko azken lerroaldeko saldoetako bakoitza, akzio eta partaidetza mota bakoitzeko.

53 quater artikulua. Atzerrian dauden moneta birtualei buruzko informazioa eman beharra.

1. Bizkaiko Lurralde Historikoko egoiliar diren pertsona fisiko eta juridikoek, lurralde horretako egoiliar ez diren pertsonen edo entitateen establezimendu iraunkorrek eta Bizkaiko Lurralde Historikoko Zergei buruzko martxoaren 10eko 2/2005 Foru Arau Orokorren 34.3 artikuluan aipatzen diren entitateek urteko aitorpen informatibo bat aurkeztu beharko dute, honako informazio hau jasotzen duena urte bakoitzeko abenduaren 31ri dagokionez: atzerrian kokatutako zer moneta birtualen titular diren (moneta birtual guztiak); edo atzerrian kokaturiko zer moneta birtualen onuradun, baimendu edo beste moduren batean xedatzeko ahalordedun diren; edo apartatu honen azken paragrafoan adierazitakoaren arabera benetako titular direnak, betiere hirugarrenen izenean gako kriptografiko pribatuak babesteko eta txanpon birtualak mantendu, biltegitatu eta transferitzeko zerbitzuak ematen dituzten pertsonen edo erakundeek zainduta badaude.

Betebehar bera izango dute aitorpenari dagokion urteko edozein unetan moneta birtualon titular, baimendu edo onuradun izan direnek, kontuon gaineko xedatze-ahalmena izan dutenek nahiz kontuon titular erreal izan direnek baina urte horretako abenduaren 31n

izaera hori galdua dutenek. Halakoetan, titular edo titular erreal izateari utzi zioten egunari buruzko informazioa eman behar dute.

Horretarako, honako hauek joko dira titular errealtzat: Kapitalen Zuriketa eta Terrorismoaren Finantzaketa Prebenitzeko 2010eko apirilaren 28ko 10/2010 Legearen 4.2 artikuluan ezartzen denarekin bat titular errealtzat jotzen direnak, 2. zenbaki horretan aipatzen diren pertsona edo tresnen izenean dauden moneta birtualei dagokienez, haien egoitza atzerrian badago edo atzerrian eratu badira.

2. Artikulu honen ondorioetarako, Kapitalak Zuritzea eta Terrorismoaren Finantzaketa Prebenitzeko 2010eko apirilaren 28ko 10/2010 Legearen 1. 5 artikuluan xedaturikoaren arabera ulertu behar da moneta birtualaren kontzeptua.

Moneta birtualak atzerrian kokaturik daudela ulertuko da baldin eta zaintzen dituen pertsona edo entitate edo establezimendu iraunkorra, hirugarrenen izenean gako kriptografiko pribatuak babesteko zerbitzuak ematen dituenen halako monetak mantendu, biltegiratu eta transferitzeko, ez badago beharturik Pertsona Fisikoen Errentaren gaineko Zergari buruzko abenduaren 5eko 13/2013 Foru Arauaren hamargarren xedapen gehigarriaren 6. apartatuan aipatzen den informazio-betebeharra betetzera.

3. Zerga Administrazioari eman beharreko informazioak honako datu hauek jasoko ditu:
 - a) Moneta birtualak mantendu, biltegiratu eta transferitzeko hirugarrenen izenean gako kriptografiko pribatuak babesteko zerbitzuak ematen dituen pertsonaren edo erakundearen izen-abizenak edo izen soziala edo izen osoa eta, hala badagokio, egoitza fiskala duen herrialdeko identifikazio fiskaleko zenbakia, bai eta haren helbidea edo webgunearen helbidea ere.
 - b) Moneta birtual mota bakoitzaren identifikazio osoa.
 - c) Moneta birtual mota bakoitzak abenduaren 31n dituen saldoak, moneta birtualeko unitateetan adierazita, eta haien balorazioa eurotan.

Eurotan dagokien balorazioa egiteko, behartuta dauden subjektuek negoziazio-plataforma nagusiek edo prezioen jarraipena egiteko webguneek abenduaren 31n eskaintzen duten kotizazioa hartuko dute edo, bestela, moneta birtualak merkatu-balioaren estimazio arrazoizko bat emango dute, eurotan. Horretarako, adierazi behar da zer kotizazio edo balio erabili den estimazioa egiteko.

4. Abenduaren 31ko saldoei buruzko informazioa honako honek eman behar du: egun horretan aipaturiko moneta birtualen titular, onuradun edo baimendua denak, edo moneton gaineko xedatze-ahalmena duenak edo titular errealtzat jotzen denak.

Gainerako titular, onuradun edo baimenduek nahiz xedatze-ahalmendun edo titular errealek, berriz, adierazi behar dute moneta birtualek zer saldo zituzten izaera hori galdu zuten egunean.

5. Artikulu honetan ezartzen den informazioa emateko beharra ez da aplikatuko honako moneta birtual hauetan:
 - a) Moneton titularrak Sozietateen gaineko Zergari buruzko 2013ko abenduaren 5eko 11/2013 Foru Arauko 12,1. artikuluan aipatzen diren erakundeak badira.
 - b) Moneta birtualon titularrak hauek badira: Espainiako lurraldeko egoiliarren diren pertsona juridikoak eta gainerako erakundeak nahiz Espainiako ez-egoiliarren establezimendu iraunkorrak. Moneta birtualok, dena dela, modu indibidualizatuan egon behar dute erregistratuta haien kontabilitatean eta identifikatuta, gainera, haien izenaren, balioaren eta zaintza-erakundearen nahiz kokatuta dauden herrialde edo lurraldearen arabera.

- c) Moneta birtualon titularrak hauek badira: Espainiako lurraldeko egoiliar diren pertsona fisikoak, jarduera ekonomiko bat egiten badute eta kontabilitatea Merkataritza Kodean ezarritakoaren arabera egiten badute. Moneta birtualok, dena dela, modu individualizatuan egon behar dute erregistratuta haien kontabilitatean eta identifikatuta, gainera, haien izenaren, balioaren eta zaintza-erakundearen nahiz kokatuta dauden herrialde edo lurraldearen arabera.
 - d) Ez da ezein moneta birtualen informaziorik eman beharrik izango, baldin eta 3.c) apartatuan aipatzen diren abenduaren 31ko saldoak, eurotan baloratuta, 50.000 eurotik gorakoak ez badira. Baterako muga hori gaindituz gero, moneta birtual guztiei buruzko informazioa eman beharko da.
6. Betebehar hori eman beharreko informazioari dagokion hurrengo urteko urtarilaren 1etik martxoaren 31ra bitartean bete beharko da.

Ondoz ondoko urteetan nahitaezkoa izango da aitorpena aurkeztea, baldin eta aurreko 5. d) apartatuan aipatzen den baterako saldoa 20.000 euro baino gehiago hazi bada aurreko aitorpena aurkeztu beharra eragin zuten balioarekin alderatuta.

Edozelan ere, aitorpena nahitaez aurkeztu behar da artikuluko 4. apartatuko azken lehen zatian zehazten diren kasuetan, bertan aipatzen diren moneta birtualak dagokienez.

Foru-agindu bidez onetsiko da horri dagokion aitorpen-eredua.

- 7. Datu-multzo desberdinak dira 3.a) apartatuan erakunde bakoitzerako aipatzen diren informazioak eta 3.c) apartatuan aipatzen direnak, bai eta 4. apartatuko azken paragrafoan moneta birtual bakoitzerako aipatzen direnak.

Era berean, datutzat joko da 3. apartatuaren b) letran moneta birtual bakoitzerako aipatzen den informazio bakoitza.

4. ATALA.

ESTATUAREN ZOR PUBLIKOAREKIN, LEHENTASUNEKO PARTAIDETZEKIN ETA BESTE ZOR TRESNA BATZUEKIN EGINIKO ERAGIKETA JAKIN BATZUEI BURUZKO INFORMAZIOA EMAN BEHARRA.

54. artikulua. Informazioa eman beharra.

- 1. Zerga Administrazioari araudi honetako 53. artikuluan aipatutako informazioa eman behar diotenek lehentasuneko partaidetzen eta beste zor tresna batzuen inguruko eragiketei buruzko informazioa eman behar dute. Horien araubidea Inbertsio Koefizientei, Norberaren Baliabideei eta Finantza Bitartekarien Informazio Betebeharrei buruzko maiatzaren 25eko 13/1985 Legeko bigarren xedapen gehigarrian eta 2004ko Zerga Neurriei buruzko apirilaren 23ko 2/2004 Foru Arauko lehenengo xedapen gehigarrian ezarri da. Eman beharreko informazioa araudi honetako 53.4. artikuluan zehaztutakoa izango da, baina informazioa behar dutenekin lehentasuneko partaidetzen eta beste zor tresna batzuen inguruan egindako eragiketei buruz.
- 2. Artikulu honetan ezarritako informazio betebeharrari araudi honetako 53.5. artikuluan ezarritakoa aplikatuko zaio.

55. artikulua. Estatuaren Zor Publikoarekin, lehentasuneko partaidetzekin eta beste zor tresna batzuekin eginiko eragiketa jakin batzuei buruzko informazioaren araudia.

- 1. Honako etekin hauei aplikatuko zaie artikulu honetan xedatzen dena:
 - a) Idazpenen Zor Publikoaren Merkatuan negoziatu diren Estatuaren Zor Publikoaren baloreen interesak, bai eta deskontuarekin jaulkiriko zein gerora bereizitako izaera bereko baloreetatik eratorritako beste etekin batzuk ere.

- b) Kreditu-erakundearen antolamenduari, gainbegiratzeari eta kaudimenari buruzko ekainaren 26ko 10/2014 Legearen lehenengo xedapen gehigarrian arautzen diren baloreen interesak, eta xedapen horretan arautzen diren zor-tresnetatik eratorri eta hamabi hilabeterako edo aldi laburragorako eta deskontuarekin jaulki diren etekinak.
2. Estatuaren Zor Publikoari dagokionez, jaulkitzaileak edo haren ordainketa-agente baimenduak azpian zerrendatzen direnen aldeko hirugarrenen kontuetan erregistraturiko baloreen etekinak ordainduko dizkie, osorik, Idazpenen Zor Publikoaren Merkatuko erakunde kudeatzaileei eta beren egoitza atzerrian duten baloreen konpentsaziorako eta likidaziorako sistemen erakunde kudeatzaileei (baldin eta, bigarren horiek, hitzarmen bat sinatua badute egoitza espainiar lurraldean duen baloreen konpentsaziorako eta likidaziorako erakunde batekin). Zehazkiago esateko, jaulkitzaileak edo haren ordainketa-agente baimenduak honako hauen aldeko baloreen etekinak ordainduko ditu:
- a) Espainiar lurraldean establezimendu finkorik ez duten ezegoiliarak.
 - b) Sozietateen gaineko Zergaren subjektu pasiboak, bai eta Espainiar lurraldean establezimendu finkoa duten ez-egoiliarak.
 - c) Pertsona Fisikoen Errentaren gaineko Zergaren ordaintzaileak. Kasu honetan, kupoi bereiziei eta printzipal bereiziei dagokien zatiagatik ordainduko da, itzulketan erakunde kudeatzaile batek esku hartzen duenean.

Halaber ordaindu beharko dira, osorik, Idazpenen Zor Publikoaren Merkatuan kontua duten titularrek beren kontuan erregistraturik dituzten saldoei dagozkien etekinak.

3. Goiko 2. zenbakian ezarritakoa betetzeko, han aipatzen diren erakunde kudeatzaileak eta beren egoitza atzerrian duten baloreen konpentsaziorako eta likidaziorako sistemen erakunde kudeatzaileak aitorten bat aurkeztu beharko diote jaulkitzaileari (Espainiako Bankuaren bitartez, hala badagokio). Aitorten hori Zerga Administrazioak onarturiko ereduaren arabera izan behar da, eta, erregistroetan jasotakoaren arabera, honako informazio hau eduki beharko du:
- a) Baloreen identifikazioa.
 - b) Etekinen zenbateko osoa.
 - c) Pertsona Fisikoen Errentaren gaineko Zergaren ordaintzaileei dagozkien eteकिन zenbatekoa, salbu eta Estatuaren Zor Publikoaren kupoi bereiziak eta printzipal bereiziak baldin badira eta haien itzulketan erakunde kudeatzaile batek esku hartzen badu.
 - d) Bigarren zenbakian aurrez ikusitakoaren arabera osorik ordaindu behar diren eteकिन zenbatekoa.

Altxorraren letrei dagokienez, ez da halako aitortenik aurkeztu behar, eta, halaber, erakunde kudeatzaileak ez dute halako aitortenik aurkeztu behar, Estatuaren Zor Publikoaren kupoi bereizien edo printzipal bereizien kasuan.

4. Goiko 1. zenbakiko b) letran aipatzen diren baloreei dagokienez (bere egoitza Espainiar lurraldean duen baloreen konpentsaziorako eta likidaziorako erakunde batean erregistratuak jatorrian), honako erakunde hauek aurkeztu beharko dute aitortena, goiko 3. zenbakian adierazi diren baldintza beretan: hirugarren batzuen kontuetan erregistraturiko baloreak mantentzen dituzten erakundeak, bai eta beren egoitza atzerrian duten baloreen konpentsaziorako eta likidaziorako sistemen erakunde kudeatzaileak ere, baldin eta hitzarmen bat badute bere egoitza Espainiar lurraldean duen baloreen konpentsaziorako eta likidaziorako erakunde horrekin.

Goiko 2. zenbakiko a) eta b) letretan aipatzen diren titularren etekinak ere osorik ordaindu beharko dira.

Halaber ordaindu beharko dira osorik erakunde gordailuzainaren kontuan erregistraturik dauden saldoei dagozkien etekinak.

5. Goiko 1. zenbakiko b) letran aipatzen diren baloreei dagokienez (beren egoitza atzerrian duten baloreen konpentsaziorako eta likidaziorako erakundeetan erregistratuak direlarik baloreok jatorrian eta erakundeok hala jarduteko aitorpena dutelarik, edo espainiar araudiaren aldetik edo ELGAko kide den beste herrialderen batengatik), Zerga Administrazioak onarturiko ereduaren arabera aitorpen bat aurkeztu beharko dio jaulkitzaileak izendatzen duen ordainketa-agenteak jaulkitzaileari berari. Aitorpen horren bitartez, honako hauen berri eman beharko dio: baloreen identifikazioa, batetik, eta, bestetik, bere egoitza atzerrian duen baloreen konpentsaziorako eta likidaziorako sistemaren erakunde kudeatzaileetarik bakoitzari dagozkion etekinen zenbateko osoa, oso-osorik ordaindu beharko dena.
6. Goiko zenbakietan aipatu diren aitorpenak interesen mugaegunaren aurreko egun baliodunean aurkeztu behar dira, edo, deskontuarekin jaulkiriko zein gerora bereizitako baloreen kasuan, baloreen amortizazio bakoitza baino lehenagoko egun baliodunean. Dena dela, egun horretan merkatua nola itxi den jaso beharko da. Telematikoki bidali ahal izango dira aitorpen horiek.

Deskontuarekin jaulkiriko zein gerora bereizitako baloreen kasuan, itzuli beharreko zenbatekoari buruzko informazioa emango da, etekinen informazioaren ordeiz. Hala ere, balore horien amortizaziotik eratortzen diren atxikipen peko etekinei dagokienez, etekinon zenbatekoa ere jaso behar da aitorpenean.

Aurreko paragrafoan ezartzen den kasuan, jaulkitzaileari aurkeztu behar zaio aitorpena, edo, bestela, jaulkitzaileak amortizazioa edo itzulketa gauzatzeko ardura eman dion finantza-erakundeari.

7. Interesen mugaegunari dagokionez, aitorpena aurkeztu behar duen erakunderen batek ez badu aurkezten aitorpen hori goiko 6. zenbakiaren lehen paragrafoan ezartzen den egunean, horrek ondorio legez ekarriko du jaulkitzaileak edo haren ordainketa-agente baimenduak ordaindu behar izatea erakunde horri dagozkion interesak. Ordaindu ere, interes osoari atxikipenaren tasa orokorra aplikatuz ateratako zenbateko likidua ordaindu beharko du.

Erakundeak epe hori igaro ondoren aurkezten badu artikulu honetan arautzen den aitorpena, jaulkitzaileak edo haren ordainketa- agente baimenduak soberan atxikitakoa ordainduko dio, aitorpena jaso bezain laster. Dena dela, aurkezpen geroratu horretarako ere badira muga batzuk: Estatuaren Zor Publikoaren baloreei dagokienez, 30 egun natural, interesen mugaegunetik aurrera zenbatzen hasita; goiko 1. zenbakiko b) letran aipatzen diren baloreetatik eratorritako interesei dagokienez, berriz, intereson mugaeguneko hilabetearen hurrengo hileko 10a baino lehen.

8. Aurreko zenbakietan ezarritakoa aplikatu behar bada ere, nahitaez bete beharko dira zergei buruzko arauetan oro har ezartzen diren informazio-betebeharrak; hau da, jaulkitzaileei eta beren egoitza espainiar lurraldean duten eta finantza-bitartekariak diren erakunde batzuei dagozkienak, baina, bigarren horiek direla eta, artikulu honetako 1. zenbakian aipatzen diren baloreen gordailuzain gisa jarduten dutenean honako beste hauei dagokienez: Pertsona Fisikoen Errentaren gaineko Zergaren ordaintzaileak, Sozietateen gaineko Zergaren subjektu pasiboak eta Espainian establezimendu iraunkorra duten Ez-egoiliarren Errentaren gaineko Zergaren ordaintzaileak (baldin eta, erregistro erakundeen erregistroetan jasotakoaren arabera, baloreen titular badira).

5. ATALA.
EUROPAR BATASUNEKO KIDEAK DIREN BESTE ESTATU BATZUETAN EGOITZA
DUTEN PERTSONA FISIKOEK LORTUTAKO ZENBAIT ERRENTARI BURUZ
INFORMAZIOA EMAN BEHARRA.

56. artikulua. Aplikazio eremua.

...

57. artikulua.-Informazioa eman beharra dakarten errentak.

...

58. artikulua. Informazioa eman behar dutenak.

...

59. artikulua. Eman beharreko informazioa.

...

60. artikulua. Europar Batasuneko beste estatu bateko egoiliar diren pertsona fisiko errenta-hartzaileen identifikazioa eta egoitza.

...

6. ATALA.
BESTE INFORMAZIO BETEBEHAR BATZUK.

61. artikulua. Erakundeen eraketaz, ezarpenaz, aldaketaz eta azkentzeaz informazioa eman beharra.

Erregistro publikoen titularrek aitorten informatiboa aurkeztu behar dute hileroko Zerga Administrazioari aurreko hilean eratu, ezarri, aldatu edo azkendu diren erakundeei buruz.

62. artikulua. Identifikazio fiskaleko zenbakia jakinarazi ez duten edo notarioen esku hartzea duten egintza edo kontratuak jasotzen dituzten eskriturak edo dokumentuak egiterakoan erabilitako ordainketa moduak identifikatu ez dituzten pertsonen edo erakundeen buruzko informazio betebeharra.

1. Notariotzaren Kontseilu Nagusiak informazio aitortpena aurkeztu beharko dio hileroko zerga Administrazioari bide telematikoaren erabilera. Bertan, bertaratu diren izen-deiturak edo egintzak edo kontratuak formalizatzearren eskritura edo dokumentuak igortzerakoan ordezkari diren pertsona edo erakundearen izenak, eskritura edo dokumentu horien xedea ondasun higiezinaren gaineko jabaria eta gainerako eskubide errealek aitortu, eratu, eskuratu, eskualdatu, aldarazi edo deuseztatzea edo zerga garrantzia duen beste edozein egintza edo kontratu bada eta horietan hurrengo inguruabarrak agertzen badira:
 - a) Ez dutela jakinarazi identifikazio fiskaleko zenbakia.
 - b) Ez dituztela identifikatu alderdiek erabilitako ordainketa moduak, kontraprestazio osoa edo zati bat dirua edo hura ordezkatzeko duena izan bada.
2. Hil bateko eragiketari buruzko informazioa emateko aitortpena hurrengo hilean zehar aurkeztu behar da.

63. artikulua. Nekazaritzako, abeltzaintzako edo basogintzako jardueren ondoriozko diru-laguntzen eta kalte-ordainen berri eman beharra.

1. Nekazaritzako, abeltzaintzako edo basogintzako jardueren ondoriozko diru-laguntzak, kalte-ordainak edo laguntzak ematen edo onartzen dituzten erakunde publiko zein pribatuek urtean zehar kitatutako edo ordaindutako kopuruak jasotzen dituen aitorpena aurkeztu behar diote Zerga Administrazioari organo eskudunari.

Erakunde emaileak ez badauka egoitza Espainian, aurreko paragrafoan aipatutako betebeharra erakunde haren konturako diru-laguntzen, kalte-ordainen edo laguntzen kudeaketaren ardura daukan erakunde egoiliarak bete behar du.

2. Aitorpenean, aitortzailearen identifikazio datuak eta aitorpenean sartutako diru-laguntza, kalte-ordain eta laguntzei dagokienez nola esku hartu duen zehazteaz gainera, hartzaileen zerrenda agertu behar da, datu hauekin:
 - a) Izen-deiturak edo sozietatearen izena edo izendazio osoa, eta identifikazio fiskaleko zenbakia.
 - b) Ordaindutako diru-laguntzaren, kalte-ordainaren edo laguntzaren zenbatekoa, mota eta kontzeptua.
3. Diru-laguntza, kalte-ordain eta laguntzak aitorpenean agertzeko, ordainketa-agindua eman den egunean ordaindutat joko dira. Ordainketa-agindurik ez badago, ordainketa egin denean ordaindutat joko dira.

64. artikulua.-Gizarte aurreikuspeneko sistemetara egindako ekarpenei buruzko informazioa eman beharra.

Ondoko pertsona eta erakunde hauek urteko aitorpena aurkeztu behar diote Zerga Administrazioari, azalduko diren datuekin:

- a) Pentsio funtsen erakunde kudeatzaileek; funtsei atxikitako planen partaideak banaka sartu behar dituzte, bai eta haientzat egindako ekarpenen zenbatekoa ere (beraiek zuzenean eurentzat egindakoak eta baimendutako pertsonen edo planen sustatzaileek egindakoak batuta).

Halaber, Europako Parlamentuaren eta Kontseiluaren 2019ko ekainaren 20ko 2019/1238 (EB) Erregelamenduan arautzen diren pentsio indibidualen produktu paneuroparren sustatzaileak (erregelamendu hori pentsio indibidualen produktu paneuropar (PEPP) bati buruzkoa da), zeinek banaka sartuko baitituzte plan horietan aurreztaileak eta haiek PEPP kontu bakoitzean irekitako azpikontuetan egindako ekarpenen zenbatekoa.

- b) Pentsio planen sustatzaileek, haietara ekarpenak egiten badituzte; ekarpenen onuradun izan diren partaideak banaka jaso behar dituzte, bai eta bakoitzak ekarritako zenbatekoa ere.
- c) Europar Batasuneko beste estatu batean helbideratuta egonik Espainiako legeriaren mende dauden enpleguko pentsio-planak garatzen dituzten pentsio-funtsek; funtsei atxikitako planen partaideak banaka sartu behar dituzte, bai eta haientzat egindako ekarpenen zenbatekoa ere (partaideek zuzenean eurentzat egindakoak eta baimendutako pertsonen edo planen sustatzaileek egindakoak batuta).
- d) Pentsio konpromisoak aseguru kontratu baten bitartez (enpresen gizarte aurreikuspeneko planak salbu) antolatzen dituzten enpresek eta erakundeek; ekarpenen onuradun diren pertsonak eta bakoitzari dagokion zenbatekoa banaka sartu behar dituzte.
- e) Enpresen gizarte aurreikuspeneko planak formalizatzen dituzten aseguru erakundeek; aseguratuak banaka jaso behar dira, bai eta haientzat egindako ekarpenen zenbatekoa ere (beraiek zuzenean egindakoak eta planen hartzaileek egindakoak batuta).

- f) Gizarte aurreikuspeneko mutualitateek; mutualistak banaka jaso behar dira, bai eta beraiek Pertsona Fisikoen Errentaren gaineko Zergari buruzko abenduaren 5eko 13/2013 Foru Arauko 70. eta 72. artikuluetan eta zortzigarren eta bederatzigarren xedapen gehigarrietan ezarritakoaren arabera zerga horren zerga-oinarrian kenkaria eragin dezaketen inguruabarrak estaltzeko ordaindutako kopuruak ere.
- g) Menpekotasuneko aseguru pribatuak, zerga oinarrian kenkaria eragin dezaketenak, merkaturatzen dituzten aseguru erakundeek; hartzaileak banakatuta jaso behar dira, bai eta primen zenbatekoak ere (beraiek zuzenean egindakoak eta baimendutako pertsonen egindakoak batera).
- h) Bermatutako aurreikuspen planak merkaturatzen dituzten aseguru erakundeek; hartzaileak eta ordaindutako primen zenbatekoak banakatuta jaso behar dira.
- i) Borondatezko gizarte aurreikuspeneko erakundeek; bazkide bereziak eta arruntak eta haietako bakoitzak edo erakundeko bazkide babesleek egindako ekarpenen zenbatekoak banakotu behar dituzte.
- j) Borondatezko gizarte aurreikuspeneko erakundeetako bazkide babesleek, ekarpenak egiten badituzte; ekarpenen onuradun izan diren bazkide bereziak eta arruntak zehaztu behar dituzte, eta bakoitzaren ekarpenen zenbatekoa eta izaera ere bai.

65. artikulua. Ondasun higiezinekin zerikusia duten finantza-eragiketei buruzko informazioa eman beharra.

1. Kreditu-erakundeek eta, indarrean dagoen araudiaren arabera, banku- edo kreditu-trafikoan diharduten gainerako erakundeek maileguak ematen badituzte edo maileguok ematerakoan bitartekari-lanak egiten badituzte, edo ondasun higiezin bat edo ondasun higiezin baten gaineko eskubide erreal bat eskuratzeko bestelako finantzaketa moduren batean parte hartzen badute, urteko aitorten informatiboa aurkeztu behar dute halako eragiketei buruz, datu hauek zehaztuta:
 - a) Mailegu-hartzaileen izen-abizenak edo sozietatearen izena edo izendapen osoa, eta identifikazio fiskaleko zenbakia.
 - b) Mailegu-emaielen sozietatearen izena edo izendapen osoa, eta identifikazio fiskaleko zenbakia.
 - c) Bitartekaririk egon bada, haien izen-deiturak edo sozietatearen izena edo izendapen osoa, eta identifikazio fiskaleko zenbakia.
 - d) Ondasun higiezinen erosketarekin edo ondasun higiezinen gaineko eskubide errealean erosketarekin zerikusi zuzena duten beste finantza-eragiketa batzuetan parte hartu duten alderdien izen-deiturak edo sozietate izenak edo izendapen osoak, eta haien identifikazio fiskaleko zenbakiak.
 - e) Maileguaren edo eragiketaren zenbateko osoa, eta kapitalaren amortizazio, korritu eta gainerako finantza-gastuengatik urtean ordaindutako kopuruak, eta gauzazko ordainketaren zenbatekoa.
 - f) Mailegua edo eragiketa eratu den urtea eta haietako bakoitzaren iraunaldia.
 - g) Eragiketaren hartzaileak higiezina ohiko etxebizitzarako erabiltzeko asmoa adierazi duen ala ez.
 - h) Higiezinaren zenbaki finkoa edo katastroko erreferentzia.
 - i) Higiezinaren tasazio-balioa.
 - j) Maileguaren saldoa, urte bakoitzeko abenduaren 31n.

2. Beren langileei ohiko etxebizitza eskuratzeko maileguak ematen dizkieten erakunde publikoek edo pribatuek urteko aitorten informatiboa aurkeztu behar dute halako eragiketei buruz, datu hauek zehaztuta:
 - a) Mailegu-hartzaileen izen-abizenak edo sozietatearen izena edo izendapen osoa, eta identifikazio fiskaleko zenbakia.
 - b) Mailegu-emaileen sozietatearen izena edo izendapen osoa, eta identifikazio fiskaleko zenbakia.
 - c) Maileguaren edo eragiketaren zenbateko osoa, eta kapitalaren amortizazioagatik eta korrituengatik urtean ordaindutako kopuruak, eta gauzazko ordainketaren zenbatekoa.
 - d) Mailegua edo eragiketa eratu den urtea eta haietako bakoitzaren iraunaldia.
 - e) Higiezinaren zenbaki finkoa edo katastroko erreferentzia.
 - f) Maileguaren saldoa, urte bakoitzeko abenduaren 31n.

65 bis artikulua. Energia elektrikoa hornitzen duten enpresen informazio betebeharrak.

Energia elektrikoa hornitzen duten enpresek ondoko datuak biltzen dituen aitortena aurkeztu behar diote Zerga Administrazioari urtero:

- a) Hornikuntza kontratatu duen bakoitzaren izen- deiturak edo sozietate izena edo izendazio osoa eta identifikazio fiskaleko zenbakia. Fakturak hari barik beste bati kobratzen bazaizkio, beraren datuak adierazi behar dira.
- b) Higiezinaren katastro erreferentzia edo zenbaki finkoa eta kokapena.
- c) Kontrataturako potentzia izendatua eta urteko kontsumoa (kilowatt-ordutan).
- d) Hornikuntza-puntuaren kokapena.
- e) Hornikuntzaren altaren data.

65 ter artikulua. Atzerrian dauden ondasun higieziinei edo ondasun higiezinaren gaineko eskubideei buruzko informazioa eman beharra.

1. Bai Bizkaiko Lurralde Historikoan egoiliarrek diren pertsona fisikoek eta juridikoek, bai pertsona edo erakunde ez-egoiliarrek lurralde horretan dituzten establezimendu iraunkorrek, bai eta Bizkaiko Lurralde Historikoko Zergei buruzko 2005eko martxoaren 10eko 2/2005 Foru Arauko 34.3 artikuluan aipatzen diren erakundeek ere atzerrian dauden ondasun higieziinei edo ondasun higiezinaren gaineko eskubideei buruzko informazioa eman behar diote Bizkaiko Foru Ogasunari, urteko aitorten informatibo baten bidez, baldin eta ondasun-eskubideon titularrak badira edo Kapitalen zuriketa eta terrorismoaren finantzaketa prebenitzeko 2010eko apirilaren 28ko 10/2010 Legearen 4.2 artikuluan ezartzen denarekin bat ondasun-eskubideon titular errealtzat jotzen badira. Informazio hori guztia urte bakoitzeko abenduaren 31ri buruzkoa izango da.
2. Aitorten informatiboak honako datu hauek jasoko ditu:
 - a) Higiezinaren identifikazioa: haren tipologia zehaztu behar da, labur.
 - b) Higiezinaren kokapena: herrialde edo lurraldea, udalerria, kalea eta zenbakia.
 - c) Eskuraketa-data.
 - d) Eskuraketa-balioa.

3. «Multijabetza» kontratuen, txandaka aprobetxatzeko kontratuen, denbora partzialeko jabetza-kontratuen edo antzeko formulen kontratuen titulartasunari dagokionez, aurreko zenbakiko a) eta b) letretako informazioaz gainera adierazi behar da eskubideok zein datatan eskuratu ziren eta zer balio duten abenduaren 31n, Ondarearen gaineko Zergari buruzko 2013ko otsailaren 27ko 2/2013 Foru Arauko balorazio-arauak erabiliz.
4. Atzerrian dauden ondasun higiezinaren gaineko erabilera edo luperketako eta jabetza soileko eskubide errealeen titulartasunari dagokionez, aurreko 2. zenbakiko a) eta b) letretako informazioaz gainera adierazi behar da titulartasuna zein datatan eskuratu zen eta zer balio duen abenduaren 31n, Ondarearen gaineko Zergari buruzko 2013ko otsailaren 27ko 2/2013 Foru Arauko balorazio-arauak erabiliz.
5. Aitorpenari dagokion urteko edozein unetan aurreko 1. zenbakiaren arabera higiezinaren edo eskubidearen titular edo titular erreal izan diren eta urte horretako abenduaren 31n izaera hori galduta duten zergapekoek ere informazioa eman beharra izango dute. Halakoetan, aurreko 2. zenbakiko datuez gainera, aitorpen informatiboan adierazi behar da zer egunetan eskualdatu zen higiezin edo balioa eta zein izan zen eskualdaketa-balioa.
6. Artikulu honetan ezartzen den informazioa emateko beharra ez da aplikatuko atzerrian dauden honako higiezin eta higiezinaren gaineko eskubide hauei dagokienez:
 - a) Sozietateen gaineko Zergari buruzko abenduaren 5eko 11/2013 Foru Arauko 12. artikuluan aipatzen diren erakundeak titular dituzten guztiak.
 - b) Haien titularrak hauek badira: Bizkaiko Lurralde Historikoan egoiliarren pertsona juridikoak eta gainerako erakundeak nahiz ez-egoiliarren establezimendu iraunkorrak. Higiezin-eskubideok, dena dela, modu individualizatuan egon behar dute erregistratuta haien kontabilitatean eta behar bezala identifikatuta.
 - c) Haien titularrak hauek badira: Bizkaiko Lurralde Historikoko egoiliarren pertsona fisikoak, jarduera ekonomiko bat egiten badute eta kontabilitatea Merkataritza Kodean ezarritakoaren arabera egiten badute. Higiezin-eskubideok, dena dela, modu individualizatuan egon behar dute erregistratuta haien kontabilitatean eta behar bezala identifikatuta.
 - d) Ez da egongo higiezinaren edo higiezinaren gaineko eskubideei buruzko informazioa eman beharrik, baldin eta artikulu honetako 2. zenbakiko d) letran aipatzen diren balioen eta 3. eta 4. zenbakietan aipatzen diren balioen batura ez bada 50.000 euro baino handiagoa. Baterako muga hori gainditzen bada, higiezin nahiz higiezinaren gaineko eskubide guztien berri eman beharko da.
7. Ondoz ondoko urteetan nahitaezkoa izango da aitorpena aurkeztea, baldin eta aurreko 6. zenbakiko d) letran aipatzen den batura 20.000 euro baino gehiago hazi bada aurreko aitorpena aurkeztu beharra eragin zuten balioarekin alderatuta.

Edozelan ere, aitorpena nahitaez aurkeztu behar da artikulu honetako 5. zenbakian zehazten diren kasuetan, haien gaineko titulartasuna abenduaren 31an iraungita zegoen higiezin eta eskubideei dagokienez.

Ogasun eta Finantzen foru diputatuak onartuko du bai zer aitorpen-eredu aurkeztu behar den, bai aitorpen hori non eta zer epetan aurkeztu behar den, bai eta, hala badagokio, behar hori zer kasu eta baldintzatan bete behar den edo ordenagailuan zuzenean irakur daitekeen euskarrien bidez edo bitarteko telematikoen bidez.

8. Bizkaiko Lurralde Historikoko Zergei buruzko 2005eko martxoaren 10eko 2/2005 Foru Arauko hogeita zazpigarren xedapen gehigarrian ezarritakoari dagokionez, datu-multzo ezberdinak dira artikulu honetako 2. zenbakiko a) eta b) letretan aipatzen diren informazioak, 2. zenbakian aipatzen den higiezin bakoitzari dagokionez eta aurreko 3. eta 4. zenbakietan aipatzen diren eskubideak eratzen diren higiezin bakoitzari dagokionez.

Ondorio bererako, datutzat hartuko dira hauek:

- a) 2. zenbakiko c) eta d) letretan aipatzen den data eta balio bakoitza, higiezin bakoitzari dagokionez.
- b) 3. zenbakian aipatzen den data eta balio bakoitza, eskubide bakoitzari dagokionez.
- c) 4. zenbakian aipatzen den data eta balio bakoitza, eskubide bakoitzari dagokionez.
- d) 5. zenbakian aipatzen den eskualdaketa-data eta -balio bakoitza, higiezin bakoitzari dagokionez.

65 quater artikulua. Atzerrian dauden edo atzerrian matrikulatuta dauden edo atzerriko herrialdeetako erregistroetan jasota dauden ondasun higigarriei edo ondasun higigarrien gaineko eskubideei buruzko informazioa eman beharra.

1. Bai Bizkaiko Lurralde Historikoan egoiliarrek diren pertsona fisikoek eta juridikoek, bai pertsona edo erakunde ez-egoiliarrek lurralde horretan dituzten establezimendu iraunkorrek, bai eta Bizkaiko Lurralde Historikoko Zergei buruzko 2005eko martxoaren 10eko 2/2005 Foru Arauko 34.3 artikuluan aipatzen diren erakundeek ere ondasun eta eskubide jakin batzuei buruzko informazioa eman behar diote Bizkaiko Foru Ogasunari, urteko aitorten informatibo baten bidez, baldin eta ondasun-eskubideon titularrak badira edo Kapitalen zuriketa eta terrorismoaren finantzaketa prebenitzeko 2010eko apirilaren 28ko 10/2010 Legearen 4.2 artikuluan ezartzen denarekin bat ondasun-eskubideon titular errealtzat jotzen badira. Informazio hori guztia urte bakoitzeko abenduaren 31ri buruzkoa izango da, eta honako ondasun-eskubide hauen gainekoa:
 - a) Ondasun higigarriak eta haien gaineko eskubideak, haien balio unitarioa 50.000 euro baino handiagoa bada eta atzerrian badaude edo egon badira.
 - b) Ondasun higigarriak eta haien gaineko eskubideak, atzerrian matrikulatuta badaude edo atzerriko herrialdeetako erregistroetan jasota badaude.
2. Aitorpen informatiboak honako datu hauek jasoko ditu:
 - a) Ondasun higigarriaren identifikazioa: haren tipologia zehaztu behar da, labur.
 - b) Ondasun higigarriaren kokapena: herrialde edo lurraldea.
 - c) Zein erregistrotan dauden inskribatu edo matrikulatuta: Erregistroa eta inskribatu edo matrikulatuta dagoen herrialde edo lurraldea.
 - d) Eskuraketa-data.
 - e) Eskuraketa-balioa.
3. Atzerrian dauden ondasun higigarrien gaineko erabilera edo luperketako eta jabetza soileko eskubide errealeen titulartasunari dagokionez, aurreko 2. zenbakiko a), b) eta c) letretako informazioaz gainera adierazi behar da titulartasuna zein datatan eskuratu zen eta zer balio duen abenduaren 31n, Ondarearen gaineko Zergari buruzko 2013ko otsailaren 27ko 2/2013 Foru Arauko balorazio-arauak erabiliz.
4. Aitorpenari dagokion urteko edozein unetan aurreko 1. zenbakiaren arabera ondasun higigarriaren edo eskubidearen titular edo titular erreal izan diren eta urte horretako abenduaren 31n izaera hori galduta duten zergapekoek ere informazioa eman beharra izango dute. Halakoetan, 2. zenbakiko datuez gainera, aitorten informatiboan adierazi behar da zer egunetan eskualdatu zen ondasun higigarria edo balioa eta zein izan zen eskualdaketa-balioa.

5. Artikulu honetan ezartzen den informazioa emateko beharra ez da aplikatuko atzerrian dauden edo atzerrian matrikulatuta dauden edo atzerriko herrialdeetako erregistroetan jasota dauden honako ondasun higigarri eta ondasun higigarrien gaineko eskubide hauei dagokienez:
- a) Sozietateen gaineko Zergari buruzko abenduaren 5eko 11/2013 Foru Arauko 12. artikuluan aipatzen diren erakundeak titular dituzten guztiak.
 - b) Haien titularrak hauek badira: Bizkaiko Lurralde Historikoan egoiliarren diren pertsona juridikoak eta gainerako erakundeak nahiz ez-egoiliarren establezimendu iraunkorrak. Higiezin-eskubideok, dena dela, modu indibidualizatuan egon behar dute erregistratuta haien kontabilitatean eta behar bezala identifikatuta.
 - c) Haien titularrak hauek badira: Bizkaiko Lurralde Historikoko egoiliarren diren pertsona fisikoak, jarduera ekonomiko bat egiten badute eta kontabilitatea Merkataritza Kodean ezarritakoaren arabera egiten badute. Higiezin-eskubideok, dena dela, modu indibidualizatuan egon behar dute erregistratuta haien kontabilitatean eta behar bezala identifikatuta.
 - d) Ez da egongo ondasun higigarrien edo ondasun higigarrien gaineko eskubideei buruzko informazioa eman beharrik, baldin eta artikulu honetako 2. zenbakiko e) letran aipatzen diren balioen eta 3. zenbakian aipatzen diren balioen batura ez bada 50.000 euro baino handiagoa.
6. Ondo ondozko urteetan nahitaezkoa izango da aitortpena aurkeztea, baldin eta aurreko 5. zenbakiko d) letran aipatzen diren batura 20.000 euro baino gehiago hazi bada aurreko aitortpena aurkeztu beharra eragin zuten balioarekin alderatuta.

Edozelan ere, aitortpena nahitaez aurkeztu behar da artikulu honetako 4. zenbakian zehazten diren kasuetan, haien gaineko titulartasuna abenduaren 31an iraungita zegoen ondasun higigarriei eta eskubideei dagokienez.

Ogasun eta Finantzen foru diputatuak onartuko du bai zer aitortpen-eredu aurkeztu behar den, bai aitortpen hori non eta zer epetan aurkeztu behar den, bai eta, hala badagokio, behar hori zer kasu eta baldintzatan bete behar den edo ordenagailuan zuzenean irakur daitekeen euskarri bidez edo bitarteko telematikoen bidez.

7. Bizkaiko Lurralde Historikoko Zergei buruzko 2005eko martxoaren 10eko 2/2005 Foru Arauko hogeita zazpigarren xedapen gehigarrian ezarritakoari dagokionez, datu-multzo ezberdinak dira artikulu honetako 2. zenbakiko a), b) eta c) letretan aipatzen diren informazioak, 2. zenbakian aipatzen den ondasun higigarri bakoitzari dagokionez eta aurreko 3. zenbakian aipatzen diren eskubideak eratzen diren ondasun higigarri bakoitzari dagokionez.

Ondorio bererako, datutzat hartuko dira hauek:

- a) 2. zenbakiko d) eta e) letretan aipatzen den data eta balio bakoitza, ondasun higigarri bakoitzari dagokionez.
- b) 3. zenbakian aipatzen den data eta balio bakoitza, eskubide bakoitzari dagokionez.
- c) 4. zenbakian aipatzen den eskualdaketa-data eta -balio bakoitza, ondasun higigarri bakoitzari dagokionez.

65 quinquies artikulua. Hiri-finken errentamenduei buruzko informazioa emateko betebeharra.

Euskal Autonomia Erkidegoko Administrazio Orokorren urteko aitortpen informatiboa aurkeztu beharko du Euskal Autonomia Erkidegoko Hiri Finken Errentamendu Kontratuen Erregistroan jasotako datuei buruz eta fidantzen gordailuari buruz, Fidantzak jartzeari eta Euskal Autonomia

Erkidegoko Hiri Finken Errentamendu Kontratuen Erregistroari buruzko 2016ko martxoaren 15eko 42/2016 Dekretuan ezarritakoarekin bat.

Hain zuzen, aitorpen horretan agertu beharko dira, besteak beste, errentatutako ondasun higiezinaren identifikazio-datuak, errentatzaileen zein errentarien zerrenda izenduna, eta kasuan kasuko eredu onartzeko foru-aginduan zehazten den gainerako informazioa.

65 sexies artikulua. Plataforma eragileek jarduera batzuen berri eman beharra.

1. Artikulu honen 3. apartatuan xedatzen denaren arabera "informazioa eman behar duen plataforma eragilea" diren entitateek "informazioa eman behar den saltzaileek" egindako "jarduera egokien" "erreferentzia-aldiari" buruzko informazio jakina eman behar diote zerga administrazioari.

Erregelamendu honetan eta beronen garapen-arauetan informazioa emateko beharrari buruz erabilitako terminoek Bizkaiko Foru Aldundiaren otsailaren 29ko 21/2024 Foru Dekretuaren eranskinean jasotako esanahia izango dute (foru-dekretu horren bidez, plataforma eragileek ematen duten informazioa modu automatikoan nahitaez trukatzearan arreta egokiarekin jarduteko arauak eta prozedurak garatzen dira eta Bizkaiko Lurralde Historikoko zerga-betebehar formalak araupetzen dituen Araudia aldatzen da -araudi hori Bizkaiko Foru Aldundiaren abenduaren 22ko 205/2008 Foru Dekretuaren bidez onetsi zen-, fiskalitatearen arloko administrazioen arteko lankidetzari buruzko 2011/16/EB Zuzentaraua aldatzen duen Kontseiluaren 2021eko martxoaren 22ko 2021/514 (EB) Zuzentarauaren eta beste zerga-arau batzuen transposizioa egiteko), araudian besterik ezarri ezean. Hori hala da kontuan hartuta zer xedatzen den Kontseiluaren 2011ko otsailaren 15eko 2011/16 (EB) Zuzentarauaren V. eranskinean (zuzentaru hori fiskalitatearen arloko administrazio-lankidetzari buruzkoa da, eta 77/799/EEE Zuzentaraua indargabetzen du) eta Agintaritza Eskudunen Arteko Alde Anitzeko Akordioan, ELGAren eremuko plataforma digitalen bidez eskuratzen diren diru-sarrerari buruzko informazio-truke automatikoari buruzkoan.

2. Ez dute informazioa emateko betebeharririk izango "Europar Batasunetik kanpoko plataforma eragile kualifikatuek", zeinen "jarduera egokiak", oso-osorik, "jarduera egoki kualifikatuak" baitira eta informazio-truke automatiko baten menpe baitaude.

Estatuko legeriaren arabera beren plataformaren enpresa-ereduak "informazioa eman behar duen saltzailerik" ez duela frogatu dezaketen "plataforma-eragile salbuetsiek" aitorpen negatiboa aurkeztu beharko dute. urtero, eta Zerga Administrazioari jakinarazi beharko diote "plataforma-eragile salbuetsiak" direla. Dagokion aitorpen- eredu onartzen duen foru-aginduak ezarriko du aitorpen hori aurkezteko epea, eragileak "plataforma eragile salbuetsia"ren izaera lortzen duen urtearen hurrengo urte naturalean.

3. Bizkaiko Foru Aldundiaren eskumena.

"Plataforma eragileek" Bizkaiko Foru Aldundiari aurkeztu behar diote aitorpena, salbuetsita daudenak ez beste guztiek, baldin eta jarraian ezartzen diren irizpideak aplikatuz eta Euskal Autonomia Erkidegoko Ekonomia Itunaren 46 Bi artikuluan ezartzen denari jarraikiz (onespena: 12/2002 Legea, maiatzaren 23koa) Bizkaiko Foru Aldundiak badauka eskumena lurraldearen arabera.

Hain zuzen ere, Bizkaiko Foru Aldundiari aurkeztu behar diote aitorpena zerga-egoitza Espainiako lurraldean badute edo, zerga-egoitza Espainiako lurraldean ez badute, ez eta Europar Batasuneko beste ezein estatutan ere, eta jarraian azalduko diren lotura-irizpideetako bat gertatzen bada eta Bizkaiko Foru Aldundiari badagokio informazioa eman behar duten pertsonen enpresa-jarduerak edo lanbide-jarduerak egiaztatze eta ikertze eskumena. Hona lotura-irizpideak:

- i) Espainiako legeriaren arabera eratuta egotea.
- ii) Zuzendaritzaren egoitza, benetako zuzendaritza barne, Espainiako lurraldean egotea.

- iii) Espainiako lurraldean establezimendu iraunkorra edukitzea eta ez izatea “Batasunetik kanpoko plataforma eragile kualifikatua”.

Azken irizpide hori ez da aplikatuko baldin eta “informazioa eman behar duen plataforma eragilea” den ala ez zehazteko lankidetzako ekonomiaren eta noizbehinkako eta enkarguzko lanaren eta mandatuz egindakoaren ekonomiaren eremuko plataforma eragileek saltzaileei buruzko informazioa emateko arauak aplikatzen badira.

Apartatu honetan aipatzen diren eragileek azaldutako lotura-irizpideetako bat betetzen badute Batasuneko zenbait estatutan edo zenbait “jurisdikzio bazkidetan” eta Espainia hautatzen badute aitorpena aurkezteko, aurrean aipatutako eranskinaren II. atalaren A letrarekin bat etorritik, araudian ezarritakoari jarraikiz Espainian erregistratu eta Batasuneko beste estatuei edo “jurisdikzio bazkideei” jakinarazi ondoren, aitorpena Bizkaiko Foru Aldundiari aurkeztu behar diote horrek daukanean informazioa eman behar duten pertsonen enpresa-jarduerak edo lanbide-jarduerak egiaztatze eta ikertze eskumena.

4. Aitorpen informatiboan honako datu hauek agertu behar dira:

a) “Informazioa eman behar duen plataforma eragileari” buruz:

1. Entitatearen sozietate-izena eta egoitza sozialaren helbidea.
2. Espainiako zerga administrazioak emandako identifikazio fiskaleko zenbakia. Behar denean, banako identifikazio-zenbakia ere bai.
3. Plataformaren identifikazioa.
4. Europar Batasuneko estatuak edo jurisdikzio bazkideak Informazioa emateko betebeharra betetzen badu, aurreko 3. atalean aipatzen den “informazioa eman behar duen plataforma eragileak” bertan zerrendatutako konexio-irizpideetako baten bat betetzen badu Europar Batasuneko estatu edo jurisdikzio bazkide batean baino gehiagotan. Informazioa emateko betebeharra betetzen duen EBko estatua edo jurisdikzio bazkidea Espainia ez bada, eragileak informazio-aitorpena datu hauek bakarrik adierazita aurkeztu beharko du: 4. apartatu honetako a) letran ezarritako datuak, izena eta identifikazio fiskaleko zenbakia eta aitorpena egiten duen jurisdikzioaren helbidea.

b) Ondasun higiezinak aldi baterako errentatu edo laga ez beste “jarduera egoki” bat egin duen “informazioa eman behar den saltzaile” bakoitzari buruz:

1. 21/2024 Foru Dekretuan ezartzen diren arreta egokiarekin jarduteko arauen eta prozeduren arabera eskuratu behar diren datuak (21/2024 Foru Dekretua, otsailaren 29koa, Bizkaiko Foru Aldundiarena, zeinaren bidez plataforma eragileek ematen duten informazioa modu automatikoan nahitaez trukatzeari arreta egokiarekin jarduteko arauak eta prozedurak garatzen baitira eta Bizkaiko Lurralde Historikoko zerga-betebehar formalen araudia aldatzen baita -araudi hori Bizkaiko Foru Aldundiaren abenduaren 22ko 205/2008 Foru Dekretuaren bidez onetsi zen-, fiskalitatearen arloko administrazioen arteko lankidetzari buruzko 2011/16/EB Zuzentaraua aldatzen duen Kontseiluaren 2021eko martxoaren 22ko 2021/514 (EB) Zuzentaruaren eta beste zerga-arau batzuen transposizioa egiteko).

Aurreko paragrafoan xedatzen dena gorabehera, aitorpenean ez da agertu behar 21/2024 Foru Dekretuaren 5. artikuluan 1.a) apartatuaren 2 - 5 bitarteko zenbakietan eta 1.b) apartatuaren 2 - 6 bitarteko zenbakietan adierazten den informazioa (21/2024 Foru Dekretua, otsailaren 29koa, Bizkaiko Foru Aldundiarena, zeinaren bidez plataforma eragileek ematen duten informazioa modu automatikoan nahitaez trukatzeari arreta egokiarekin jarduteko arauak eta prozedurak garatzen baitira eta Bizkaiko Lurralde Historikoko zerga-betebehar formalak araupetzen dituen Araudia aldatzen baita -araudi hori Bizkaiko Foru Aldundiaren abenduaren 22ko 205/2008 Foru Dekretuaren bidez onetsi zen-, fiskalitatearen arloko

administrazioen arteko lankidetzari buruzko 2011/16/EB Zuzentaraua aldatzen duen Kontseiluaren 2021eko martxoaren 22ko 2021/514 (EB) Zuzentarauaren eta beste zerga-arau batzuen transposizioa egiteko), baldin eta “saltzailea” nor den eta egoitza non daukan zehazteko Batasuneko estatu batek edo Europar Batasunak saltzailearen identifikazioa eta egoitza guztiak zehazteko eskueran jarritako identifikazio-zerbitzu baten bidez jasotako zuzeneko berrespena erabiltzen badu. Kasu horretan, honako hauek jakinaraziko dira: “identifikazio-zerbitzu” bat erabiltzen dela, “identifikazio-zerbitzuaren identifikatzailea” eta identifikatzaile hori esleitu duen EBko estatua.

2. “Finantza-kontuaren identifikatzailea”, baldin eta “informazioa eman behar duen plataforma eragileak” eta “informazioa eman behar den saltzailearen” egoitza dagoen Batasuneko estatuko edo “jurisdikzio bazkideko” agintaritzak eskudunak eskueran badaukate eta ez badu jakinarazi ez duela erabiliko “finantza-kontuaren identifikatzailea” helburu hauetarako.
3. “Informazioa eman behar den saltzailearen” izena ez bada, “finantza-kontuaren identifikatzaileaz” gainera “kontraprestazioa” ordaintzen den finantza-kontuaren titularraren izena, “informazioa eman behar duen plataforma eragilearen” esku badago, bai eta “plataforma eragile” horrek kontuaren titularrari buruz daukan finantza-identifikaziorako gainerako datu guztiak ere bai.
4. 21/2024 Foru Dekretuaren 8. artikulua arabera “informazioa eman behar den saltzaileak” egoitza daukan Batasuneko estatu edo “jurisdikzio bazkide” bakoitza (21/2024 Foru Dekretua, otsailaren 29koa, Bizkaiko Foru Aldundiarena, zeinaren bidez plataforma eragileek ematen duten informazioa modu automatikoan nahitaez trukatzeari arreta egokiarekin jarduteko arauak eta prozedurak garatzen baitira eta Bizkaiko Lurralde Historikoko zerga-betebehar formalen araudia aldatzen baita - araudi hori Bizkaiko Foru Aldundiaren abenduaren 22ko 205/2008 Foru Dekretuaren bidez onetsi zen, fiskalitatearen arloko administrazioen arteko lankidetzari buruzko 2011/16/EB Zuzentaraua aldatzen duen Kontseiluaren 2021eko martxoaren 22ko 2021/514 (EB) Zuzentarauaren eta beste zerga-arau batzuen transposizioa egiteko).
5. “Erreferentzia-aldiko” hiru hileko bakoitzean ordaindutako guztirako “kontraprestazioa” eta “kontraprestazioa” eragin duten “jarduera egokien” kopurua.

Moneta fiduziario batean ordaindutako kontraprestazioari buruzko informazioa moneta horretan eman behar da. Bestela, euroetan eman behar da; bihurtuta edo balioespena “informazioa eman behar duen plataforma eragileak” modu uniformearen aplikatutako irizpide baten arabera egin behar da.

“Kontraprestazioari” eta beste zenbateko batzuei buruzko informazioa haiek ordaindu diren “erreferentzia-aldiko” hiru hilekokoak izan behar da.

Baldin eta “jarduera egokia” ondasun higiezinak aldi baterako errentatzea edo lagatzea bada, “merkaturatutako ondasun higiezin” bakoitzeko “kontraprestazioa” eta “jarduera egokien” kopurua adierazi behar dira.

6. “Informazioa eman behar duen plataforma eragileak” “erreferentzia-aldiko” hiru hileko bakoitzean atxikitako edo kobratutako komisio, fidantza, tarifa, zerga eta bestelako diru kopuru guztiak.
- c) Ondasun higiezinaren erabilera aldi baterako errentatzea edo lagatzea dakarren “jarduera egoki” bat egin duen “informazioa eman behar den saltzaile” bakoitzari buruz honako informazio hau eman behar du, apartatu honen b) letran aipatzen denaz gainera:
1. “Merkaturatutako ondasun higiezin” bakoitzaren helbidea (arreta egokiarekin jarduteko prozeduren bidez zehaztuta) eta beraren katastroko erreferentzia edo

zenbaki finkoa, edo, horren berri jakin ezean, beraren baliokidea ondasuna dagoen Batasuneko estatuko edo "jurisdikzio bazkideko" legeria nazionalan.

2. "Erreferentzia-aldian" "merkaturatutako ondasun higiezin" bakoitza errentatu edo laga den egunen kopurua, eta "merkaturatutako ondasun higiezin" bakoitzaren mota, jakinez gero.

Letra honetan xedatzen denaren ondorioetarako, "jarduera egokia" izango da ondasun higiezin bat aldi baterako errentatzea, bai eta lagatzea ere.

Halaber, "informazioa eman behar duten plataforma eragileek" apartatu honen b) eta c) letretan adierazten den informazioa emango diote "informazioa eman behar duen saltzaileari", eta horretarako azken eguna "saltzailea" «informazioa eman behar duen saltzailezat» jotzen den egutegiko urtearen hurrengo urteko urtarrilaren 31 izango da.

5. "Informazioa eman behar duen plataforma eragile" batek legeria nazionalaren arabera frogatzen badu informazio bera jakinarazi duela "informazioa eman behar duen beste plataforma eragile" batek, aitorpen informatiboan 4. apartatuaren a) letran aipatzen diren datuak baino ez ditu adierazi behar, bai berari buruzkoak, bai apartatu horren b) eta c) letretan ezartzen den informazioa eman duen plataforma eragileari buruzkoak.
6. Aitorpena noiz eta nola aurkeztu behar den Ogasun eta Finantza Saileko foru diputatuak ezarriko du aitorpen eredia arautzen duen foru aginduan "saltzailea" "informazioa eman behar den saltzailezat" jotzen den urtearen ondoko urte naturalean.
7. Aitorpen eredia onesten duen foru aginduan 3., 4. eta 5. apartatuetan aipatzen den informazioa ezarriko da, bai eta informazio hori zehazteko behar diren gainerako datu garrantzitsu guztiak ere.
8. Bizkaiko Lurralde Historikoko Zergen Foru Arau Orokorraren hogeita zortzigarren xedapen gehigarriaren 2. apartatuan ezartzen denaren ondorioetarako, 4. apartatuaren letretako zenbaki bakoitzeko informazioa datu-multzo bat da: "informazioa eman behar duten plataforma eragileak" eta "informazioa eman behar den saltzaileak".

Aurrekoa gorabehera, 4. apartatuaren b) letraren 1. zenbakiko kasuan datu-multzoak 21/2024 Foru Dekretuaren 5.1 artikuluen letretako zenbakietan aipatzen diren informazioak izango dira (21/2024 Foru Dekretua, otsailaren 29koa, Bizkaiko Foru Aldundiarena, zeinaren bidez plataforma eragileek ematen duten informazioa modu automatikoki nahitaez trukatzeko arreta egokiarekin jarduteko arauak eta prozedurak garatzen baitira eta Bizkaiko Lurralde Historikoko zerga-betebehar formalen araudia aldatzen baita -araudi hori Bizkaiko Foru Aldundiaren abenduaren 22ko 205/2008 Foru Dekretuaren bidez onetsi zen-, fiskalitatearen arloko administrazioen arteko lankidetzari buruzko 2011/16/EB Zuzentaraua aldatzen duen Kontseiluaren 2021eko martxoaren 22ko 2021/514 (EB) Zuzentzarauaren eta beste zerga-arau batzuen transposizioa egiteko).

VII. TITULUA.

BETEBEHAR FORMALAK BETETZEN DIRENEZ. EGIAZTATZEKO JARDUKETAK ETA PROZEDURAK.

I. KAPITULUA.

ZENTSU EGIAZTAPENERAKO JARDUKETAK. ETA PROZEDURAK.

66. artikulua. Zentsu egiaztapenerako jarduketak.

1. Zentsuetako alta, aldaketa eta baxa aitorpenetan (17 - 19 bitarteko artikuluek) adierazitako datuak egiaztatzeke, zergapekoak berak emandako edo aitortutako datuak eta Administrazioak dauzkan datuak hartuko dira kontuan eta gertaerak eta inguruabarrak aztertuko dira zergapekoen bulego, idazgu, lokal eta establezimenduetan, bertatik bertara eta agiriaren bitartez.

2. Zerga Administrazioak zentsu aitopenak aurkezteko eta haiekin batera agiriak ekartzeko eska dezake, eta ondoren agiri gehiago ekartzeko eta antzemandako akatsak zuzentzeko, eta datuak ofizioz sar ditzake zentsuetan.
3. Zentsuko informazioan zerbait falta dela edo oker dagoela antzemanaz gero, zergapekoaren zentsu egoeraren zuzenketa 67. eta 68. artikuluetan xedatutakoarekin bat etorritik egingo da.
4. Kapitulu honetan araututako zentsu egiaztapenerako jarduketak egin arren, zergapekoek berdin-berdin bete behar dituzte gainerako zerga betebeharrak.
5. Zergapeko bat araudi honetako 69. artikuluko 1. idatz-zatian aipatutako kasuetako batean gertatzen bada, Zerga Administrazioak dirua itzuli beharra eragiten duten autolikidazioen itzulketa geldiarazi ahal izango du.

67. artikulua. Zentsua zuzentzeko prozedura.

1. Araudi honetako 68. eta 70. artikuluetan ezarritakoa eragotzi gabe, zentsu bat zuzentzeko prozedura Administrazioak zergapeko bati bere zentsu aitopeneko datuetan antzemandako desadostasuna argitzeko edo azaltzeko agindeia eginez abiaraz daiteke.
2. Prozedura izapidetzean, Administrazioak 66. artikuluko 1. eta 2. idatz-zatietan araututako jarduketak egin ditzake.

Zergapekoak adierazten badu ez dagoela ados Administrazioak dauzka datuekin, Zergei buruzko Foru Arau Orokorreko 106. artikuluko 4. idatz-zatian xedatutakoa aplikatuko da.

3. Zentsua zuzentzeko prozedura modu hauetako batean amaituko da:
 - a) Zergapekoaren zentsuko datuak zuzentzen dituen ebazpena emanez. Ebazpena arrazoitu egin behar da: kontuan izan diren egitateak eta Zuzenbideko oinarriak azaldu behar dira labur-labur.
 - b) Zergapekoak agindeia eragin duen datu-desadostasuna zuzendu, argitu edo frogatuta; honelakoetan ez dago egongo berariazko ebazpena eman beharrik.
 - c) Iraungita; izan ere, prozedura iraungitzat joko da Zergei buruzko Foru Arau Orokorreko 102. artikuluan ezarritako aldi hura azkentzen duen berariazko ebazpena ematen ez bada.
 - d) Zentsuaren zuzenketaren xedea hartzen duen egiaztapen mugatuaren prozedura edo ikerketa prozedura bat abiarazita.

68. artikulua. Zentsua ofizioz zuzentzea.

1. Zerga Administrazioak ofizioz zuzendu ahal izango du zergapekoen zentsu-egoera, aurreko artikuluan araututako prozedura instruitu gabe, honako kasu hauetan:
 - a) Zergak aplikatzeko jarduketetatik edo prozeduretatik hala ondorioztatzen denean, baldin eta haietan zergapekoak berak parte hartu badu eta zentsu-kontrolako jarduketak egin badira, betiere zuzenketa horretan ez badira kontuan hartzen prozedurotan egiaztatutakoez bestelako egitate, alegazio eta frogak.
 - b) Behin-behineko identifikazio fiskaleko zenbaki bat esleitu zaien pertsona edo entitateek behin betiko identifikazio fiskaleko zenbakia lortzeko behar den dokumentazioa aurkeztu ez dutenean, foru-dekretu honen 34.3 artikuluan ezarritako epean edo, hala badagokio, artikuluko horretan aipatzen den errekerimenduan emandako epean, salbu eta epe horietan behar bezala justifikatzen bada zenbaki hori aurkeztea ezinezkoa dela. Orduan, Zerga Administrazioak baja eman ahal izango die Europar Batasunaren barruko operadoreen erregistroan, Alkoholaren eta edari deribatuen gaineko zergaren

edo hidrokarburoen gaineko zergaren eremu objektiboetan sartutako produktuen gordailu fiskaletako produktu-ateratzaileen erregistroan eta Balio erantsiaren gaineko zergaren hileko itzulketaren erregistroan.

- c) Sozietateen gaineko Zergari buruzko abenduaren 5eko 11/2013 Foru Arauaren 120. artikuluan ezarritako baldintzak betetzen direnean. Kasu horretan, gainera, Zerga Administrazioak aukera izango du zergapekoari baja emateko erregistro hauetan: Europar Batasunaren barruko operadoreen erregistroan, Alkoholen eta edari deribatuen gaineko zergaren edo hidrokarburoen gaineko zergaren eremu objektiboetan sartutako produktuen gordailu fiskaletako produktu-ateratzaileen erregistroan eta Balio erantsiaren gaineko zergaren hileko itzulketaren erregistroan.
 - d) Urtebetetik gorako epe batean eta gutxienez hiru jakinarazpen-saiakera egin ondoren, ezinezkoa bada zergapekoari egoitza fiskalean jakinarazpena egitea, edo zorrei hiru zergalditan edo likidazio-alditan kaudimengabeziagatik baja eman bazaie, aukera izango da honako erregistro hauetan baja emateko erabakia hartzea: Europar Batasunaren barruko operadoreen erregistroan, Alkoholen eta edari deribatuen gaineko zergaren edo hidrokarburoen gaineko zergaren eremu objektiboetan sartutako produktuen gordailu fiskaletako produktu-ateratzaileen erregistroan eta Balio erantsiaren gaineko zergaren hileko itzulketaren erregistroan.
 - e) Foru-dekretu honen 29.2 artikuluan xedatutakoaren arabera zentsua zuzendu behar denean.
2. Aurreko idatz-zatian xedatutakoaren arabera zuzenketa berri eman behar zaie zergapekoari, ondoko kasuan izan ezik: urtebetetik gorako aldi zerga egoitzan jakinarazterik egon ez bada.

69. artikulua. Identifikazio fiskaleko kodearen ezeztapena.

1. Zerga Administrazioak esleitutako identifikazio fiskaleko zenbakia ezeztatu dezake, baldin eta zentsu-egiaztapenerako jarduketetan (66. artikuluko 1. eta 2. apartatuetan xedatutakoarekin bat) edo gainerako zerga-aplikaziorako jarduketa edo prozeduren ondorioz honako inguruabar hauek egiaztatzen badira, besteak beste:
- a) Araudi honen 68.1 b), c) edo d) artikuluan aurreikusitakoak.
 - b) Zergapekoa kaudimengabe edo huts egintzat jo eta sei hilabete baino gehiago pasatu badira.
 - c) Egiaztatzen bada zergapekoak esku hartu duen eragiketen ondorioz haren zerga-betebeharren bat ez betetzea etor daitekeela edo zergapekoak behar ez bezalako zerga-onurak edo -itzulketak lor ditzakeela Balio Erantsiaren gaineko Zergan.
 - d) Sozietatea pertsona batek edo batzuek eratu ondoren, identifikazio fiskaleko zenbakia eskatzen denetik hiru hilabete pasatu baino lehen jarduera ekonomikoa ez egitea, ez jardueran aritzeko beharrezko prestakuntza jarduerak, epealdi horretan jarduera horiek egitea ezinezkoa dela behar bezala frogatu ezean.
- 12.2.I) artikuluan araupeitutako kasuan, aurrean azaldutako epealdia zentsuko aldaketa-aitorpena (20. artikuluko 2. idatz- zatiko hirugarren paragrafoan ezarri den bezala) aurkeztu denetik zenbatuko da.
- e) Kapital bat hainbat sozietate eratze erabili dela eta, ondorioz, denak kontuan hartuta, aplikatu beharreko arautegian ezarritako gutxienezko ordainketa ez dela egin egiaztatzen bada.
 - f) Egiaztatzen denean Zerga Administrazioari jarduera ekonomiko faltasuen, egin ez diren edo benetan egin direnak ez beste batzuen berri eman zaiola zerga-

betebeharrak ez betetzearen edo zerga-onurak edo -itzulketak bidegabe lortzearen ondorio izan daitezkeen eragiketa errealak ez ezagutzea eragozteko.

- g) Egiaztatzen denean Zerga Administrazioari itxurazko egoitza bat edo egoitza faltsu bat jakinarazi zaiola jarduera ekonomikoetan, administrazio kudeaketan edo negozio zuzendaritzan aritzeko, jarduera edo jarduketa horiek beste batean zergatik egiten diren azaldu gabe.
 - h) Egiaztatzen denean ez dela bete lau ekitalditan jarraian urteko kontuak Merkataritza Erregistroan gordailutzeko betebeharra. Identifikazio fiskaleko zenbakia esleitu baino lehen ezeztapena eragiten duen inguruabarren bat gertatzen bada, zenbakia ukatuko da.
2. Identifikazio fiskaleko zenbakia esleitu baino lehen ezeztapena eragiten duen inguruabarren bat gertatzen bada, zenbakia ukatuko da.
 3. Identifikazio fiskaleko ezeztatzeko erabakia biltzen duen ebazpen proposamena zergapekoari jakinaraziko zaio, nahi dituen alegazioak aurkez ditzan.
 4. Identifikazio fiskaleko zenbakia ezeztatzen bada, baja emango zaio Europar Batasunaren barruko operadoreen erregistroan, zerga bereziak arautzen dituen araudian xedatutako lurralde-erregistroetan, berotegi-efektuko gas fluordunen gaineko zergaren lurralde-erregistroan, Alkoholen eta edari deribatuen gaineko zergaren edo hidrokarburoen gaineko zergaren eremu objektiboetan sartutako produktuen gordailu fiskaleko produktu-ateratzaileen erregistroan eta Balio Erantsiaren gaineko Zergaren Araudiaren 30. artikuluan aipatzen den hileko itzulketaren erregistroan (1624/1992 Errege Dekretua, abenduaren 29koa).
 5. Ezeztapena «Bizkaiko Aldizkari Ofizialean» argitaratu behar da eta zergapekoari jakinarazi behar zaio. Argitalpena Zergei buruzko Foru Arau Orokorreko 110.1. artikuluan bertaratutako jakinarazteko ezarritako egun berean egin behar da.
 6. Identifikazio fiskaleko zenbakiaren ezeztapena Bizkaiko Aldizkari Ofizialean argitaratzeak berekin ekarriko ditu Bizkaiko Lurralde Historikoko Zergei buruzko martxoaren 10eko 2/2005 Foru Arau Orokorraren hirugarren xedapen gehigarriaren 4. apartatuan aurreikusitako ondorioak.

Apartatu honetan xedatutakoa gorabehera, entitateak bete gabe dituen zerga-eginbeharrak bete beharko ditu, eta, horretarako, baliogabetutako identifikazio fiskaleko zenbakia erabiliko da behin-behinean.

7. Identifikazio fiskaleko zenbakiaren ezeztapenak ez du eragotziko zerga betebeharrak egunean daudelako ziurtagiria ematea.
8. Identifikazio fiskaleko zenbaki bat ezeztatu ondoren, zerga-administrazioak berriz ere gaitzea erabaki ahal izango du. Erabaki hori artikuluko honen 4. apartatuan ezeztapen-erabakietarako ezarritakoari lotuz argitaratu behar da.

Identifikazio fiskaleko zenbakia ezeztatzeko arrazoia desagertzen bada, ofizioz edo alderdiak eskatuta birgaituko da.

Identifikazio fiskaleko zenbakia birgaitzeko eskaera berariaz ebazten ez bada, hiru hilabeteen, ukatutzat jo beharko da.

70. artikulua. Sarrera ukatzea eta kautelaz baja ematea Batasunaren barruko eragilean erregistroan, Alkoholaren eta edari deribatuen gaineko zergaren edo hidrokarburoen gaineko zergaren eremu objektiboetan sartutako produktuen gordailu fiskaletako produktu-ateratzaileen erregistroan, Balio Erantsiaren gaineko Zergaren hileko itzulketen erregistroan eta Zerga berezien lurralde erregistroan.

1. Zerga Administrazioak erabaki arrazoituaren bitartez uka diezaioke sarrera zergapeko bati Batasunaren barruko eragilean erregistroan, Alkoholaren eta edari deribatuen gaineko zergaren edo hidrokarburoen gaineko zergaren eremu objektiboetan sartutako produktuen gordailu fiskaletako produktu-ateratzaileen erregistroan, Balio Erantsiaren gaineko Zergaren hileko itzulketen erregistroan eta zerga berezien lurralde erregistroan, baldin eta horretarako eskabidea aurkezten denean honako inguruabar hauetariko bat gertatzen bada:
 - a) Aurreko artikuluko 1. zenbakian ezarritako kasuetako edozein.
 - b) Tributuak aplikatzeko edozein jarduketaren edo prozeduraren jakinarazpenean ez bada jakiterik egon zergapekoa nor den.
2. Zerga Administrazioako organo eskudunak, erabaki arrazoituaren bitartez eta organo proposatzaileak txostena egin ondoren, zergapeko bati Batasunaren barruko eragilean erregistroan, Alkoholaren eta edari deribatuen gaineko zergaren edo hidrokarburoen gaineko zergaren eremu objektiboetan sartutako produktuen gordailu fiskaletako produktu-ateratzaileen erregistroan, Balio Erantsiaren gaineko Zergaren hileko itzulketen erregistroan eta zerga berezien lurralde erregistroan kautelaz baja ematea agindu dezake aurreko idatzatiaz ezarritako kasuetan.

Kautelazko baja behin betiko bihurtuko da zergapekoaren zentsu zuzenketa araudi honen 67. eta 68. artikuluetan xedatutakoarekin bat etorritik egiten bada.

II. KAPITULUA.

ZERGA EGOITZA EGIAZTATZEKO PROZEDURA.

71. artikulua. Zerga egoitza egiaztatzea.

1. Zerga egoitza egiaztatzeke prozedura ofizios abiaraziko du Ogasun eta Finantza Saileko organo eskudunak, bere ekimenez edo beste organo batek eskatuta.
2. Zergapeko baten zerga egoitza egiaztatzeke, zergapekoak berak emandako edo aitortutako datuak eta Administrazioak dauzkan datuak hartuko dira kontuan, bai eta zergapekoari edo hirugarrenei eskatzen zaizkien datuak eta frogagiriak ere, eta gertaerak eta inguruabarrak aztertuko dira zergapekoaren bulego, idazgu, lokal eta establezimenduetan, bertatik bertara eta agiriaren bitartez.
3. Behin prozedura hasiz gero, behar diren instrukzio-egintzak burutuko dira. Prozeduran, Zergei buruzko Foru Arau Orokorreko 97. artikuluan zergen arloko jarduketaz eta prozedurez ezarritako arau bereziak aplikatuko dira. Aintzat hartu ahal izango dira zergak aplikatzeko prozeduretan bildu edo eskuratutako datu, frogak eta inguruabar guztiak.

Zerga egoitza egiaztatzeke prozedura izapidetzeko eskumena daukan organoak txostena eskatu ahal izango die administrazio bera zein beste administrazio publikoetako organo guztiei.

4. Espedientea instruitutakoan ebazpena emango du prozedura abiarazi duen organoak, eta zergapekoari jakinaraziko zaio. Bertan aitortutako zerga egoitza berretsi edo zuzenduko da, eta erabakia hartzeko kontuan hartutako gertaerak eta inguruabarrak azalduko dira.
5. Artikulu honetan zerga egoitza egiaztatzeke araupetutako prozedura azkentzen duen ebazpenari berraztertzeke errekurtsioa aurkeztu ahal izango zaio, bai eta ekonomia-administraziozko erreklamazioa ere.

XEDAPEN IRAGANKORRAK

Lehenengoa. Informazio betebeharrak orokorrak.

1. Araudi honetako VI. tituluko II. kapituluaren xedatutakoa 2009. urteko informazioari aplikatuko zaio, ondoko idatz-zatietako salbuespenekin.
2. Erregistro liburuaren eragiketei buruzko informazioa eman beharra (araudi honetako 47. artikulua) hileko itzulketen erregistroan inskribatuta dauden Balio Erantsiaren gaineko Zergaren subjektu pasiboek soilik bete beharko dute 2009ko urtarrilaren 1etik aurrera. Gainerako zergapekoek, berriz, 2014. urtean bete beharko dute lehenengoz informazioa emateko behar hori, Ogasun eta Finantza Saileko diputatuak horretarako ezarritako modu, epe eta gainerako alderdiekin bat etorriz.
3. Araudi honetako 65. artikuluko g), h) eta i) idatz-zatietan xedatutakoa 2009ko urtarrilaren 1etik aurrera egiten diren eragiketei buruzko informazioari aplikatuko zaio.

Bigarrena. Zentsu aitortzea Jarduera Ekonomikoen gaineko Zergaren aitortzearen ordez aurkezteak.

Araudi honetako 22.3. artikuluan ezarritakoa, hau da, Jarduera Ekonomikoen gaineko Zergatik salbuetsitako zergapekoek zerga horren aitortzearen ordez zentsu aitortzea aurkeztu ahal izatea, 2011ko urtarrilaren 1etik aurrera aplikatuko da.

Hirugarrena. Errenta finkoko tresna batzuen tratamendua Europar Batasuneko beste estatu batzuetan egoiliarren pertsona fisikoaren informazio betebeharraren ondoretarako.

...

Laugarrena. Bizkaiko Foru Aldundiaren egoitza elektronikoa.

Administrazio Elektronikoa buruzko Bizkaiko Foru Aldundiaren 2015eko maiatzaren 5eko 62/2015 Foru Dekretuaren lehenengo xedapen iragankorrean ezarritakoarekin bat, araudi honen 39 artikuluko 5 zenbakian, 39 duodezies artikuluan zein 39 terdecies artikuluan Bizkaiko Foru Aldundiaren egoitza elektronikoa buruz egiten diren erreferentziak Bizkaiko Lurralde Historikoko zergen kudeaketari buruzko Araudiaren 42. artikuluan eta hurrengoetan aipatzen den Bizkaibai zerbitzuari buruz egindakotzat joko dira (araudi hori Bizkaiko Foru Aldundiaren 2009ko uztailaren 21eko 112/2009 Foru Dekretuaren bidez onetsi zen), harik eta Ogasun eta Finantza Saileko zerbitzu telematikoa egoitza elektronikoa horretan txertatu arte.

Bosgarrena. 2018ko urtarrilari eta otsaileko lehenengo hamabostaldiari buruzko informazioa hornitzea.

Araudi honen 39 terdecies artikuluan ezarritakoa gorabehera eta zergapekoek egoki inplementatu ahal ditzaten informazioa hornitzeko beharrezkoak diren sistema informatikoak, 2018ko otsailaren 20ra arte luzatutzat joko dira 2018ko urtarilean eta 2018ko otsaileko lehenengo hamabost egun naturaletan amaitzen diren informazioa hornitzeko epeak.

XEDAPEN GEHIGARRIAK

Lehenengoa. Kanarietan, Ceutan eta Melillan hirugarrenekin egindako urteko aitortzea.

Balio Erantsiaren gaineko Zergari buruzko azaroaren 9ko 7/1994 Foru Arauko 68, 69 eta 70. artikuluetan xedatutakoaren arabera Kanariar uharteetan, Ceutan eta Melillan egindakotzat jotzen diren eragiketak araudi honetan xedatutakoaren arabera agertaraziko dira eragiketen urteko aitortzearen. Eragiketa horiei ezin zaie aplikatu araudi honetako 45. artikuluko 2. idatz-zatiko c) paragrafoaren xedatutakoa. Horretarako, hauex izango da kontraprestazioaren guztirako zenbatekoa: Kanariar uharteetako Zeharkako Zerga Orokorraren zerga oinarria edo Ceuta eta

Melillako Ekoizpen, Zerbitzu eta Inportazioaren gaineko Zergaren zerga oinarria, kasuan kasukoa, zehazteko indarreko arauak aplikatzearen emaitza.

Foru dekretu honetan Balio Erantsiaren gaineko Zergari buruz egindako aipamen guztiak Kanariar uharteetako Zeharkako Zerga Orokorrari edo Ceuta eta Melillako Ekoizpen, Zerbitzu eta Inportazioaren gaineko Zergari doazkiela pentsatu behar da, Kanarietan edo Ceuta eta Melillan, hurrenez hurren, egindakotzat jotzen diren eragiketetarako.

Eragiketa horiei dagokienez, ez dira eskatuko araudi honetako 43.1. artikuluko b) paragrafoan Balio Erantsiaren gaineko Zergaren araubide berezi batzuez ezarritako betekizunak.

Bigarrena. Datu pertsonalen tratamendua.

Beren zerga-betebeharrak eta zerga-eskubideak betetzeko zergapekoek aurkeztutako datu pertsonalak zerga-sistema aplikatzeko erabiliko dira. Datu horien tratamenduaren arduraduna administrazio eskuduna izango da. Tratamenduak beteko ditu Europako Parlamentuaren eta Kontseiluaren 2016ko apirilaren 27ko (EB) 2016/679 (EB) Erregelamendua eta Datu Pertsonalak Babestu eta Eskubide Digitalak Bermatzeko abenduaren 5eko 3/2018 Lege Organikoa, eta aplikatu behar den zerga-arloko araudia. Zerga administrazio eskudunaren egoitza elektronikoan emango da izan daitezkeen tratamenduei eta eskubideak erabiltzeari buruzko informazioa.

Hirugarrena. Erakunde batzuen aktiboaren osaera.

...